

244

Մ. ԱՍԼԱՆԵԱՆ

# ԳԻՏՈՒԹԵԱՆ ԴԱՍԵՐ

Գ. ՏԱՐԻ

(ՄԻԶԻՆ ԴԱՍԸՆԹԱՑՔ)



51075)

4 - 74

Համարակիչ

ՅԱԿՈԲ Ա.ԲՐԱՀՈ.ՄԵՍՆ

Անգլարա հաստիսի, Ռեփու Էֆենի խան



Արթուր և  
20 eggs - 60  
misi

5075 Aug 1938  
Q-74

02 MAY 2010

Մ. ԱՍԼԱՆՅԱՆ

# ԳԻՏՈՒԹԵԱՆ ԴԱՍԵՐ

ԵՐՐՈՐԴ ԳԻՐՔ

(ՄԻԶԻՆ ԴԱՍԸՆԹԱՑՔ)

F. ՏՊԱԳՐՈՒԹԻՒՆ



Թպագր. "ԱԶԴԱՐԱՐԱՐ"  
Կ. ՊՈԼԻՆ 1930

14.02.2013

25870-4-2

244

ՀԱՅՈՒԹՈՒՆ Ա

## ପ୍ରମାଣିତ ଶବ୍ଦଗୁରୁ

3-944 P-70000

1801939040 01243

4846-56



1803  
4

*Ranunculus* *platanifolius* *Nicotrianae* *flavocapitatus* *giganteus* *ad-*  
*erectus* *et* *variolosus*

**ԳԱՆԻ ՄԸ ԽՕՍՔ**  
ԳԻՏՈՒԹԵԱՆ ԴԱՍՏԲՈՒ ԵՐԿՐՈՅ ՎԻՐԻԲՆ ԽՐԱՏՐԱԿՈ-  
ՐԻԱՆ առքիւ, պէս կը տեսնեմ բանի մը բացարութիւն  
առաջ:

Թարեկամներէ ոմանի դիտել տուին քէ առաջին և երկրորդ զիրքերը, իրենց բովանդակած նիւթերով, ինչ կուզան համապատասխան կարգերուն: Այնովէս որ պէտք է եղեր Բազիրքը առաջին դասարանին մէջ կարդացնել: Եւ իրեւ պահառաբանութիւն դիտել կուտան քէ՝ ասրբականի աշուկերը կրնաւ աւելի շատ նիւթ ուժըննել:

Ըմբռնում մըն է այս, որմէ քարերախտաքար հեռու մնացած ենք, շատ մը պատճառներով: Ամէնէն առաջ, ուստիցման նպատակն է ո՞չ թէ զուր միտքը զիտական ծանօթութիւններու տոպրակի մը վերածել, այլ զարգացնել անոր իմացականութիւնը, դիտե՛լ ոռվեցնել: Գասագիրքը պարզապէս ակնոցի դեր պիտի կատարէ: Առակիերեն է որ, ուսուցչին դեկավառութեան տակ, պիտի սորվի այդ ակնոցին մէջէն դիտել իր օքապաքը, և հետեւութիւններ հանել: Միամբութիւն է լաւ արդիւնի սպասել, երէ առակիերել միայն զիրքին մէջ եղածն է որ զոյ պիտի սորվի, և բուրակի պէս պիտի արտասանէ զայն, նոյնութեամբ:

Ինչպէս բառած է մեր Ա. գիրքին մէջ, «Շատուցիչն է որ, համար առած առեն, զանազան հարցումներով պիտի զարգացնէ զորու զննելու կարողութիւնը»:

Երկորդ, սխալ է կարծել թէ առակիքը ինչ որ կը կրկնէ, անպայման սորված է: Մնաց որ, սորվելու պարագային խև, դարձեալ խնդրական կը մնայ հետեւանքը: Տղուն մատղա միտքը պիտք է սորվի առանց ծիփի, և հաջոյրով: Սլյափե դար

Կը դառնայ տարապարհակ աշխատանք, եւ ոչ մեկ իրական  
արդիւնք ձեռք կը բերուի:

Սիս թէ ինչո՞ւ, առջի թէ այս զիրժերուն մէջ, ամէն  
բան: առաջ աշխատած ենք չծանրաբեռնել տղուն միտք,  
ի հարկէ տալով ամէն ինչ որ անհրաժեշտ է, եւ կայ ծրագրին  
մէջ: Արդէն ուղեցոյց ունեցած ենք նրական ծրագրը, եւ  
նկատողութեան առաջ եւրոպական ամէնէն վերջին դասա-  
զիրժերը

1 Օգոստոս 1926

Մ. ԱՍԼԱՆԵԱՆ

Երկու տարուան ընթացէին, Ա. եւ Թ. զիրժեր սպառեցան  
ամբողջակին, երեք տարուան մէջ ալ՝ Գ. եւ Գ. հոգորեները:

Անկախ ամէն բանէ, այս միակ պարագան ինքնին բաւա-  
կան է զաղափար մը տալու այն ընդունելաւքեան մասին, զոր  
գիծնիթեան ԴԱՍԵՐԸ գտնի դարցնեան մէջ:

Ինչպէս առաջին եւկուցին, նոյնակա ալ Գ. եւ Գ. զիր-  
ժերու եւկուղ տաղարութեան առքի, եօնկ տեսանք որու բա-  
րենիտումներ կատարել, նոր պատկերներ դնելով եւ կարգ մը  
հիւրեր ընդլայնելով:

1 Օգոստոս 1930

Մ. Ա.

Կ. Պոլիս



## ԳԻՏՈՒԹԵԱՆ ԴԱՍԵՐ

### ԾԱՆՈԹՈՒԹԻՒՆ ՄԱՐՄԻՆՆԵՐՈՒ ՎՐԱՅ

#### ԵՐԵՔ ՎԻՃԱԿՆԵՐ

ՀԱՍՏԱՏՈՒՆ ԵՒ ՀԵՂՈՒԿ: — Քարի կտոր մը և գաւաթ  
մը ջուր առնենք և քննենք անմնց տարբերութիւնը:  
Քարը կրնանք բռնել, շօշափել, թելէ մը կախել և կամ  
սեղանին վրայ անշարժ պահել:

Այսպէս չէ ջուրը: Զենք կրնար զայն ուղղակի ձեռքով  
բռնել, թելէ կախել, կամ սեղանին վրայ անշարժ պահել:  
Եթէ ամանի կամ փոս տեղի մը մէջ չպահենք, ջուրը կը  
հոսի, կը թափի:

Քարը պինդ է, և չենք կրնար մատով տափակցնել  
զայն: մինչդեռ կրնանք շատ դիւրութեամբ մեր մատը  
խօթել ջուրին մէջ, մասերու բաժնել զայն: Կոտրելով  
միայն կարելի է քարին մասերը անջատել իրարմէ: Քարին  
մասնիկները ամուր բռնած են զիրար, մինչդեռ ջուրին  
մասնիկները իրարու վրայ կը սահին, կը հոսին:

Աւելի կարեւոր տարբերութիւն մը կայ: Քարի կտորը  
ուր որ դնէք, սեղանի վրայ կամ ամանի մէջ, թիւն նոյն  
ձեւը կը պահի: Ջուրը այսպէս չէ, և որ ամանին մէջ  
դրուի, անոր ձեւը կ'առնէ:

Ուրեմն հարը որու ձեւ ունի, իսկ զուրը ոչ: Առաջինը  
հաստատն մարմին կը կոչուի, իսկ երկրորդը՝ հեղուկ:

Քարէն զատ ուրիշ հաստատուն մարմիններ ալ կան.—  
փայտ, երկաթ, ապակի ևն։ Զէթը, մելանը, ևն. հեղուկ են։  
Հեղուկները որոշ ձեւ չունին, բայց որոշ ծաւալ ու-  
նին։ Մաւալ ըսկելով կը հասկնանք մարմնի մը գրաւած  
տեղը։ Քարի կտոր մը ուր ալ դնենք, միշտ նոյնչափ  
տեղ կը բռնէ։ Զուրն ալ այսպէս է։ Սրուակի մը ջուրը



Հեղուկ մը որ ամանին մէջ դրուի,  
անոր ձեւը կ'առնէ

Հեղուկը որոշ ծաւալ ունի

պարպենք գաւաթի մը մէջ։ Զուրին ձեւը փոխուեցաւ,  
բայց ծաւալը ոչ։ Երկու ամաններուն մէջ ալ ջուրը նոյն-  
չափ տեղ կը գրաւէ։

Ուրեմն հաստատուն մարմինները որոշ ձեւ և ծաւալ  
ունին։ Իսկ հեղուկներուն մէջ միայն ծաւալը անփոփոխ է։  
ԿԱԶԱՅԻՆ. — Աման մը ջուր առնենք։ Տեսէ՛ք, ջուրը  
հանդարտ կեցած է, և երբեք չի փորձեր վեր բարձրանալ։  
Ամանը կափարիչով մը գոցենք և կրակի վրայ դնելով եռա-  
ցընենք ջուրը։ Տեսէ՛ք, կափարիչը սկսաւ շարժիլ։ Զրա-  
շողին է որ կ'ուզէ դուրս ելլել, և կը ճնշէ կափարիչին  
վրայ։ Եթէ վերցնէք կափարիչը, շոգին վեր պիտի բարձ-  
րանայ և պիտի տարածուի ամէն կողմ։

Ուրեմն հիմնական տարբերութիւն մը կայ ջուրին և  
շոգին միջեւ։ Զուրը հանդարտ կը մնայ ամանի մը մէջ,  
ուրիշ խօսքով չի փոխեր իր ծաւալը։ մինչդեռ շոգին ան-  
շարժ չի մնար, և միշտ կ'աշխատի աւելի մեծ տեղ գրա-  
ւել, ընդարձակել իր ծաւալը։

Ուրեմն շոգին ո՛չ որոշ ձեւ ունի, ոչ ալ որոշ ծաւալ։  
Այս տեսակ մարմիններ կազային կը կոչուին։ Այսպէս են  
օդը, թթուածինը, լուսաւորութեան կազը, բնածխային  
կազը ևն։

Բնութեան մէջ գտնուած մարմինները միշտ մեզի կը  
ներկայանան հաստատուն, հեղուկ կամ կազային վիճակով։

## ԶՐԱՇՈԳԻՆ ՈՒԺ ՈՒՆԻ

Փորձը տեսանք արդէն, կաթսայի մը մէջ ջուր եռա-  
ցընելով։ Զրաշոգին, իրբեւ կաղ, կ'աշխատի դուրս ելլել,  
ընդարձակուիլ։ և որովհետեւ ուրիշ ելք չի գտներ, կա-  
փարիչին վրայ կը ճնշէ և կը շարժէ զայն։

Ուրիշ փորձերով ալ կարելի է հաստատել թէ ջրաշո-

գին ուժ ունի։ Թէյամանի  
մէջ ջուր դրէք և եռացու-  
ցէք։ Եթէ այս միջոցին  
խիցով մը գոցէք թէյա-  
մանին կտուցը, պիտի տես-  
նէք որ կափարիչը կը սկսի  
շարժիլ և նոյնիսկ վար իյ-  
նալ։ Զրաշոգին էր որ, ու-  
րիշ անցք չգտնելով, ուժով  
մը ճնշեց կափարիչին վրայ  
և վեր նետեց զայն։ Պէտք  
է գիտնաք որ ջրաշոգին  
ջուրէն 1700 անգամ աւելի  
տեղ կը բռնէ։

Առէք մէկ ծայրը գոց


խողովակ մը և ջուրով լեցնելէ յետոյ կրակի վրայ բոնե-  
ցէք, մինչեւ որ ջուրը եռայ։ Այս միջոցին խցանով լաւ  
մը գոցեցէք խողովակը և շարունակեցէք կրակի վրայ  
բռնիլ։ Շատ չանցած, պիտի տեսնէք որ խցանը ուժով մը  
դուն պիտի նետուի։

## ԿԻՐԱՐԿՈՒՄՆԵՐ

Տեսանք որ շոգին ուժ ունի, նեռում: Մարդիկ այս նշումը կ'օգտագործեն՝ շոգենաւեր, շոգեկառքեր և ուրիշ մեքենաներ բանեցնելու համար:


Ասոր համար, ամրափակ կաթսայի մը մէջ երկար ատեն կը տաքցնեն ջուրը: Առաջ եկած շոգին խողովակներով կը լեցուի գլանի մը մէջ և առաջ-ետ կը շարժէ գործիք մը. որ մխոց կը կոչուի: Իր կարգին, մխոցը ձողով մը կցուած է մեքենային անիւներուն, Այնպէս որ, երբ մխոցը շոգիին ուժով աջ-ձախ կը շարժի, անիւներն ալ կը դառնան և մեքենան կը սկսի բանիլ:

Ինչպէս ըսինք, շոգին է որ բնդարձակուելով կը հրէ մխոցը և կը դարձնէ անիւները: Բայց չկարծէք որ



Վայրաշարժ

սովորական խոհանոցներու մէջ ձեր տեսած շոգին կրնայ այդ գործը կատարել: Այս, խոհանոցի շոգին ալ ուժ ունի և կափարիչը վեր-վար կ'ընէ, բայց անոր ուժը մեծ չէ և չի կրնար շո-



գեկառք կամ շոգենաւ բանեցնել: Շոգեշարժ մեքենաներու մէջ, կաթսան ամեն կողմէ ամուր մը գոցուած է. այնպէս որ շոգին չի կրնար դուրս ելել: Երբ ջուրը երկար ատեն տաքնայ, շոգին կը բանտարկուի, կը ճնշէ հեղուկին վրայ, կը տաքնայ և շատ ուժ կը ստանայ:

Ասկէ կը հետեւի թէ շոգեշարժ մեքենաներուն կաթսային ջուրը աւելի տաք է, քան խոհանոցի մէջ մեքենացուցած ջուրը:

Դիտած էք, շոգենաւերը և շոգեկառքերը ինքնաշարժերու նման չեն կրնար ուզած ատենը անմիջապէս նամբայ ելլել: Պէտք է որ առաջուրնէ կաթսային ջուրը տաքնայ և բաւական ժամանակ անցնի, որպէս զի տոգին շատ ամենայ եւ զօրաւոր ըլլս]:

## ՇՈԳԻԱՑՈՒՄ

Աման մը ջուր բաց օդին դրէք քանի մը օր: Պիտիտեսնէք որ ջուրին մէկ մասը պիտի պակսի, իսկ աւելի ուշ բնաւ ջուր չպիտի մնայ ամանին մէջ:

Դարձեալ թաշկինակ մը թրջենք և օդին պարզենք: Ատեն մը յետոյ, թաշկինակը բոլորովին կը չորնայ:

Ի՞նչ եղան ամանին և թաշկինակին պարունակած ջուրերը.— Շոգիացան, կազի վերածուեցան:

Եթէ ամանը, փոխանակ բացը դնելու, կրակարանի վրայ դնենք, ջուրը աւելի առատ շոգի պիտի արտադրէ և շուտով պիտի հատնի: Թաշկինակն ալ կրակարանին վրայ բռնուելով աւելի շուտ կը չորնայ:

Ասկէ կը հետեւի թէ շոգիացումի համար ջերմութիւն պէտք է: Արդ, բացը դրուած ամանին ջուրը ուրկէ առաւ պէտք եղած տաքութիւնը: Արեւին ջերմութենէն, ըսէք

թերեւս : Բայց նոյն փորձը կրնանք կատարել ցուբուին ալ ,  
ձմրան օրինակ :

Ուրիշ օրինակ մըն ալ տանք , որպէս զի աւելի գիւ-  
րութեամբ պատասխանենք վերի հարցումին : Ձեր մէկ  
մատը թրջեցէք և յետոյ հովին բռնեցէք : Մատը շուտով  
կը չորնայ . բայց զովութիւն մըն ալ կը զգայ :

Անգամ մըն ալ քացախի մէջ թաթիւեցէք ձեր մատը :  
Պիտի տեսնէք որ զովութիւնը կ'աւելնայ :

Առաջին անգամ ջուրն է որ ձեր մատին զրայ շոգիա-  
ցաւ . երկրորդ անգամ ալ՝ քացախը : Այս հեղուկները շո-  
գիանալու համար տաքութեան պէտք ունէին , և այդ տա-  
քութիւնը ձեր մատէն առին : Ահա թէ ինչո՞ւ մատը զո-  
վացաւ , քիչ մը պաղեցաւ : Եւ որովհետեւ քացախը աւելի  
շուտ կը շոգիանայ , անոր համար աւելի զովութիւն  
կուտայ :

Դիտած էք անշուշտ , որ երբեմն հիւանդներու ճակտին  
քացախով թրջուած լաթ կը դնեն : Քացախը շոգիա-  
նալով զովութիւն կուտայ հիւանդին , իսկ լաթը շուտով  
կը չորնայ : Ասոր համար լաթը արագ արագ կը թրջեն :

Այս օրինակներէն յետոյ , այլեւս կրնանք ըսել թէ  
ամանին ջուրը ո՞ւրիէ առաւ իրեն պէտք եղած ջերմու-  
թիւնը .— Ինն իրմէ , այսինքն մեացած ջուրէն : Կարասնե-  
րու ջուրը այսպէս է որ պաղ կը մնայ : Ջուրը կարասին  
ծակտիկներէն դուրս անցնելով կը շոգիանայ , և այս ձեւով  
պաղ կը պահէ մնացած ջուրը , ինչպէս որ մեր ձեռքին  
վրայ . շոգիացած քացախը զովութիւն կուտայ մեղի :

Ուրեմն նեղուկ մը երբ իններեն ուղիանայ , իր անմի-  
ջապէս հովի մարմինները կը պաղեցնե :

Այս պարագան աւելի որոշակի երեւան կուգայ , եթէ  
ջուրի և քացախի փոխարէն քանի մը կաթիլ եթեր կա-  
թեցնենք մեր ձեռքին վրայ : Եթերը , իբր աւելի ցնդական  
հեղուկ , արագօրէն պիտի շոգիանայ , այսինքն շատ ջեր-

մութիւն պիտի առնէ մեր ձեռքէն , և հետեւաբար շատ  
պիտի զովացնէ զայն :

Ներարկումներու ատեն , որպէս զի ենթական ցաւ  
չզգայ , եթերով թրջուած բամպակ կը դնեն մարմին այն  
մասին վրայ , ուր ներարկում պիտի կատարուի : Եթերին  
շոգիացումը այնքան պաղութիւն կուտայ , որ մարմին  
այդ մասը դրեթէ կը թմրի , և չի զգար ասեղին պատ-  
ճառած ցաւը :

Եթերով կարելի է ջուրը սառեցնել : Աման մը եթերով  
լեցնենք , և մէջը դնենք քիչ մը ջուր պարունակող փոր-  
ձանօթ մը : Փուքով ալ անգաղար օդ տանք եթերին :  
Պիտի տեսնենք որ , շատ չանցած , ջուրը պիտի պաղի :

Եթերին արագ շոգիացումն էր որ  
ջուրը պաղեցուց : Իսկ մեր տուած  
օդը նպաստեց շոգիացումի արա-  
գութեան :

Քրտնած ատեն հովին դիմաց մնա-  
լու չէ . որովհետեւ քրտինքին պա-  
րունակած ջուրը եթերին պէս արա-  
գօրէն կը շոգիանայ և կը պաղեցնէ  
մարմինը :

Երկու ձեւով շոգիացում տեղի  
կ'ունենայ .— գոլորշիացումով և եռա-  
ցումով : Առաջին պարագային , միայն եթերի շոգիացումով  
հեղուկին մակերեսէն շոգի կ'ար-  
տադրուի , իսկ եռացած ատեն՝ ամբող զանդուածէն :

Բոլոր կազերու նման , ջրառգին ալ աչով չի տես-  
նուիր : Այս որ կը տեսնենք եռացած կաթսաներու վրայ ,  
շոգի չէ , այլ ջուրի մանր կաթիւներ : Ուրիշ խօսքով , ու-  
գին միայն պաղած ատեն տեսանելի է :



## ՈՒՐԻՇ ԿԻՐԱՐԿՈՒՄՆԵՐ

Երկաթէ ձողիք մը ծայրը կրակի մէջ դնենք։ Ծառ չանցած, ոչ միայն այս ծայրը կը տաքնայ, այլ և միւս ծայրը, և այն աստիճան՝ որ չենք կրնար ձեռքով բռնել։

Այս անգամ ալ փայտի կտորի մը վրայ կատարենք նոյն փորձը։ Փայտին մէկ ծայրը կրակին մէջն է, կ'այ ըի, բայց նորէն կրնանք բռնել միւս ծայրը, առանց մեծ տաքութիւն զգալու։

Ուրեմն երկաթը և փայտը նոյն դիւրութեամբ ջերմութիւն չեն հաղորդեր։ Երկաթը լաւ հալորդիչ է, իսկ փայտը՝ վատ հաղորդիչ։ Բոլոր մետաղները լաւ հաղորդիչ են։ Իսկ փայտը, ապակին, մետաքսը, բամպակը, և այլն վատ հաղորդիչ։ Հեղուկները, բաց ի սնդիկէն, վատ հաղորդիչ են։ Կազայինները ալ աւելի վատ հաղորդիչ են։

Մետաղներուն մէջ ամէնէն հաղորդիչը արծաթը և պղինձն են։ Ասոր համար խոհանոցի սաները ընդհանրապէս պղինձէ կը շինեն։

Երկաթագործի գործիքներուն կոթն ալ փայտէ կը շինեն, որդիքնետեւ փայտը վատ հաղորդիչ է տաքութեան համար։

**ՀԱԴՐԻՍՏ.** — Մեր հագուստները մեզ կը պաշտպանեն ցուրտին դէմ։ Այս պաշտպանութիւնը տեղի կ'ունենայ երկու ձեռով։ Նախ մեր հագուստները շինուած են բամպակէ, բուրդէ, կտաւէ և մետաքսէ, որոնք վատ հաղորդիչ են, և թող չեն տար որ մեր մարմնին ներքին ջերմութիւնը դուրս ելլէ։ Երկրորդ, — ինչ որ գլխաւորն է, — հագուստին թելերուն մէջտեղը օդ կայ, որ շատ աւելի վատ հաղորդիչ է, իբրև կազային մարմին։

Ամրան ալ, հագուստին դերն է չթողուլ որ դուրսի

տաքութիւնը շատ ներս անցնի մեր մարմնէն։ Ճերմակ հագուստները աւելի յարմար են այս տեսակէտով։

ԼՈՒՍԱՀՈՐ ԵԻ ԽՍԻԱՐ ՋԵՐՄՈՒԹԻՒՆ. — Էսէնք թէ ապակին ալ վատ հաղորդիչ է։ Բայց գիտէք որ արեւի ճառագայթները կ'անցնին ապակիէն, իսկ այդ ճառագայթներուն մէջ տաքութիւն կայ։ Ուրեմն ապակին ալ ջերմութիւն կը փոխադրէ։ Այո՛, և շատ մեծ քանակութեամբ։ Սակայն զանազանութիւն մը պէտք է դնել արեւի ճառագայթներուն տաքութեան և օրինակի համար վառարանին տուած տաքութեան միջեւ։ Առաջինը լուսաւոր տաքութիւն է, իսկ երկրորդը՝ խաւար։ Լուսաւոր ջերմութիւնը կ'անցնի ապակիէն, իսկ խաւար ջերմութիւնը ոչ։

Այս յատկութենէն կ'օգտուին պարտիզանները։ Գարնան, զանգապակիի աակ կը դնեն ծաղիկ մը, որուն աճումը կ'ուղին փութացնել։ Ուրեմն ջերմութիւնը, լուսաւոր բլալուն համար, կ'անցնի ապակիին մէջէն և կը տաքցնէ բոյսը։ Սակայն յետոյ զժուարութեամբ դուրս կ'ելլէ, որովհետեւ խաւար ջերմութեան կը փոխուի, իսկ ապակին վատ հաղորդիչ է այս տեսակ ջերմութեան համար։




## ՎԻՃԱԿԻ ՓՈՓՈԽՈՒԹԻՒՆ

Մարմինները կրնան մէկ վիճակէն միւսը անցնիլ,  
տաքնալով կամ պաղելով:

Զուրը հեղուկ է, բայց տաքնալով շոգիի կը վերած-  
ուի, կազային վիճակ կը ստանայ, Պաղելով ալ սառ կը  
դառնայ, հաստատուն կ'ըլլայ:

Հակառակն ալ կը պատահի: Ամպերու շոգին պաղելով  
անձրեւի կը վերածուի: Եւ կամ եթէ պաղ զնակ մը բռնէք  
կաթսայէն դուրս ելած շոգին վրայ, կը տեսնէք որ պնա-  
կին վրայ ջուրի կաթիլներ կը գոյանան: Շոգին էր որ



Հաստատուն վիճակ  
(ՍԱՐՈՑՑ)

Սառոյցը հալելով  
ջուր կ'ըլլայ

Ջուրը տաքնալով  
շոգիի կը վերածուի

պաղելով հեղուկ դարձաւ, Դարձեալ, սառոյցը հալելով հե-  
ղուկի կը վերածուի:

Կրնանք նոյն փորձը կատարել նաև ուրիշ մարմիննե-  
րու, օրինակ երկաթի վրայ. միայն աւելի շատ ջեր-  
մութեան պէտք կայ:

Թափծու երկաթ պատրաստելու համար, հողին տակէն  
հանուած խառն երկաթը՝ հանածոն, զօրաւոր հնոցներու  
մէջ կը տաքցնեն: Հանածոն կը հալի. և որովհետեւ եր-

կաթը աւելի ծանր է միւս նիւթերէն, կը հաւաքուի հա-  
լոցին տակ: Ասկէ ալ հալած երկաթը կը վազէ կաղա-  
պարներու մէջ, ուր կը սառի և կը պնդանայ:

Տպագրութեան տառերն ալ այսպէս կը պատրաստեն:  
Կապարը ուրիշ մետաղի մը հետ կը հալեցնեն, և մասնաւոր  
կաղապարներու մէջ կը թափեն: Հեղուկը պաղելով, կա-  
զապարին ձեւը կ'առնէ, տպագրական տառի կը վերածուի:

**ԹՈՐՈՒԹՅՈՒՆ.** — Բնութեան մէջ գտնուած ջուրերը ընդ-

հանրապէս

զուտ չեն, և

երբեմն նոյն-

իսկ մեասա-

կար նիւթեր

կը պարունա-

կեն, մինչդեռ

յաճախ զուտ

ջուրի պէտք

կայ, մանա-

ւանդ դեղերու

պատրաստու-


թեան մէջ:

Ջուտ ջուր

պատրաստելու շատ դիւրին միջոց մը կայ: Զուրը կ'եռա-  
ցընեն կաթսայի մը մէջ, որուն վրայ գարձղարձիկ և եր-  
կար խողովակ մը հաստատուած է: Առաջ եկած ջրաշո-  
գին, խողովակներէն անցած առեն, կը պաղի և կը թափի  
ուրիշ ամանի մը մէջ, իբրեւ հեղուկ:

Եռացման ընթացքին, ջուրին մէջ գտնուող նիւթերը  
չեն շոգիանար, այլ կաթսային յատակը կը մնան: Ուրեմն  
ջրաշոգին ուրիշ նիւթ չի պարունակեր, և սառելով կը  
վերածուի ջուրի:

Այս գործողութեան՝ բորում կ'ըսեն, իսկ առաջ եկած  
ջուրին ալ բորեալ ջուր: Թորումը կը կատարուի ալամ-  
պիի միջոցաւ: Նոյն ձեւով կը թորեն գինին և ուրիշ  
հեղուկներ, ալքոլ պատրաստելու համար:



Ա. Լ. Ա. Մ Պ Ի Ք

## Օ Դ

Օդը չենք տեսներ, բայց կրնանք զգալ անոր գոյութիւնը: Երբ ձեր ձեռքը երկարէք, բան մը չէք զգար: Բայց հովհար մը եթէ շարժէք ձեր դէմքին առջեւ, պազութիւն մը կը զգաք: Օդն էր որ շարժելով հով առաջ բերաւ:

Գիտէք որ երբ սենեակի մը դուռն ու պատուհանները բանանք, հոսանք մը կը սկսի, հով կը փչէ: Օդն է որ արագօրէն շարժելով առաջ բերաւ այս հովը:

Առէք շիշ մը և գլխիվայր շարժուցէք ջուրով լիցուն ամանի մը մէջ: Շիշը չի լցուիր, որքան ալ խորը ընկըղմէք: Ուրեմն բան մը կայ շիշին մէջ, որ արգելք կ'ըլլայ ջուրին մռւտքին: Օդն է այդ արգելքը:

Գիշ մը ծուցէք շիշը, և ահա մէջը ջուր կը լիցուի:

Միեւնոյն ատեն

շիշին բերնէն

պղպջակն եր

դուրս կուգան,

ձայն մը հանե-

լով: Օդն է որ

այսպէս ձայն

հանելով դուրս

կ'ելլէ և թող

կուտայոր ջուրը

ներս մտնէ:

Զագարով ջուր

լիցնենք ամանի

մը մէջ: Տեսէք,

ամանը չլից-

ուած, ձագարը լիցաւ, և ջուրը շատ քիչ կը սկազէ:



Ջուրը լաւ չի վազեր: Եթէ ձագարին եղերքներէն ող դուրս չելլէ:

Հակ


Եթէ ձագարով ամբողջովին գոցենք ամանին բերանը, այն ատեն բնաւ ջուր չի վազեր: Քիչ մը վերցնենք ձագարը— ջուրը սկսաւ առատօրէն վազել:

Պատճառը դուք ալ կրնաք ըսել: Առաջ ամանին մէջի օդը բանստարկուած էր, և թող չէր տար որ ձագարին ջուրը վար վազէ: Իսկ երբ ձագարը քիչ մը վեր հանեցինք, ամանի օդին մէկ մասը դուրս ելաւ քավերէն, և այսպէս պակսեցաւ արգելքը:

Յիշենք ուրիշ օրինակ մը, զոր ամէն օր կը տեսնէք: Ուշադրութիւն ըրած էք ջրկիրներու գործածած ջուրի տակառներուն, անոնց վրայ՝ մէկի փոխարէն երկու ծակ կայ: Գիտէք պատճառը: Եթէ մէկ ծակ ըլլար, աակառը շատ դժուարութեամբ պիտի լիցուէր, որովհետեւ մէջի օդը արգելք պիտի հանդիսանար ջուրի մուտքին: Մինչդեռ երբ ծակերը երկու են, մէկէն ջուր լիցուած ատեն, միւսէն ալ օդ դուրս կ'ելլէ:

Դարձեալ նոյն պատճառով է որ լիցուն թիթեղէ մը քարիւղ վազցնելու համար, թիթեղին վրայ երկու ծակ կը բանան: Կարուակին մէջ լիցուած ջուրը դուրս կը բելի է մէկով ալ քարիւղ վանէ օդը. օդն ալ իր կարզին մոմին վազցնել, պայմանաւ որ բոցը կը շարժէ: Միւս պարզային, երբ մէկ կողմէ քարիւղ կը վազէ, միւս կողմէ օդը ծակէն ներս կը մտնէ և կը ճնշէ թիթեղի մէջի քարիւղին վրայ:

4846-56




## ՕԴԸ ԾԱՆՐ Է

Օդն ալ քարի և ջուրի նման մարմին է և տեղ կը բռնէ, ծաւալ ունի: Ասկէ զատ ծանր ալ է:

Սակայն ի՞նչպէս չափել այս ծանրութիւնը: Քարի կտոր մը կշռելով կրնանք գիտնալ թէ ո՞րչափ ծանր է: Ջուրին համար կարելի չէ նոյն միջոցին դիմել: Ասոր համար, աման մը՝ նախ պարապ, և յետոյ մէջը ջուր լեցնելով կը կշռենք: Երկու կիսներու տարրերութիւնը՝ ջուրին՝ ծանրութիւնը կը ցուցնէ մօտաւորապէս:

Չե՞նք կրնար արդեօք օդն ալ այս ձեւով կշռել: Բնականաբար ո՞չ, քանի որ պարապ կարծուած աման մը օդով լեցուն է. որով պէտք է պարպել ամանի մը օդը, և յետոյ կշռել զայն: Ասոր համար դիւրին միջոց մը կայ: Ապակիէ ամանի մը մէջ քիչ մը ջուր դնենք և եռացընենք: Առատ շողի ելած տտեն, ամանին բերանը խիցով գոցենք, և ամանը վերցնենք կրակին վրայէն: Որպէս զեբոլորովին ապահով ըլլանք, լաւագոյն է խիցին դուրսի երեսը կնքամուով պատել:



Սրուակը զաց է եւ մէջը  
գրեթէ օդ չկայ



Սրուակը բաց է եւ աւելի ծանր,  
որովհետեւ մէջը օդ կայ


Հիմա ըսէք թէ այս ամանին մէջ օդ կա՞յ: Անշուշտ ո՞չ:  
Եռացումի ատեն, արտադրուած ջրաշողին դուրս վանեց

ջուրի մէջի և վրայի օդը և անոր տեղը բռնեց: Որով ամանին մէջ միայն ջուր և ջրաշողի մնաց: Իսկ երբ կրակը մարեցինք, ջրաշողին ալ պաղեցաւ և ջուրի վերածուեցաւ: Հետեւաբար ջուրի վրայի մասը պարապ մնաց, այսինքն առանց օդի:

Այս վիճակին մէջ կը կշռենք ամանը: Յետոյ կը բանանք խիցը: Ի՞նչ կը պատահի. — դուբսի օդը, պարապ տեղ գտնելով, ամանին մէջ կը լեցուի:

Եթէ անդամ մըն ալ այս վիճակի մէջ կշռենք ամանը, կը տեսնենք որ ծանրութիւնը քիչ մը կ'աւելնայ: Դուք ալ կրնաք ըսել պատճառը. — Առաջ միայն ամանը և ջուրը կային. իսկ հիմա դուրսէն օդ ալ աւելցաւ անոնց վրայ: Որով կշռին մէջ մեր տեսած տարրերութիւնը՝ օդին ծանրութիւնն է:

Փորձով հաստատուած է որ մէկ լիդր օդը մէկուկէս կրամէն քիչ մը պակաս կը կշռէ: Ուրեմն մթնոլորտը ահա գին ծանրութիւն ունի: Բայց ի՞նչպէս կ'ըլլայ որ այդ ծանրութիւնը չենք զգար: Պատճառը այն է, որ օդ կայ մեր շուրջը և մարմին ամէն կողմը: Այսպէսով օդին ձնշումները զիրար կը չէզոքացնեն:



## ՕԴԻՆ ՃՆՇՈՒՄԸ

Հաստատուն մարմիններուն ծանրութիւնը կրնանք զգալ, առանց զանոնք կշռելու: Երբ քարի կտոր մը բըռնենք, մեր ձեռքին վրայ կը զգանք ծանրութիւնը: Յետոյ երբ քարը բուրդի վրայ դնենք, բուրդը կը ճնշուի, վար կ'իջնէ:

Զուրին ճնշումն ալ այս ձեւով կրնանք հասկնալ: Քառչուե աման մը երբ ջուրով լեցնենք, ամանը կը սկսի ուռիլ: Զուրին ճնշումն է որ կ'ուռեցնէ ամանը:

Օդն ալ քարի և ջուրի նման ճնշում ունի: Պարզ փորձով մը կրնանք ուղղակի երեւան բերել այս ճնշումը:


Առնենք աման մը ջուր, ապակիէ անօթ մը և ծայրը դարձած խողովակ մը: Խողովակին դարձած ծայրը անօթին մէջ դնենք, և անօթը գլխիվայր շրջենք ջուրի մէջ: Յետոյ



Երբ օդը ծծուի, ջուրը վեր կը բարձրանայ, դուրսի օդի ճնշման տակ սկսինք խողովակին միւս ծայրէն ծծել: Զուրը կը սկսի կամաց կամաց բարձրանալ անօթին մէջ:

Բացատրենք այս փորձը: Գիտէք որ երբ գաւաթ մը գլխիվայր դարձնենք աման մը ջուրի մէջ, ջուրով չի

լեցուիր: Ինչո՞ւ...— որովհետեւ գաւաթին մէջի օդը արգելք կ'ըլլայ ջուրին բարձրացման: Սակայն մեր փորձին մէջ այսպէս չեղաւ և վեր բարձրացաւ: Կը նշանակէ թէ խողովակին ծայրէն ծծելով դուրս հանեցինք անօթին օդը: Միայն թէ ջուրը ինքնիրեն վեր չի բարձրանար: ուժ մը պէտք է, ատիկա ընելու համար: Այդ ուժը՝ դուրսի օդին է, որ ամանին երեսին վրայ նեւեց եւ զուրը անօթին մէջ: Առաջ ալ կար դուրսի օդի այս ճնշումը: բայց անօթին մէջի օդը կը դիմագրէր այս ճնշումին, և թող չէր տար որ ջուրը վեր ելէ: Երբ խողովակին ծայրէն ծծեցինք, անօթին մէջ գտնուած օդին մէկ մասը դուրս ելաւ: իսկ միւս մասը չկրցաւ այլեւս դիմագրել դուրսի օդի զօրաւոր ճնշումին:



Գաւաթին ջուրը, դուրսի օդի ճնշման տակ, խողովակին վեր բարձրանալով կը լեցուի ամանին մէջ, ուր օդը անօրացած է:

մանին օդը ծծել, գաւաթին ջուրը՝ դուրսի օդին ճնշման տակ, կը սկսի խողովակին մէջ բարձրանալ և ամանին մէջ լեցուիլ:

Խողովակի մը մէկ ծայրը ջուրի մէջ դնենք, և միւս ծայրէն ծծենք օդը: Զուրը պիտի սկսի վեր բարձրանալ: Այս միջոցին մատով գոցենք վերին ծայրը, և խողովակը

ջուրէն հանելով օդին մէջ բռնենք: Պիտի տեսնէք որ  
ջուրը վար չպիտի թափի, մինչեւ որ մատը խողովակին  
բերնէն չհեռացնենք:

Կարդ մը օշարակավաճառներ այս տեսակ խողովակնե-



րով օշարակ կը լեցնեն  
գաւաթներու մէջ:

Տակաւին շատ մը ու-  
րիշ փորձերով ալ կարելի  
է հաստատել օդին ճշն-  
շումը: Օրինակ, տակառէ  
մը հեղուկ վիրխադրել ու-  
րիշ տեղ մը, առանց տա-  
կառը շարժելու: Ասոր հա-



մար կը գործածեն երկու անհաւասար թիւով խողովակ  
մը, որ սիֆօն կը կոչուի:

Երկրագունդը պատող օդին ամբողջութիւնը՝ մթնոլորտ  
կը կոչենք, և անոր ճնշումն ալ՝ մթնոլորտական ննում:

—————

### ԿԻՐԱՐԿՈՒՄՆԵՐ

Տակառի մը հեղուկը ծորակէն չի վազեր, եթէ վրայի  
ծակը չբանանք: Եթէ ծորակը բաւականաչափ լայն ըլլայ,  
այն ատեն խնդիրը կը փոխուի. ջուրը վազած ատեն,  
օդն ալ տակառէն ներս կ'անցնի և ճնշելով կը վազնէ  
ջուրը:

ԳրեԽ.— Գրեխը պարզ գործիք մըն է, որով զանա-  
ղան դեղեր կը նե-  
րարկեն: Կը բաղկա-  
նայ տպակիէ խողո-  
վակէ և մխոցէ մը:  
Երբ գրեխին մէկ ծայ-  
րը ներարկելի հեղու-  
կին մէջ դնենք և  
մխոցը քաշենք, հե-  
ղուկը կը սկսի վեր  
բարձրանալ: Այս գիր-  
քին մէջ հեղուկը վար

չի թափիր, որովհետեւ օդ չկրցաւ ներս անցնիլ գրե-  
խին նեղ բերանէն: Հեղուկը վազցնելու համար, պէտք է  
մխոցը հրել:

ՇԹԱՀԱՄՄՈՐ.— Ամէնքդ ալ տեսած էք այս պղտիկ  
գործիքը, որով կաթիլ կաթիլ դեղ կ'անուուի որուակէ  
մը: Պղտիկ և սրածայր խողովակ մըն է: Լայն բերանը կը  
վերջանայ ձգախէմէ խողովակով մը: Երբ ձգախէմը սեղ-  
մենք, խողովակին օդը գուրս կ'ելլէ, և տեղը հեղուկ ներս կը  
մտնէ: Յետոյ ձգախէմը կամաց կամաց սեղմելով, կրնանք  
մեր ուղածին չափ կաթիլ կաթեցնել: Նքահամար կ'ըսեն,  
որովհետեւ անով կարել է համրել կաթիլները, որիքը:


ԶԲՀԱՆ.— Կազմութեամբ գրեխի կը նմանի: Զբհանով  
հորերու ջուրը վեր կը հանեն: Զբհանին տակը կայ խո-  
ղովակ մը, որ մինչեւ հոր, ջուրին մէջ իջած է: Երբ  
մխոցը քանի մը անգամ վեր վար շարժենք, խողովակին  
օդը կը պարպուի, և հորին ջուրը կը սկսի վեր ելլել:

Չանագան տեսակ ջրհաններ կան. միայն թէ հորին  
խորութիւնը 8 մէթրէն աւելի ըլլալու չէ:


ԽԾԱՅՈՒՑԻՉ. — Ֆուրպօի գնդակները և հեծանիւի

լասրիները ուսեցնելու համար պղտիկ  
գործիք մը կը գործածեն, Խոսցուցիչ  
կ'ըսեն այս գործիքին: Մխոցը վեր վար  
շարժելով, դուրսի օդը կը լեցուի գնդակին մէջ և կ'ուռեցնէ  
զայն:

Սուզակները, ծովի յատակը իջած ատեն, օդի պէտք ունին: Խոսցուցիչով է որ դուրսէն օդ կը զրկուի անոնց: Սուզակը իր գլխուն կ'անցընէ մետաղէ դրլիսանց մը որ ամէն  
կողմէ գոց է: Գլխանոցին վրայ հաստատուած է երկայն խողովակ մը, դուրսէն օդ առնելու համար:



ԶԵՐԱՆ




ՀԵծանիւի խոսցուցիչ

## ՕԴԸ ԻՆՉԵՐԷ ԿԸ ԲԱՂԿԱՆԱՅ

ԳԻԾՈՒԹԵԱՆ ԴԱՍԵՐՈւ ԵՐԿՐՈՐԴ ԳԻՐՔԻՆ մէջ արդէն սորվեցանք թէ օդը երկու տեսակ կազէ կը բաղկանայ: — Բբուածին եւ բորակածին: Օդին թթուածինն է որ կ'այրէ փայտն ու ածուխը, ինչպէս նաև լամբարին քարիւղը: Վառարանը կը մարի, եթէ դուռը և կամ խողովակին բանալին գոցենք: Լամբան ալ չի վառիր, եթէ շիշին վրայ պնակ մը դնենք, կամ վարի ծակտիկները գոցենք լաթի կտորով մը:

ԹԹՈՒԱԾԻՆ ԵՒ ԲՈՐԱԿԱԾԻՆ: — Երկար մոմ մը ջուրով լեցուն ամանի մը մէջ դնենք և վառենք: Շիշ մըն ալ մոմին վրայ բռնենք, մինչեւ ջուրին մէջ իջեցնելով զայն: Շատ չանցած, մոմը պիտի մարին միեւնոյն ատեն: Ջուրը շիշին մէջ պիտի խուժէ: Ուշադրութիւն ըրէք շիշն ջուրը աւելի բարձր է դուրսի ամանին ջուրէն:



Մոմը վառուելով, օդին մէկ մասը կը սպառի եւ տեղը չուր կը լեցուի

Լորտական ճնշումը իրարու հաւասար էին: Մինչդեռ հիմա ջուրը վեր բարձրացաւ շիշին մէջ: Կը նշանակէ թէ այդտեղի օդին մէկ մասը պակսեցաւ եւ չիրցաւ դիմանալ դուրսի օդի նեռումին:

Զեզի ծանօթ ուրիշ փորձ մըն ալ ընենք: Յաձախ կը տեսնէք որ տունի մէջ ապիկի (վանրուզ) կը փակցնեն հիւանդի մարմնին մէկ մասին: Եթէ ապիկին ուղղա-


Կի դնենք մեր թեւին վրայ, ինքնիրեն չի կենար և վար  
կ'իյնայ, եթէ թեւը շարժենք: Կտոր մը բամպակ այրենք  
ապիկին մէջ, և այնպէս դնենք մեր թեւին վրայ: Ի՞նչ  
կը տեսնէք: — ապիկին ամուր մը փակաւ միսին և դժ-

ուարաւ կը բաժնուի: Միեւնոյն ատեն մորթը ուղեցաւ:  
Առաջ օդ կար ապիկին մէջ և կը դիմադրէր դուրսի  
ձնշումին: Մինչդեռ բամպակին  
այրելովը, օդին մէկ մասը պակ-  
սեցաւ, և այլեւ չկրցաւ դիմադրել  
դուրսի ձնշումին:

Այս երկու փորձերն ալ ցոյց  
կուտան թէ, երբ մարմին մը այ-  
րի, օդին մէկ մասը կը պակսեցնէ:  
Արդեօք կարելի՞ է աւելի այրե-  
լով բոլորովին սպառել օդը: Կը ք-  
նեցէք մոմին փորձը, և ձեր ուղած հաստութեամբ ու եր-  
կայնութեամբ մոմ առէք: Պիտի տեսնէք որ ջուրը միշտ  
նոյն բարձրութեան պիտի հասնի և երբեք չպիտի կարե-



Ապիկի (վանթուզ)



Առանց օդի ո՞չ մոմ կը վառի, ոչ ալ թուշուն կ'ապրի  
նայ լեցնել շիշը: Լսել է թէ շիշին մէջ կը միայ օդին մէկ

մասը. այլապէս շիշը ամբողջովին պիտի լեցուէր ջուրով:  
Շիշին մէջ մնացած մասը՝ բորակածին է: Սոմը այ-  
ցելով միայն թթուածինը կը սպառէ, իսկ բորակածինը կը  
մնայ:

Հինգ լիդր օդին մեկ լիդրը բրուածին է, եւ չորսը բո-  
րակածին (ազօր):

Թթուածինին ՕԳՏԱԿԱՐՈՒԹԻՒՆԸ. — Առանց թթուա-  
ծինի ո՞չ մարդ կ'ապրի, ոչ կենդանի, ոչ ալ բոյս: Երկու-  
զանդապակիներու տակ մոմ մը եւ թոչուն մը դնենք,  
ինչպէս ցոյց տրուած է պատկերին մէջ: Շատ չանցած,  
մոմին լոյսը կը սկսի երերալ, պղտիկնալ: Թռչունն ալ  
այլեւս դժուարութեամբ կը շնչէ: Ատեն մը վերջ, մոմը  
կը մարի, թռչունն ալ կը մեռնի:

Միայն թէ կարեւոր տարբերութիւն մը կայ մոմին  
մարելուն, և թռչունին մեռնելուն մէջ: Մոմը այն ատեն  
կը մարի, երբ թթուածինը ամբողջովին սպառած է: Մինչ-  
եռ թռչունը չի կրնար այդչափ դիմանալ: Անոր արտա-  
շընչած բնածխային թթուն, — որ գիտէք թէ թոյն է, —  
զանդապակինեն տակ հաւաքուելով, անշնչելի կը դարձնէ  
օդը: Հետեւաբար, դեռ թթուածինը ամբողջովին չսպառած,  
թռչունը չի կրնար շնչել և կը մեռնի:

Մենք ալ այսպէս չե՞նք: Կրնա՞նք առանց նեղուելու  
երկար ատեն մնալ դուռները և պատուհանները գոց սրահի  
մը մէջ, ուր բաղմաթիւ մարդիկ կան: Իսկ եթէ սրահի  
մէջ փայտածուխ վառենք, այն ատեն բոլորովին կը նեղ-  
ուինք:

Բոյսերն ալ պէտք ունին թթուածինի և առանց անոր  
չեն կրնար ապրիլ:

ԲՈՐԱԿԱԾԻՆԻՆ ՕԳՏԱԿԱՐՈՒԹԻՒՆԸ. — Թերեւս ըսէք. —  
հասկցանք, թթուածինը պէտք է մարդոց և կենդանինե-  
րու շնչառութեան, բոյսերու սնանումին, կրակ վառելու  
շատ մը ուրիշ բաներու համար: Բայց ինչի՞ պէտք կու-  
պայ սա բորակածինը որ մոմ մը անդամ չի վառեր.  
աւելորդ չէ:

Ո՞չ, բորակածինը (ազօր) նոյնքան անհրաժեշտ է: Անոր դերն է մեղմել թրուածինին ազգեցութիւնը: Եթէ ողը միայ թթուածինէ բաղկացած ըլլար, շատ արագ պիտի ժնչեինք եւ տա տու պիտի այրեին:

Բորակածինը չի նպաստեր այրումին: Եթէ վառած լուցկի մը իջնենք բորակածինով լիցուն ապակիէ խողովակի մը մէջ, կը տեսնենք որ անմիջապէս կը մարի:

ՈՒՐԻՇ ՄԱՐՄԻՆՆԵՐ.— Թթուածինէ և բորակածինէ զատ, օղը կը պարունակէ նաև բնածխային կազ և ջրաւոգի: Երբեմն ալ շատ թեթեւ փոշի ունի իր մէջ, ինչպէս կը տեսնենք, երբ արեւի ճառագայթ մը պատուհանէն ներս մտնէ:

## ԶՈՒՐԻՆ ԿԱԶՄՈՒԹԻՒՆԸ

Մեր խմած ջուրը շատ պարզ կ'երեւի, բայց այդպէս չէ, և ան ալ օդին նման կազմուած է քանի մը մարմինաներէ, անոր պէս բաղադրեալ է:

Առնենք ամէնէն զուտ ջուրը, որ բարեալ կը կոչուի: Դեղարաններու մէջ միշտ կը դանուի: Անձրեւի ջուրն ու զուտ է:

Արդ, այդ տեսակ ջուր կը կազմուած է երկու կաշերէ: — թրուածին և ջրածին:

Թթուածինը գիտէք: Ջրածինն ալ կազ մըն է որ կը դանուի շատ մը մարմիններու և մասնաւորաբար լուսաւորութեան կազին մէջ: Երբ այս կազը այրի, ջրածինը կը ժնայ օդին թթուածինին հետ և ջրաշողի կը կազմէ:

Ջրածինը օդէն 14 անգամ թեթեւ է: Ասոր համար կը դործածուի օդապարիկները ուռեցնելու:

Գալ տարի պիտի սորվիք թէ ջուրը ինչպէս թթուածինի և ջրածինի կը բաժնեն:

## ԲՆԱԾԽԱՅԻՆ ԿԱԶ

Գիտէք որ բնածխային կազը թոյն մըն է և անշնչելի: Եթէ կրակարանով լաւ մը չվառած փայտածուխ գնէք սենեակին մէջ, ձեր գլուխը կը սկսի ցաւիլ: Իսկ եթէ դոց սենեակին մէջ փայտածուխ վառի, կրնայ նոյն խակ մահ պատճառել:

Բնածխային կազին՝ բնածխային թրու ալ կ'ըսեն:

Մոմ կամ քարիւղ վառած ատեն ալ բնածխային կազ կ'արտադրուի:

Զուրի մէջ քիչ մը կիր լուծելով, կրային ջուր պատրաստենք: Ուշադրութիւն ըրէք, այս ջուրը վճիտ է: Հիմա առնենք աման մը սովորական ջուր և մէջը վառած մոմ մը դնենք: Եթէ կրային ջուրէն քիչ մը լեցնենք այս ամանին մէջ, կը տեսնենք որ կրային ջուրը կը պղտորի և կաթի նման գոյն մը կ'առնէ: Մոմին արձակած բնածխային կազն էր որ այսպէս պղտորեց կրային ջուրը:

Ծնչառութեան միջոցին ալ բնածխային թթու կը կաղմուի: Եթէ ապակիէ խողովակով մը կամ յարդի շիւղով փչենք կրային ջուրին մէջ, կը տեսնենք որ նորէն ջուրը կը պղտորի: Մեր արտաշընչած բնածխային կազն էր որ այս պղտորումը առաջ բերաւ:

Գաւաթ մը կրային ջուր բաց օդին թողունք, ատեն մը վերջը պիտի տեսնենք որ ջուրը կը պղտորի: Էսել է օդին մէջ ալ բնածխային կազ կայ:

Կաւիճի կտորներ դնենք ամանի մը մէջ և վրան բարկ քացախ լեցնենք: Կաւիճը կը սկսի եռալ, և պղպջակներ



Կը կազմուին։ Բնածխային կազն է որ կը զատուի կաւիճէն։ Միեւնոյն երեւոյթը պիտի տեսնենք, եթէ մարմարի վրայ քանի մը կաթիլ քացախ կաթեցնենք։

Հիմա ալ կաւիճի կտոր մը բաւական ատեն զօրաւոր կրակի մէջ դնենք, և յետոյ վրան քացախ լեցնենք։ Պիտի տեսնենք որ այլ եւս չի փրփրիր։ Ինչո՞ւ։ որովհետեւ կաւիճը կրակին մէջ սաստիկ տաքնալով, դուրս տուաւ իր բնածխային կաղը։

Չմարած կիրն ալ այսպէս է, և քացախէն չազգուիր։ Սակայն եթէ պատէ մը կտոր մը կիր փրցնենք և վրան բարկ քացախ լեցնենք, նորէն միեւնոյն եռացման պիտի հանդիպինք։ Ինչո՞ւ, սակայն, այս տարբերութիւնը։ Վերը բնինք թէ օդին մէջ բնածխային թթու կայ։ Արդ, պատի վրայի մարած կիրը, երկար ատեն բացը մնալով, օդէն բնածխային թթու կ'առնէ և կրաքար կը դառնայ։

Մանօր.— Վերի փորձերուն մէջ գործածուած քացախը պէտք է շատ բարկ ըլլայ, այլապէս փորձը չի յաջողիր։ Լաւագոյն է, անշուշտ, թթուներ գործածել։

Բնածխային թթուն այրելի չէ, և ընդհակառակը կը մարէ վառած մոմ մը։ Գինի պատրաստուած ատեն, տակառին շուրջը մեծ քանակութեամբ բնածխային կազ կը հաւաքուի։ Մառանի մը մէջ եթէ այսպէս քանի մը պակառ գտնուի, այդ տեղի օդը կրնայ մարդ թունաւորել։ Ասոր համար, գինեպանը նախ վառած մոմ մը կ'իջեցնէ մառանին մէջ։ Եթէ մոմը մարի, կը նշանակէ թէ շատ բնածխային կազ առաջ եկած է։ Այս կաղը, օդէն ծանր ըլլալուն պատճառաւ, միշտ վարերը կը մնայ։

Հանքածուի հանքերու մէջ ալ այսպէս բնածխային կազ կը հաւաքուի։

Բնածխային կաղը մեծ քանակութեամբ կը լուծուի ջուրի մէջ և կ'օդնէ մարսողութեան։ Կազիօք կոչուած ըմպելիները մեծ քանակութեամբ անկէ կը պարունակեն իրենց մէջ։

## ԾԾՈՒՄԲ ԵՒ ԼՈՒՍԱԾԻՆ

Ծծումբը դեղնորակ հաստատուն մարմին մըն է, և դիւրավառ։ Հրաբխային շրջաններու հողերէն կ'արտադրուի։ Ծծմբախառն հողը ամաններու մէջ լեցնելով կը տաքցնեն։ Ծծումբը կը չոգիանայ, և այսպէս առաջեկած շոգին ուրիշ ամաններու մէջ խտանալով զուածումբի կը վերածուի։

Զօրաւոր թոյն մըն է, և այս յատկութեան պատճառաւ անոր փոշին կը գործածեն այգիներու մէջ, որթալուիճները փճացնելու համար։

Դիւրավառ ըլլալուն համար, ծծումբը կը գործածեն վառողի պատրաստութեան և լուցկիի չինութեան մէջ։ Լուցկիին գլուխները ծծումբով պատուած են։

Վառուած տաեն, ծծումբը կ'արտադրէ կազ մը, որ շատ անախորժ հոտ ունի։ Լուցկի մը վառելով կրնաք համոզուիլ ասոր։ Կծու հոտ մը կ'առնէք, որ երբեմն հազ կը պատճառէ, եթէ մեծ քանակութեամբ ըլլայ։

Եթէ զանգապակիի մը տակ մանուշակ կամ վարդ դնէք և լուցկիներ վառէք հոն, ծաղիկը կը ճերմկի։ Այս յատկութեանէն օդտուելով, ծծմբական կազով կը ճերմկցնեն բուրդը, մետաքսը և ուրիշ նիւթեր։ Այս հիւսուածեղէն ները ջուրով կը թրջեն և ծծումբի շոգիին կը բռնեն։ Թետոյ լաւ մը կը լուան ջուրով։ Այս ճեւով հիւսուածեղէն ները կը ճերմկին։

Նոյն ճեւով կը ճերմկցնեն նաև փայտի շաղախը, անով թուղթ շինելու համար։

Ծծմբական կաղը կը գործածուի նաեւ հականեխելու այն սենեակները, ուր պառկած են վարակիչ հիւանդութիւններէ բռնուած հիւանդներ։

Ծծմբական կազով կարելի է մաքրել նաեւ այն բիծերը։

զոր պտուղները կամ գինին առաջ կը բերեն ճերմակեղէնս-ներու վրայ: Ասոր համար բծաւոր տեղերը կր թրջեն և և վասուած ծծումբի վրայ կը բռնեն:

Ծծումբէն կ'արտադրեն նաև հեղուկ մը, ծծմբալին քրու (ասիս սիլֆիւրի), որ շատ զօրաւոր թոյն մըն է, և սաստիկ կ'այրէ: Զուրի շատ ծարաւի է: Եթէ աման մը ջուրի մէջ քիչ մը ծծմբային թթու լեցուի, սաստիկ տաքութիւն առաջ կուգայ:

Ծծմբային թթուն շատ կը գործածուի ճարտարագործութեան և արհեստաներու մէջ: Կազմուած է ծծումբէ, թթուածինէ և ջրածինէ:


**ՀՈՒՍՍԾԻՆ.**— Բաց գեղին գոյնով հաստատուն մարմին մըն է, և քիչ մը կակուզ: Շատ դիւրավառ է, պարզ շփումով կը բռնկի:

Մութին մէջ լուսաւոր կ'երեւի, և այս յատկութեան համար լուսածին (Ֆուֆօր) կոչուած է: Դիտած էք, թեւի կարգ մը ժամացոյցներու ասեղները մութին ալ կը տեսնուին: Այդ ժամացոյցներուն սկաւորակին վրայ լուսածին քսած են:

Լուսածինը ոսկորներէ կ'արտադրեն, ծծմբային թթուի միջոցաւ: Թթուն կը տարրալուծէ ոսկորը, և կը զատէ անոր պարունակած լուսածինը:

Եթէ բացը ձգուի, նոյն իսկ պաղ տեղ մը, լուսածինը ինքնիրեն կ'այրի և կը հատնի: Ասոր համար միշտ ջուրի մէջ կը պահեն: Լուսածինը ջուրի մէջ չի լուծուիր:

Լուսածինը ամէնէն աւելի կը գործածուի լուցկի շի-



նութեան մէջ: Ասոր համար փայտէ ձողիկներու ծայրերը կը դնեն հալած ծծումբի մէջ: յետոյ լուսածինի և ուրիշ նիւթերու չաղախով մը կը ծեփեն:

Լուսածինը ուրիշ նիւթերու հետ խառնելով կը գործածեն նաև իրեւ աղբ, հողերը պարարտացնելու համար:

## ՓՕԹԱՍ ԵՒ ՍՕՏԱ

Բոլորդ ալ տեսած ըլլալու էք այս ճերմակ մարմինները, որ շատ գործական են տուներու մէջ: Լուսացքի ատեն սօտա կը դնեն եփացին մէջ, ճերմակեղէններու աղտերը գիւրութեամբ հանելու համար: Օճառն ալ իր մէջ փօթաս կը պարունակէ: Շատ անգամ ալ, լուալէ առաջ, ճերմակեղէնները մոխրացուրի մէջ կը դնեն: Մոխրին ալ փօթաս ունի իր մէջ:


Փօթաս պատրաստելու համար, ծառերու ճիւղեր և ցամաքային բուսեղէններու մնացորդներ փոսի մը մէջ կը լցնեն և կը վառեն: Առաջ եկած մոխրը կը լցնեն ջուրի մէջ, որ կը լուծէ փօթաս պարունակող մասերը: Այս հեղուկը երբ չոգիանայ, տակը կը մնան փօթասի բիւրեղացած կտորներ:

Փօթասը կը լուծէ ճարպային նիւթերը, և ասոր համար շատ գործածական է ճերմակեղէնի լուսացքի մէջ:

Սօտան ալ փօթասին յատկութիւններն ունի: Ծովացին բուսեղէններու մոխրէն սօտա կ'արտադրեն: Բայց ամէնէն աւելի ծովու աղէն սօտա կը հանեն: Ծովուն ջուրը մասնաւոր աւաղաններու մէջ կ'առնեն: Զուրը արեւին ջերմութեամբ կը չոգիանայ, իսկ աղը աւաղանին յատակը կը բիւրեղանայ:

Աղը կը գտնուի նաև հողին տակ, մասնաւոր հանքերու մէջ: Եշանաւոր են Աւստրիոյ աղի հանքերը:

Աղը անհրաժեշտ սնունդ մըն է: Դիտէք որ մեծ քառակութեամբ աղ կայ մեր արխունին, գեղձերուն և լորու



Ծովային աղի աւազան

ձունքին մէջ: Աղը ախորժելի և դիրամարս կ'ընէ կերառ կուրները: Չուզի և միսի նման կարդ մը նիւթեր ալ կ'առ զեն, նեխելէ զերծ պահելու համար զանոնք:

## Ա Ի Շ Ա Կ

Բորակածին և ջրածին իրարու միանալով առաջ կը բերեն կազ մը, որ աւշակ կամ անուշադր (ամօնիաք) կը կոչուի:

Այս կազը մեծ քանակութեամբ կ'արտադրուի ախոռներու մէջ, առաւելապէս մէզի տարրալուծումէն: Ունի ասստիկ կծու հոտ մը, որ արցունք կը բերէ մարդուա աչքերէն:

Եթէ քիչ մը կիր և աղբաջուր փորձանօթի մը մէջ

տաքցնէք, շատ չանցած կծու հոտ մը պիտի առնէք: Աւշակն է որ առաջ եկաւ և այս անախորժ հոտը արձակեց:

Աւշակը անգոյն կազ մըն է, և լաւ չէ շնչառութեան համար: Դիւրութեամբ կ'այրի թթուածինի մէջ: Զուրի մէջ լուծելով կը գործածեն զայն՝ իւղոտ բուրդերը մաքրելու, հագուստներու աղտերը հանելու, ինչպէս նաև օձի և ուրիշ թունաւոր կենդանիներու խայթուածքը խարելու:

Այս կազը կը գործածուի նաև խոտակեր կենդանիներու ուռեցքը իջեցնելու: Արածած ատեն, շատ անգամ կենդանիները կ'ուռին, որովհետեւ թաց խոտերը կը տարրալուծուին և մեծ քանակութեամբ կազ կ'արտադրեն: Աւշակի չնորհիւ, անասնաբոյժները կը յաջողին չզոքացնել այս կազերը և իջեցնել կենդանին ուռեցքը:

## Ա Լ Ք Օ Լ

Զուրէն քիչ մը թեթեւ հեղուկ մըն է, զօրաւոր հոտով ու կծու և այրող համով:

Ալքոլը պարզ մարմին մը չէ, այլ բաղադրեալ և կազմուած է երեք նիւթերէ: բնածուիս, ջածին և թրուածին: Եթէ ալքոլի վառուած լամբի մը վրայ պնակ մը բռնէք, երկու բան պիտի տեսնէք: նախ պնակը կը սեւնայ, յետոյ կը ծածկուի ջուրի մանր կաթիլներով: Սեւութիւն առաջ բերողը՝ մէջի բնածուին է. իսկ ջուրի վերածուողը՝ մէջի ջրածինը, որ միացաւ թթուածինի հետ և ջուր կազմեց: Ասկէ զատ, գիտէք թէ ալքոլը կ'այրէ: Բանի մը կաթիլ զօրաւոր օդի կը բաւէ մարդուա կոկորդը քերելու և նոյն իսկ աչքերէն արցունք վազցընելու: Ալքոլին պարունակած թթուածինն է որ այս կծու ազգեցութիւնը կը գործէ:

Ալքոլը կը լուծէ ճարպային նիւթերը, ինչպէս նաև

Չուրին մէջ չլուծուող կարգ մը մարմինները .— խօս , լուսածին , ռետին , ներկեր ևն .: Այս յատկութենէն օգտուելով , ալքոլը կը գործածեն իւզերու բիծերը հանելու և կարգ մը աղտեղութեններ մաքրելու : Եթէ ձեր ձեռքը ներկով աղտոտի , ջուրով լաւ չի մաքրուիր . մինչդեռ ալքոլվ կարելի է լաւ մը մաքրել :

Ալքոլը ցնդական է , այսինքն արագօրէն կը շոգիանայ : Ասոր համար պէտք է միշտ գոց պահել ալքոլի շիշերը , որովհետեւ հեղուկը շոգիանալով կը կը սպառի :

Իր այրող յատկութեան համար , ալքոլը կը գործածուի նաև իբրև հականեխիչ : Վիրաբոյժները , գործողութիւն կատարելէ առաջ , ոչ միայն իրենց ձեռքերը օճառով լաւ մը կը լուան , այլև ալքոլով կը թրջեն , որպէսզի մեռնին անոնց վրայի մանրէները , եթէ կան :

## ԽՄՈՐՈՒՄ

Բնաւ հետաքրքրուած էք թէ հացթուխը ի՞նչպէս խմոր կը պարաստէ ալիւրէն : Ալիւրի մէջ ջուր կը լեցնէ և կը շաղէ , ըսէք թիրեւս : Այս' , այս ձեռով ալ խմոր կը պատրաստուի , և տուներու մէջ այսպէս կարկանդակ կը շինեն : Միայն թէ այս խմորը չուռենար , և անով պատրաստուած հացը սովորական հացին համը չունի :

Եթէ հետաքրքրուիք , պիտի տեսնէք որ հացթուխը ուրիշ բան մըն ալ կը խառնէ ալիւրին , թրիսոր ըսուածը , որ նախորդ օրուընէ մնացած խմորի կտոր մընէ : Թթխմորով ալիւրը շաղելէ յետոյ , տաշտը տաք տեղ մը կը դնեն : Քանի մը ժամէն , շաղախը կը սկսի տաքնալ և ուռիլ , ծակ ծակ ըլլալ , և բնածխային կազ արձակել : Շաղախը խմորուեցաւ , կ'ըսեն :

Ուրիշ օրինակ մը յիշենք : Գինի պատրաստելու համար , գիտեք որ խաղողը կը ճմլեն և անոր շաքարոտ հիւթը , բաղցուն , տակառներու մէջ լեցնելով օդին կը թողուն : Քանի մը օրէն քաղցուն կը սկսի տաքնալ , պղպջակներ գոյացնել և բնածխային կազ արձակել : Խմորում մըն էր որ տեղի ունեցաւ , քաղցուն գինիի վերածուեցաւ :

Ամառ ատեն , յաճախ կը պատահի որ խոհանոցի կերակուրները աւրուին . թրուին : Միսը և հաւկիթն ալ եթէ երկար ատեն սաք սել մը պահուին , դարձեալ կ'աւրուին , կը հոտին : Մեր այս յիշածները խմորումի մէկ մէկ օրինակներ են :

Խմորումը ի՞նչպէս տեղի կ'ունենայ : Խմորումը կը կատարուի կարգ մը շատ փոքր և անտեսանելի սերմերու միջոցաւ , որոնք կը գտնուին բուսային և կենդանական մարմիններու , ինչպէս նաև օդին մէջ : Այս անտեսանելի սերմերն են որ խաղողի քաղցուին յատկութիւնը կը փոխեն և անոր շաքարը ալքոլի կը վերածեն : Այս սերմերուն՝ խմոր ալ կ'ըսեն :

Կաթը մածունի վերածելու համար , անոր մէջ կը դնեն մածունի կտոր մը որ խմորող սերմեր կը պարունակէ : Նոյն յատկութիւնը ունի նաև թթխմորը , որ ալիւրի շաղախը կը թթուեցնէ և խմորի կը վերածէ :

Խոհանոցի կերակուրներն ալ օդին պարունակած սերմերովն է որ կը թթուին : Ամրան , խոհարարը յաճախ եփի կը հանէ կերակուրը : Տաք տեղ դրուած կերակուրը օդէն խմորման սերմեր կ'առնէ . եռացումով այդ սերմերը կը բնաջնջուին և կերակուրը կրնայ աւելի դիմանալ :



## Ի՞ՆՉՊԵՍ ԱԼՔՈԼ ԿԸ ՊԱՏՐԱՍՏԵՆ

Դինին և ուրիշ խմարուած ըմպելիներ իրենց մէջ ալքոլ կը պարունակեն, շատ կամ քիչ չափով:

Այս ըմպելիները թորիչ մեքենաներէ (ալամպի՛) կ'անցընեն, և կը զատեն անոնց պարունակած ալքոլը: Հեղուկը եռացած ատեն, ամէնէն առաջ մէջի ալքոլը կը չոգիանայ, իբրեւ աւելի ցնդական: Այս շոգին խողովակներէ անցնելով կը պազի և իբրեւ հեղուկ կը լեցուի ամանի մը մէջ: Զուտ ալքօլն է այս:

Ալքոլ կը պատրաստեն նաեւ ուրիշ նիւթերէ, ինչպէս գետնախնձոր, ճակնդեղ ևն: Փայտէն ալ ալքոլ կը հանեն: Ասոր համար փայտը կը տաքցնեն ամաններու մէջ և կը շոգիացնեն անոր պարունակած ցնդական նիւթերը: Այս ալքօլները զուտ չեն և միայն իբր վառելիք կը գործածուին: Զուտ ալքօլէն կը պատրաստեն ոգելից ըմպելիներ: — օղի, քոնեաք եւն:

Ծծմբային թթուի միջոցաւ ալքոլով կը շինեն եթեր կոչուած ծանօթ հեղուկը: Եթերը կը լուծէ ճարպային նիւթերը, ինչպէս նաեւ ծծումբը և լուսածինը:

Եթերի շոգին թմբեցնող յատկութիւն ունի և քուն կը բերէ: Վիրաբուժական գործողութիւններու ատեն երբեմն կ'օգտագործեն այս յատկութիւնը, ենթական թմբեցնելու համար:

## Օ Ճ Ա Ռ

Օճառը ընդհանրապէս ձէթով կը շինեն: բայց և այնպէս բուսական և կենդանական ուրիշ իւղեր ալ կը գործածեն այս նպատակով:

Կաթսայի մը մէջ ձէթ և մաս մը սօտա դնելով կը տաքցնեն: Զերմութեան աղեցցութեամբ, ձէթը կը բաժ-

նուի երկու մասի: — բուն իւղը և կիսւերին: Առաջինը կը միանայ սօտային և օճառ կը կաղմէ: իսկ կիսւերինը կաթսային երեսը կը հաւաքուի:

Կիսւերինը կ'առնեն, « մնացածին մէջ ծովային աղի լուծոյթ մը կը թափեն: Օճառը, որ աղջուրի մէջ չի լուծուիր, այս ձեռով կը զատուի: Յետոյ եռացնելով կը շոգիացնեն խառնուրդին պարունակած ջրաչոգին և կը թողուն որ օճառը պաղի և պնդանայ: »

Սօտայով պատրաստուած օճառները կարծր կ'ըլլան: Երբեմն սօտայի փոխարէն փօթեաս կը գործածեն, այս տեսակ օճառները կակուղ կ'ըլլան և լուսացքի յարմար չեն:

Արմաւի, շուշմայի եւ առաջին իւղերով ալ օճառ կը շինեն:

## Լ Ո Ւ Ծ Ո Ւ Մ

Գաւաթ մը ջուրի մէջ կտոր մը շաքար դնենք: Շաքարը կը սկսի կակուղնալ, մանր կտորներու բաժնուիլ և վերջապէս անհետովիլ: Նախար լուծուեցաւ, կ'ըսեն: Առաջեկած հեղուկն ալ՝ լուծովի կը կոչուի:

Կարգ մը մարմիններ, ինչպէս աղ, սօտա, կիր, փօթաս, եւայլն, շաքարի նման այսպէս կը հալին, կը լուծուին ջուրի մէջ: Սակայն լուծումը անվերջ չէ, և ատեն մը կուգայ որ շաքարի կամ աղի կտորը ջուրին յատակը կը նատի, առանց հալիւու, լուծոյթը յագեցած է, կ'ըսեն, այսինքն այլ եւս չի կրնար լուծել:

Ցագեցած լուծոյթ մը տաքնալով, կրնայ նոր մասեր լուծել: Ուրեմն ջերմութիւնը կ'աւելցնէ հեղուկի մը լուծելու կարողութիւնը:

Միայն հաստատուն մարմինները չէ որ հեղուկի մը մէջ կը լուծուին. կազայիններն ալ կրնան լուծուիլ: Կազօղը, օրինակ, իր մէջ լուծուած ունի բաւական քանակութեամբ բնածխային թթու: Ճահճներու ջուրերը վտանգաւոր կազեր կը ծծեն, և ասոր համար ըմպելի չեն: Պէտք է գիտնաք որ մաքուր ջուրը մասնաւոր հոտ և համ չունի:

## ԳՈՐԾԱԾԱԿԱՆ ՍԵՏԱՂՆԵՐ


Ամէնէն աւելի գործածական մետաղներն են. — երակաթ, պղինձ, զինկ, կապար և անագ: Շատ մը գործիքներ ասոնցմով շինուած են: Այս բոլոր մետաղները կ'աղդուին խոնաւութենէն. կը ժանգոտին: Ուրիշ խօսքով, ջուրին և օդին թթուածինին հետ միանալով կ'այրին:

Բոլոր մետաղները հաստատուն են բացի սնդիկէն, որ հեղուկ վիճակ ունի: Ասկէ զատ ունին իրենց յատուկ փայլ մը, մանաւանդ երբ յղկուին: Մետաղները լաւ հաղորդիչ են ջերմութեան և ելեկտրականութեան համար:

Հողերու տակէն, մասնաւոր հանքերէ կը հանեն մետաղները: Շատ քիչ անգամ զուտ վիճակի մէջ կը գտնուին, գրեթէ միշտ խառնուած կ'ըլլան ուրիշ նիւթերու հետ: Այս վիճակի մէջ հանածոյ կը կոչուին. հանածոները կը հալեցնեն և անոնց մէջէն կը զատեն մետաղը:

ԵՐԿԱԹ. — Ամէնէն աւելի գործածական և օգտակար մետաղն է. բնութեան մէջ առատօրէն կը զանուի:

Հուտ երկաթը թէեւ զիմացկուն է, բայց կակուղ է և



Թափծու առարկաներու  
շինութիւն

Ասոր համար մէջը ածուխ խառնելով կը կարծրացնեն զայն: Կարգ մը վառարաններ և արդուկներ թափծու երկաթով կը շինեն: Պողպատն ալ երկաթի և ածուխի խառնուրդ է: Միայն թէ թափծուին մէջ ածուխին քանակութիւնը աւելի շատ է:

Ածուխը երկաթին խառնուելով զայն կը կարծրացնէ. բայց մինչ հասարակ երկաթը զիմացկուն է, պողպատը և մանաւանդ թափծուն զիւրաբեկ են: Մուրճով կարելի է զարնել հասարակ երկաթի վրայ, առանց զայն կոտրելու մինչդեռ պողպատը և թափծուն այս պարագային կը կոտրին:

Գիտէք արդէն որ պողպատով կը շինեն զմելիի շեղը, ածելի և շատ մը գործիքներ: Պողպատեն կը պատրաստեն բարակ թելիք, որոնք շատ առաձգական են և կը գործածուին իրբեւ զսպանակ: Ասոր համար պողպատը կը զրեն, այսինքն հրաշէկ վիճակով ջուրին մէջ կը դնեն:

Երկաթը, բաց օդին մնալով, թթուածինի հետ կը միանայ և ժանդ կը կապէ: Այս ժանդը աստիճանաբար կ'աւելինայ և կուգայ ատեն մը որ կը փացնէ ամբողջ երկաթը: Այս անպատճենութեան առաջքը առնելու համար, երկաթը կը պատեն զինկով կամ անագով: Զինկով պատուած երկաթը՝ կալվանիքի երկար կը կոչուի, իսկ անագով պատուածը՝ բիբեղ: Այս ձեւով միայն երկաթին գուրս մասը կը ժանգոտի, իսկ մէջ մասը անվասս կը մնայ:

ՊԴԻՆՉ. — Կարմիր և շատ փայլուն մետաղ մըն է: Շատ լաւ հաղորդիչ է ջերմութեան և ելեկտրականութեան համար: Այս պատճառաւ պղինձէ կը շինեն խոհանոցի կարգ մը առարկաները. — Կաթսայ, սան, ջեռոց, սրճաման, եւայլն: Ելեկտրական հոսանքի թելերն ալ դարձեալ պղինձէ են:

Միայն թէ խոնաւ օդէն շուտ կ'ազդուի պղինձը և կը

Գապէ կանաչ ժանդ մը , որ թոյն է : Հետեւաբար , կերակուր ենիելէ յետոյ , անմիջապէս պարպելու է պղինձէ սանը . այսպէս ժանդ առաջ կուգայ : Այս անպատեհութեան առաջքը առնելու համար , պղինձէ ամաններուն ներսի կողմը կը կլայեկեն :

Պղինձը երկաթէն աւելի կակուղ է , և կրնայ բարակ թերթերու և թելերու վերածուիլ : Պղինձին զինկ խառնելով արոյ կը պատրաստեն : Անգապղինձն ալ , որմէ զանդակ և թնդանօթ կը շինեն , պղինձի և անագի խառնուրդ է :

Զի՞նկ .— Ճերմակ կապտորակ մետաղ մըն է : Խոնաւութենէն կ'ազդուի և ժանդ կը կապէ : Սակայն այս ժանդը չի մասեցներ մետաղը , ինչպէս կ'ըլլար երկաթին մէջ , այլ կը պաշտպանէ զայն օդէն ու խոնաւութենէն : Ասոր համար է որ երկաթին երեսը զինկի խառնվ մը կը պատեն , որպէս զի երկաթը խոնաւութեան դիմանայ :

Կակուղ է զինկը , բայց ոչ երկաթի չափ : Որոշ տաքութեան մը մէջ կլելի է , այսինքն մուրճի հարուածներու տակ կրնայ ուզուած ձեւը առնել : Միայն թէ տոկուն չէ : Զինկը կը գործածեն իր հետեւեալ յատկութիւններուն համար .— Դիւրաւ թերթերու կը վերածուի , առածդական է , և մանաւանդ չի ժամանար , ջուրին և օդին մէջ մնալով : Երեսը միայն կը ժանգոտի , և այսչափ : Այս պատճառաւ զինկի թերթեր կը գործածեն տանիքներ ծածկելու և ջուրի խողովակներ շինելու :

Սակայն զինկը չեն գործածեր խոնանոցի ամաններու պաշտպանութեան համար , որովհետեւ այս մետաղը թթուներու հետ միանալով գորաւոր թոյն կը կազմէ :


ԱՆԱԳԻ .— Շատ փայլուն է և կակուղ : Խոնաւութենէն չաղդուիր : Ասոր համար անագի բարակ թերթերու մէջ կը դնեն չօքոլայի և թէյի նման նիւթեր , խոնաւութենէ պաշտպանելու համար զանոնք :

Անագը կապարի հեա խառնելով կլայեկ կը պատրաստեն : Կլայեկուած պղինձէ ամանները ժանդ չեն կապեր : Երկաթի թերթերը անագի մէջ թաթխելով թիթեղ կը պատրաստեն :

ԿԱՊԱՐ .— Կակուղ մետաղ մըն է , գորչ կապտորակ գոյնով : Բոլոր մետաղներէն աւելի դիւրութեամբ կը հալի : Կոռելի է , բայց ոչ դիմացկուն է , բայց թել վիճակի մէջ դիւրաւ կը կոտրի . մինչդեռ գիտէք որ երկաթի և պղինձի թելերը այսպէս չեն , և նորէն կը դիմանան որքան ալ թերթակ ըլլան :

Կապարէ կը շինեն որսի հրացանի գնդակներ և ջուրի ու լուսաւորութեան կազի խողովակներ : Տպագրական տառեր շինելու համար , կապարին կը խառնեն ծարիր (անթիմուան) կոչուած մետաղ մը , որ կը կարծրացնէ զայն : Կապարի բաղադրութիւնները թունաւոր են :

ԱՆՈՒՄԻՆԻՈՒՄ .— Ճերմակ և շատ թեթեւ մետաղ մըն է : Անով կը շինեն խոնանոցի ամաններ , տուփեր և ելեկարական հոսանքի թելեր :



Կապարէ առարկաներու շինութիւն եւ գործածութիւն

## ԱԶՆԻՒ ՄԵՏԱՂՆԵՐ

Այսպէս կը կոչուին ոսկին, արծաթը և լսնոսկին: Այս մետաղներ զուտ վիճակի մէջ կը գտնուին հողերու տակ, բայց շատ քիչ քանակութեամբ: Իրենց զլխաւոր առաւելութիւնը այն է որ, խոնաւութենէն չեն ազդուիր, ժանդ չեն կապեր:

Ոսկին և արծաթը զուտ վիճակի մէջ չեն գործածուիր, որովհետեւ կարծր չեն և շուտ կը մաշին: Ասոր համար որոշ քանակութեամբ պղինձ կը խառնեն անոնց մէջ: Ուսկիով և արծաթով դրամ եւ գոհարեղէններ կը պատրաստեն:

Լսնոսկին ձերմակ մետաղ մըն է, արծաթի գոյնով: Ամէնէն դժուարաւ հալելի մետաղն է: Լսնոսկիին այս յատկութիւնը կ'օգտագործեն գիտական փորձերու մէջ, ուրաքանչ կայ մեծ ջերմութեան դիմացող հալոցներու: Լսնոսկիով արուեստական ակոայ եւ գոհարեղէններ կը պատրաստեն:

Թանկագին մետաղ մըն է նաեւ սնդիկը, որ հալած արծաթի գոյն ունի: Սնդիկը շատ մը գործածութիւններ ունի բժշկութեան մէջ: Գիտէք որ ջերմաչափն ալ սնդիկով շինուած է:

## ՀԱՆՔԱՅԻՆՆԵՐ

Հողին տակ կան ո՛չ միայն մետաղներ, այլ եւ տեսակ տեսակ քարեր, որոնք կը գործածուին շինութեանց մէջ, եւ ուրիշ պէտքերու համար: Կան նաեւ քարածուխ, քարիւղ, եւայլն: Բոլոր այս նիւթերը հանքային կը կոչուին:

Բոլոր քարերը ո՛չ միեւնոյն կարծրութիւնը, ո՛չ արմիեւնոյն յատկութիւնը ունին: Կան որ կարծր են եւ դիւ-

րաւ չեն փշրուիր, ինչպէս սալայատակումի համար գործածուած քարերը: Կան ալ որ շատ դիւրաբեկ են, ինչպէս մարմարիոնը:

ԿՐԱՅՑԻՆ. — Այսպէս կը կոչուին կարգ մը քարեր, որոնք իրենց մէջ կիր կը պարունակեն: Եթէ բարկ քացախ լիցնենք այս տեսակ քարերու վրայ, տեսակ մը բռնկում կը սկսի:

Գլխաւորներն են. — Կրաքարը, մարմարիոնը, կաւիծը և շինութեան քարը:

Կրախարը հնոցներու մէջ տաքցնելով կիր կը պատրաստեն: Տաքութեան աղղեցութեամբ, լնածխային կազմ գուրս կ'ելլէ: Վրան ջուր լիցնելով, այս կիրը կը մարեն և շինութեան մէջ կը գործածեն: Կիրի աւազախառն շաղախը չորնալով կը կարծրանայ և ամուր մը իրարու կը միացնէ պատի քարերը:

Մարմարիոնը կարծր քար մըն է, ձերմակ և երբեմն ալ գեղնորակ և կամ կարմիր գոյնով: Շատ յղկելլի է. կը գործածուի արձան, սիւն, տապանաքար եւայլն շինելու:

Շինութեան քարերը մարմարիոնի պէս չեն յղկուիր, բայց աւելի դիմացկուն են: Անոնց զլխաւոր յատկութիւնն է շատ չազդուիլ օդէն ու խոնաւութենէն:

Կալինը ձերմակ, զիւրաբեկ և կակուղ կրաքար մըն է, կը գործածուի գրատախտակի վրայ գրելու:

Տեսակ մը կրաքարեր կան, որ վիմագրութեան մէջ կը գործածուին: Այս քարէն բարակ և ողորկ տախտակներ կը պատրաստնեն: Յետոյ վրան կը գծեն ուղուած պատկերը կամ գիրերը: Ասոր համար կը գործածուի գրիչ մը որ կը բաղկանայ մոմէ, ճարպէ, օճառէ և քարէ: Գծագրութիւնը աւարտելէ յետոյ, քարին վրայ թթու կը թափեն: Թթուն կ'այրէ, կը մաշեցնէ քարին այն մասերը, ուր չէ անցած գրիչը: Որով գծագրուած մասը կը մնայ գուրս ցցուած: Տպագրիչը կը մերանէ քարը և վրան թուղթ շնելով մեքենայի տակ կը ճնչէ: Այս ձեւով գծուած պատկերը թուղթին վրայ կը տպուի:

ԳԱՅԱՅՑԱՐ. — Գաճ և ջուր կը պարունակէ: Փուռի մէջ տաքցնելով գաճաքարը, ջուրը կը զատեն անկէ: Գաճը

ջուրով թրջուելով անմիջապէս կը պնդանայ և քարի կարծրութիւնը կ'առնէ: Բնակարաններու և ուրիշ շինուանց մէջ կ'օգտուին գաճին այս յատկութենէն:

Գաճը կը գործածուի նաեւ երկրագործութեան մէջ, իբրեւ պարարտացուցիչ:

ԴԱՅԼԱԽԱԶ. — Այս քարերը շատ կարծր են, և կարելի չէ դանակով գծել զանոնք: Գլխաւորներն են. — Երկանաբարը, կայծարը, աւազը եւ խնաբարը:

Երկանաքարէն կը շինեն ջաղացքի երկաններ, անոնց միջեւ փշրելու համար ցորենի և ուրիշ ընդեղէններու հատիկները: Նուազ կարծր երկանաքարերով տուներու պատ և մանաւանդ հիմ կը շինեն:

Հատախարն (Կրանիթ) ալ իբրեւ հիմաքար և շինուանքեան քար կը գործածուի:

Կայծարը, ինչպէս անունէն ալ յայտնի է, կայծ կ'արձակէ, պողպատի հետ շիման ատեն: Այս յատկութենէն օգտուելով, մարդիկ կրակ կը շինէին հին ատենները, երբ լուցկի չկար: Ասկէ զատ, հրացաններու մէջ վառողը կայծքարով կը բռնկցնէին:

Աւազը գայլախազի մանրուքներէ կազմուած է: Խնաբարը կազմուած է աւազի հատիկներէ, որոնք կրային կամ կաւային շաղախով իրարու միացած են: Կը գործածուի փողոցները սալայատակելու:

Հերձախար. — Սեւ քար մըն է, որ կրնայ թերթերու բաժնուիլ: Դպրոցականներու քարէ տախտակները հերձաքարէ շինուած են:

Միբան քար մըն է, կազմուած բարակ թերթերէ: Անգոյն և գունաւոր տեսակները կան: Անգոյնները կը գործածուին ապակիի պէս, իբրեւ դռնակ քարիւզի լամբարի, ջեռոցներու ինչպէս նաեւ վառարաններու: Ծովեղերքի աւազներուն մէջէն կը հանեն փոշիացած միքան, որ գրութիւններու մելանը չորցնելու կը գործածուի:

Կաւն ալ քար է, բայց շատ կակուղ է: Զանազան գոյներով կաւեր կան: Բայց ամէնէն յարդին ճերմակն է, որով յախճապակի կը շինեն: Սովորական կաւով ալ խեցեզէն, կղմինտը և աղիւս կը պատրաստեն:

## ԲՆԱԿԱՐԱՆ

### ՆԱԽՆԱԿԱՆ ՏՈՒՆԵՐ


Հինէն ի վեր, մարդիկ միշտ բնակարանի պէտք ունեցեր են, ցուրտէն, տաքէն, անձրեւէն եւ ձինէն պատսպարուելու, ինչպէս նաեւ գաղաններէ պաշտպանուելու համար:

Շատ տեսակ բնակարաններ կան. — Վրան, հիւղակ, խրճիթ, տուն եւ ափարբըման:

ՆԱԽՆԱԿԱՆ ՏՈՒՆԵՐԸ. — Հին, շատ հին ատենները, մարդիկ հիմակուան պէս կանոնաւոր տուններ չունէին, այլ կ'ապրէին քարանձաւներու կամ մեծ ծառերու խոռոչներուն մէջ:

Այսօր ալ գեռ կան վայրենի մարդիկ, որ չեն գիտեր կանոնաւոր տուն շինել, եւ կ'ապրին խոռոչներու կամ փայտի ճիւղերէ:


շինուած վրաններու տակ: Այս տեսակ բնակարանները մասսամբ կրնան ցուրտէն, տաքէն և արձրեւէն պաշտպանել մէջի բնակիչները: Բայց ապահով չեն գիշատիչ կեն-



Հային բնակարան

Դանիներու յարձակումներուն դէմ։ Ասոր համար, կարգ մը վայրենիներ գետերու և լիճերու մէջ տուն կը շինէին։ Եզերքին մօտիկ տեղեր ուր ջուրը շատ խոր չէ, կը տնկէին խոչոր ցիցեր, և այս ցիցերուն վրայ կը նետէին փայտէ գերաններ։ Յեռոյ հաստ փայտերով և ծառի ճիւղերով դէշ աղէկ պատեր կը շինէին, և վրան կը ծածկէին ճիւղերով և հողով։ Այս տունները՝ լն պի՛ բնակ սի կը կոչուին։

Ներկայիս ալ այսպէս տուներ կը շինեն կարգ մը երկիրներու մէջ, բայց աւելի կանոնաւոր ձեւով։ Նաւամատոյց շինելու համար, շատ անգամ հարկ կ'ըլլայ ծովուն մէջ փայտէ երկար և հաստ ցիցեր տնկել, և անսոնց վրայ տախտակ նետել։ Այս ձեւով նաւամատոյց կը շինեն այնպիսի ծովեղերքներու վրայ, ուր ջուրը շատ խորութիւն



Հասարակ տուն


Հունի։ Գիտէք որ մեծ շոգենաւերը չեն կրնար մօտենալ ծանծաղուտներու և կը կը խրին։

ՀիՄԱԿՈՒՅՆ ՏՈՒՆԵՐԸ. — Գիտէք որ հիմակուան տունները մեծ են, կանոնաւոր, և կատարելագործուած։ Այսօր

մարդիկ գիտեն աղիւս և կղմինստր պատրաստել, կոչտ քարերը տաշել և կանոնաւոր ձեւի վերածել, ծառերու բուները տախտակներու բաժնել և վերջապէս գամ, ապակի և ուրիշ նիւթեր շինել։ Նախնական տունները փոքր էին, խոնաւ, մութ, և զուրկ՝ մաքուր օդէ։ Մինչդեռ հիմակուան բնակարանները մեծ են, կանոնաւոր, և կը լրացնեն առողջապահութեան բոլոր պայմանները։ Օդը ապականելուն պէս, կրնանք պատուհանները բանալ և մաքուր օդ տնենալ։ Հին տուններուն մէջ ո՛չ պատուհան կար, ոչ ալ ապակի։ Տանիքին կամ պատերուն վրայ կային փոքր բացուածքներ, ուրկէ քիչ մը լոյս և օդ կուգար։ Զմրան, մարդիկ կը ստիպուէին այս բացուածքները գոցել, և կը զրկուէին լոյսէ ուօդէ։

Սակայն չկարէք թէ հիմակուան բոլոր տունները առողջապահական են եւ հանգըս-

տուէտ։ Գիտերու եւ նոյն իսկ քաղաքներու մէջ կան այնպիսի չէնքեր, որ գրեթէ բնակելի չեն։ Շատ անգամ ամբողջ ընտանիք մը կը ստիպուի մէկ սինեակ գործածել



Ափարթըման մը Ամերիկայի մէջ


թեր ննջարան, ճաշաբան եւ նոյն իսկ դործատեղի:

Քաղաքներու մէջ ներկայիս կան մեծ տուներ, բազում այսրկ, քարաշէն եւ ամէն տեսակէտով հանգստաւէտ Ամերիկայի մէջ մինչեւ յիսուն յարկով ափարթըման ներ կան:

## ՇԻՆՈՒԹԵԱՆ ՆԻՒԹԵՐ

Բնակարանները ընդհանրապէս քարէ եւ աղիւսէ կը շինուին: Կան փայտաչէն տուներ ալ, բայց հետզհետէ վերջ կը գտնէ այս դրութիւնը, մանաւանդ քաղաքներու մէջ, ուր յաճախ հրդեհ կը ագի:

Շինութեան գլխաւոր նիւթերն են. — Քար, փայտ, երկաթ, աղիւս, շաղախ, գաճ, կղմինտր, գաճ եւ ապակի: ՔԱՐ. — Սակայն ամէն քար ինութեան չի յարմարիր:




Քարահանք

Առշագրութիւն ըրած էք որ բոլոր քարերը իրարու չեն նմանիր, գոյնի, կարծրութեան եւ փայլի տեսակէտով: Կան քարեր որ դի բաւ կը կոտրին, կը փշրուին. հաղիւս

թէ մէկ ծայրին թեթեւ հարուած մը կուտաս, և ահա կը տեսնես որ քարը մէջտեղէն երկու կտոր կ'ըլլայ: Այս տեսար՝ քարերը կարելի չէ տաշել, մեր ուզած ձեւին բերել, Մինչդեռ կան քարեր, որ գիմացկուն են և կրնան տաշուիլ, այս կամ այն ձեւն առնել: Սալայատակներու քարերը, օղինակ, այս տեսակ են: Զկարծէք որ այս քարերը հողին տակէն հանուած ատեն, այսպէս քառակուսի ձեւ ունին: Քարհատներն են որ մասնաւոր գործիքներով և սղոցներով այդ ձեւը տուած են անոնց:

Այս տեսակ գիմացկուն և տաշուելու յարմար քարերն են որ կը գործածուին բնակարաններու շինութեան մէջ:

Շինութեան քարերը կը հանուին մասնաւոր հանքերէ: Ժայռերուն շուրջը կը փորեն, եւ երկաթէ հաստ ու որա-



Քար կը սղոցեն

ծայր ձողեր գնելով փորուած տեղը, մասերու կը բաժնեն, ժայռը: Երբեմն, սակայն, կարելի ըլլար այս միջոցով կոտրել ժայռերը: Այն տեսն քանի մը փոս կը բանան ժայռերուն վրայ, եւ մէջը վառօդ լեցնելով կը պայթեց-

նեն : Վասովի պայմանական վրայ, ժայռը մեծ կտորներու կը բաժնուի : Քարհատները այս կտորները տաշելով եւ սղոցելով չինութեան քար կը պատրաստեն :

## ԱՂԻՒՄ

Հին ատենական տունի մը պատերը ամբողջովին քարէ կը շինուէին : Այսպէս են բերդերը, եկեղեցիները եւ ուրիշ շինքեր : Հիմա միայն հիմերու համար քար կը գործածեն . իսկ պատերը կը շինեն ազիւսով, որ քարի նման դիմացկուն է, շատ չազդուիր անձրեւէն, եւ աւելի ըլլալով՝ թերեւ է :

Ինչպէս զիտէք, կաւէ կը շինեն ազիւսը : Կաւը ջուրի մէջ շաղելով խմոր կը պատրաստեն : Կաւի շաղախը կպչուն է եւ կրնայ ամէն ձեւ ստանալ, եւ ասոր համար ձեւսովիկ կոչուած է : Շաղախը կը լեցնեն փայտէ քառակուսի կաղապարներու մէջ, նախապէս ջուրով թրչելէն յետոյ կաղապարին եղերքները որպէս զի խմորը չփակի : Կաղապարուած շաղախը յետոյ կը հանեն եւ արեւին կը չորցնեն :

Հոս չի վերջանար գործը, որովհետեւ այս չորցած կաւը նորէն կրնայ կակուղնալ, երբ անձրեւէն թրջի : Այս անպատճութեան առաջքը առնելու համար, կաղապարուած կաւը փուռի մէջ կը թրծեն : Փուռէն հանուած կաւը, որ այլեւս աղիւս կը կոչուի, քարի պէս կարծր է եւ կրնայ դիմանալ անձրեւին,

Եղիւսի պատրաստութեան համար շինուած փուռը, մեր գիտցած սովորական փուռին չի նմանիր : Կը յիշէք թէ ինչպէս փայտածուխ կը պատրաստեն . աղիւսն ալ ճիշտ այս ձեւով կը չորցնեն : Կաւի կաղապարները քովէ քով եւ իրարու վրայ շարելով ահագին դէզ մը կը շինեն, ուշագրութիւն ընելով որ կաղապարներու մէջտեղը միջոց մնայ : Յետոյ դէզին մէջտեղը հանքածուխ կամ ուրիշ վառիք մը կը վառեն : Բաւական ատեն վերջ, անոնք կը թրծուին եւ աղիւս կ'ըլլան :

Սակայն բաւական դժուար գործ է աղիւսի թրծումը . որովհետեւ եթէ կրակը շատ վառի, մէջտեղի աղիւսները կ'այրին եւ մոխիր կը դառնան . քիչ եղած պարագային ալ, եղերքները մնացածները լաւ չեն թրծուիր :

Եյս առթիւ անցողակի յիշեցնենք թէ բրուտի կաւով կը շինուին կաւէ սովորական ամանները . Պատուկ, սափոր, փարջ, կարաս եւն : Խոկ լաւ տեսակէ կաւով կը շինեն պնակ եւ ուրիշ յախճեղէններ :

Կղմինտրն ալ ճիշդ աղիւսի նման կը "պատրաստեն, միայն մասնաւոր ձեւ մը կուտան անոր, որպէս զի տանիքը ծածկէ եւ յետոյ վազցնէ տեղացած անձրեւը :

## ՇԱՂԱՄ

Շինութեան կարեւոր նիւթ մըն է նաեւ շաղախը, որ աղիւսներու մէջտեղը կը դրուի և զանոնք իրարու կը միշցնէ : Եթէ աղիւսները պարզապէս իրարու վրայ շարուին, պատը հաստատուն չըլլար և շուտով կը փլի : Քարէ կամ աղիւսէ պատ մը դիտեցէք և պիտի տեսնէք որ աղիւսներուն մէջտեղերը պարապ չեն : Շաղախն է որ զանոնք իրարու միացուցած է :

Շախալ պատրաստելու համար կիր կը շաղեն ջուրի մէջ և հետը աւազ կը խառնեն :


Կիրր՝ այրած կրաքարի փոշին է : Կրաքարը տեսակ մը քար է զոր մասնաւոր հանքերէ կը հանեն : Ձեր գործած կաւիճն ալ կրաքար է : Կաոր մը կաւիճի վրայ քանի մը կաթիլ բարկ քացախ լեցուցէք, պիտի տեսնէք որ կաւիճը կը սկսի փրփրիլ, պղպջակներ դուրս տալ :

Հիմա ալ կաւիճը բաւական ատեն թողունք սաստիկ տաք վառարանի մը մէջ, և յետոյ զուրս հանելով վրան քացախ լեցնենք : Այս անգամ չի փրփրիր : Կաւիճը կամ կրաքարը՝ կիրի փոխուեցաւ :

Եթէ ջուր լեցնենք կաւիճի այս կտորին վրայ, պիտի տեսնէք որ կաւիճը կը սկսի տաքնալ եւ շողի արտադրել : Զուր լեցնելէ առաջ, կաւիճը չմարած կիր էր, իսկ հիմա մարեցաւ :

Եինութեանց մէջ գործածուած կիրն ալ ձիշդ այսպէս կը պատրաստեն։ Կրաքարի կտորներ փուռերու մէջ կ'այրեն։ Զմարած կիրն է այս Մարելու համար, կիրը կը դնեն փուռերու մէջ և վրան ջուր կը լեցնեն։ Այս միջոցին սաստիկ տաքութիւն մը առաջ կռւդայ, եւ ահազին ջրաշողի կ'արտադրուի։ Փոսին մէջ աւազ լեցնելով կը խառնեն ջուրը եւ կիրը, եւ կ'ունենան սովորական շաղախը։

Սակայն, շատ չանցած, այս շաղախը կը պնդանայ եւ քարի պէս կը կարծրանայ։ Ասոր համար, մեծ քանակութեամբ շաղախ չեն պատրաստեր, այլ պէտք եղած չափով։ Աղիւսներու միջեւ գրուած շաղախը չուտով կը չորհնայ եւ ամրապէս իրարու կը միացնէ աղիւսները։



Կիրի փուռ

## Գ Ա Ճ


Գաճաքարէ կը պատրաստեն, ձիշդ կիրի նման։ Գաճաքարի կտորներ փուռի մէջ կը տաքցնեն եւ յետոյ կը փշրեն։ Զուրի հետ շաղելով այս փոշին, կը պատրաստեն ճերմակ շաղախ մը, որով կը ծեփեն տուներու ծեղունները և պատերը։ Գաճի շաղախն ալ անմիջապէս գործածուելու է, որովհետեւ շատ շուտով կը կարծրանայ։ Գաճով ընդհանրապէս պատերու



Գործաւորներ շաղախ կը պատրաստեն

միայն ներքին երեսները կը ծեփեն։ Պուրուը շատ չի գիտանար։

Գաճը կը գործածուի նաեւ արձաններ և որմաքանգակներ չինելու։



Գործաւորներ պատ եւ ծեղուն կը ծեփեն

ԶրԱՊԵԴԻԿ ԿԻՐ. — Առվորական կիրը շատ խոնաւութեան և ջուրի չի գիտանար, կը կակուցնայ։ Ասոր համար յարմար չէ գետնափոր և խոնաւ տեղերու մէջ պատշինելու։

Այս աեսակ պարագաներու մէջ կը գործածեն մասնաւոր կիր մը, որ ջրապնդիկ (իցոլիք) կը կոչուի, որովհետեւ ջուրին մէջ կը պնդանայ։ Զրապնդիկ կիր շինելու համար, կրաքարին կաւ կը խառնեն։ Կան կրաքարեր, որ արդէն կրաքարին իրենց մէջ բայց ընդհանրապէս 4 մաս կրաքար և 1 մաս կաւ իրարու հետ կը շաղեն, և յետոյ փուռի մէջ կը թրծեն։

ԿՐԱՊԵԴԻԿ (շիներօ), — Բաղալը թիւնը ջրապնդիկ կիրի նման է. միայն աւելի շատ կաւ կը պարունակէ, մօտաւորապէս մէկ երրորդ համեմատութեամբ։

ԿՐԱԽԻՃ (պէրօն) . — Զբարանդիկ կիր, կրազիւո և խճառաքարի կտորներ շուրի մէջ շաղելով կը պատրաստեն տեսակ մը արհեստական քար, որ կրախիճ կը կոչուի և անթափանց կ'ըլլայ յուրի համար :

Այս յատկութենէն օգտուելով, խոնաւ վայրերու մէջ շէնքերու պատերը կրախիճով կը շինեն : Այն տեղը, ուր պատ պիտի բարձրանայ, երկաթէ բարակ ձողեր քովէ քով կը տնկեն եւ շուրջը տախտակէ քառակուսի վանդակ մը կ'անցընեն : Այս վանդակին մէջ լեցուած պէթօնը կը կարձանայ, եւ միակտուր պատ մը կը կազմէ : Յետոյ կը քակեն շուրջի տախտակները, Հիմա, ափարթը մաններու և տուներու պատերը բնուանրապէս կրախիճէ կը շինեն :

## ՇԻ ՈՒԹԵԱՆ ՓԱՅՏ

Փայտը մեծ գեր ունի բնակարաններու եւ ուրիշ շէնքերու շինութեան մէջ : Կան տուներ, մանաւանդ գիւղերու մէջ, որ ամբողջովին փայտէ շինուած են :


Փայտէ են տուներու գերանները եւ մարդակները որ մէկ ծայրէն մէւսը նետուած են, առաստաղի եւ տախտակամածի տախտակները, զուռները, պատուհանները, սանդուխները եւայլն :

Բոլոր այս փայտերը կը պատրաստեն ծառի բուներէն :

Փայտահատը կը կտրէ բուները եւ կեղուելէ յետոյ կը չորցնէ արեւին, եթէ, ւզեն տախտակ շինել, բուները քառակուսի կը տաշեն եւ յետոյ կը սղոցեն :

Պատէերին մէջ կ'երեւի թէ ի՞նչպէս բունէ մը տախտակ կը պատրաստեն : Սա կայն գժուար է այս կ'երպով աշխատիլ եւ մանաւանդ շատ գործ արտադրել, Արհեստաւորը ստիպուած է ժամերով մէջքը ծոել եւ սղոցել : Ասոր համար մարդիկ այդ գործը կատարել կուտան մեքենաներու, որ աւելի կանոնաւոր եւ շատ տախտակ կը պատրաստեն : Հիմակուան մեքենայ-ողոցները ելեկտրականութեամբ կը քանին :

ՓԱՅՏԻՆ ՏԵՍԱԿՆԵՐԸ . — Զիարէք որ ամէն փայտէ կարելի է գերան, տախտակ եւ զուռ շինել, Շինութեան փայտերը պէտք է կարծր եւ դիմացկուն ըլլան : Շուտով՝



Փայտ եւ քար կը սղոցեն

Փառզ կամ խոնաւութենէ աղջուող փայտերը յարգի չեն : Ամէնէն յաւ փայտը կազմին է, որմէ կը պատրաստեն ցիցեր եւ սիւներ :

Տախտակամածի եւ ձեղունի տախտակները բնուանրապէս շոճիէ կը պատրաստեն :

Փայտ մը որքան չոր ըլլայ . այնքան աւելի կը դիմանայ : Թաց փայտերուն մէջ կան փոքրիկ որդեր որ փայտը կ'ուտեն, կը փուցնեն : Ասոր համար ծառի բուները երկարատեն արեւին կը թողուն եւ յետոյ կը սղոցեն :

Նոր կտրուած ատաղձը չուտով կը քաշուի եւ կը ճաթը լուտի : մինչդեռ երբ արեւին չորնոյ, իր վերջնական

ձեւը կ'առնէ եւ այլ եւս չի կծկուիր, չի քաշուիր, չինուա  
թեան մէջ գործածուելէ յետոյ:

Սակայն այս միջոցն ալ չի զօրեր, առաղձնելը և  
տախտակները ճաթուելէ եւ մանաւանդ փտելէ զերծ պա-

հելու: Այս պատ-  
ճառաւ, մար-  
զիկ կը ներկեն  
շինութեան  
փայտելը: Նա-  
ւերը եւ նաւակ-  
ները շատ շու-  
տով կը փտին  
ջուրին մէջ,  
եթէ ներկուած

Ըլլան:  
Շինութեան  
յարմար փայտ  
արտագրող գըլ-  
խաւոր ծառերն  
են կաղնին, ե-  
ղեւինը, կնձնին  
մայրին, կաղա-  
մախին, հացին,  
շոճին եւ նըշ-  
դարին:



Կաղնիի միւղ

Կաղնեփայտով տակառ, նաւ, նստարան և ուրիշ առար-  
կաներ կը շինեն: Կաղնիին փայտը շատ չաղուիր խոնա-  
ւութենէն: Նշղարիին փայտը թէ կարծր է և թէ յղկելի.  
անով կը շինեն անիւներ, աթոռներ ևն. ջուրի մէջ լաւ  
կը դիմանայ, բայց խոնաւութենէն շուտ կ'ազգուի: Կընձ-  
նիին փայտն ալ կրնայ երկար առեն ջուրի մէջ մնալ,  
առանց փտելու: Կը գործածուի ջաղացի անիւներ, կառքեր,  
պտուտակներ եւայլն շինելու: Մայրիի փայտին մէջ ցեց  
չի կազմուիր, անոր հոտին պատճառաւ: Ասոր համար յարգի

փայտ մըն է: Կաղամախիին փայտէն սեղան, սնտուկ և  
տաշտ կը շինեն: Այս փայտը թէ դիմացկուն է և թէ չի  
ճաթիր, վրան գամ զարնուած առեն:

Պատուհանները միշտ եղեւինի փայտով կը շինեն.  
խէժոտ է ան ու կը դիմանայ անձրեւին ու արեւին:

Կան փայտեր ալ, որոնցմով կարաօի կը շինեն: Յի-  
շնք ընկուզենին, որուն կարծր փայտը շատ լաւ կը յղկուի  
և փայլ կը ստանայ: Յարգի է նաեւ մահոկինին: Տօսա-  
խի փայտով քանակ, դգալ, սանտը և ուրիշ առարկաներ  
կը շինեն:

## Ա Մ Փ Ո Փ Ո Ւ Մ


Ուրիմն տուն մը շինելու համար կը գործածուին քար,  
աղիւս, փայտ, երկաթ, շաղախ և կիր: Ասոնց վրայ աւել-  
ցնենք նաեւ գամ և ապակին:

Տուն մը շինելէ առաջ, նախ թուղթի վրայ կը գծեն  
անոր տրուելիք ձեւը, այսինքն երկայնքը, լայնքը, բարձ-  
րութիւնը, սենեակներուն թիւը եւայլն: Այս տեսակ  
գծուած թուղթ մը կը կոչուի յատկագիծ և ճարտարապետ-  
ներու կողմէ կը պատրաստուի:

Առաջին անգամ տան հիմերը կը նետուին: հիմերը  
շինքի մը ոտքերն են, և պէտք է հաստատուն ըլլան, որ-  
պէս զի տունը չփլի: Ասոր համար հողը բաւական խոր  
կը փորեն, և մեծ ու դիմացկուն քարերով պատ մը  
կը շինեն մինչեւ հողին երեսէն քիչ մը վերը:

Պիտի հարցնէք թէ ինչո՞ւ հողի երեսին վրայ հիմ չեն  
նետեր: Եթէ այդպէս ընեն, տունին ծանրութենէն հողը կը  
կքի, տունն ալ կը փլի: Պէտք է գիտնալ թէ ամէն հողի  
վրայ հիմ չի նետուիր: Աւազուտ հողերը ծանրութեան չեն:  
դիմանար, ընդհակառակն կաւայինները դիմացկուն են:  
Ասոր համար, հիմ նետելէ առաջ, կը փորեն հողը, մինչեւ  
որ կաւային թանձր խաւի մը հանդիպին:

Հիմը նետելէ յետոյ, կը սկսին քարով կամ աղլւսով պատ շինել. պատերու վրայ ալ փայտէ կամ երկաթէ՝ գերաններ կը նետեն, և յետոյ տանիքը կը շինեն: Տանիքին վրան ալ կղմինտրով կամ զինկի թիթեղով կը ծածկեն որպէս զի անձրեւը ներս չթափանցէ: Տանիքէն վաղող անձրեւը մասնաւոր խողովակներու միջոցաւ փողոց կը թափի, կամ ջրամբարներու մէջ կը հաւաքուի:



Պատերու շինութիւն

Տուն մը շինելու համար շատ մը արհեստաւորներ կ'աշխատին. որմնագիրը պատ կը շինէ, հիւսնը տախտակամածե ձեղուն, սանդուխ, դուռ, պատուհան և տանիք կը շինէ: Ապակեգործը պատուհաններուն ապակիները կ'անցընէ: Դուռներու փականքներն ու նիգերը, ինչպէս նաեւ պատուհաններու երկաթէ ձողերը երկաթագործին կողմէ կը զետեղուին: Ներկարարը գաճով կը ծեփէ պատերը և յետոյ կը ներկէ: Կահագործն ալ կարասի կը պատրաստէ:

## ԲՆԱԿՈՒԹԵԱՆ ՅԱՐՄԱՐ ՏՈՒՆԵՐ

Տեսանք թէ նախնական տունները որքան անյարմար էին գնակութեան: Հիմակուան տուններն ալ բոլորը չեն լրացներ առողջապահական պայմանները:

Բնակարան մը որպէս զի առողջապահիկ ըլլայ, պէտք է լրացնէ կարգ մը պայմաններ.

1. — Խոնաւ և ճախճախուտ տեղերու մէջ կամ մօտիկը գտնուելու չէ: Շուրջը ախոռ, ծառերէ զուրկ գերեզմանատուն, աղբանոց եւայլն գտնուելու չեն:

2. — Արեւահայեաց և օգաւէս ըլլայու է: Նշանաւոր խոսք է: — Հոն ուր արեւ չի մտներ, յաճախ բժիշկ կը մտնէ: Եւ որովհետեւ կարելի չէ միտ այս պայմանները լրացնել, մանաւանդ քաղաքներու մէջ, գոնէ արեւահայեաց սենեակները իրը ննջարան գործածելու է: Տունին ամէն կողմը պատուհան գտնուելու է, որպէս օդի հոսանք առաջ գայ: Պատուհանները կարելի եղածին չափ լայն, և ձեղունները բարձր ըլլայու են:

3. — Պարտէզ ունեցող տուններու օդը աւելի մաքուր է, քանի որ գիտէք թէ ծառերը ցերեկ տաեն թթուածին դուրս կուտան և բնածխային կազ կը չնչեն:

Քաղաքներու տունները ընդհանրապէս չեն լրացներ այս պայմանները: Գիւղական տունները թէեւ պարզ և համեստ են, բայց ասոնց փոխարէն օգաւէտ և արեւահայեաց են:

Ափարթըմանները հանգստաւէտ են, որովհետեւ մէկ յարկի վրայ կը դանուին ընտանիքի մը պէտք եղած բոլոր սենեակները: — ճշարան, ննջարան, հիւրասրան, խոհանոց եւայլն: Սակայն օգաւէտ չեն, մանաւանդ երբ անմիջապէս կից ուրիշ շէնքեր կան: Ափարթըմաններու մեծ մասին միայն առջեւի կողմը բաց է:

Տունները աւելի առողջապահիկ են, մանաւանդ երբ պարտէզ ունենան: Բայց մէծ քաղաքներու մէջ հետզետէ կ'ընդհանրանայ ափարթըմանի դրութիւնը, գլխաւորաբար տեղի նեղութեան և խնայողութեան պատճառաւ:

## ԼՈՒՍԱԽՈՐՈՒՄ ԵՒ ԶԵՌՈՒՑՈՒՄ

ԿՐԱԿ. — Չմեռ թէ ամառ, միշտ կրակի պէտք ունինք, տաքնալու, կերակուր եփելու և շատ մը մեքենաներ բանեցնելու համար:

Կրակ շինելը շատ զիւրին է մեզի համար. — Լուցի մը կը քանիք մասնաւոր տուփերու վրայ և կը մօտեցնենք բարակ փայտերու, թուղթի ու յարդի կտորներու որոնք անմիջապէս կը բռնկին:

Հին ատենները այսպէս չէր, քանի որ մարդիկ գաղափար չունէին լուցկիի մասին: Այն ատեն կրակ շինելը շատ դժուար գործ էր, և երկար ժամանակի ու աշխատանքի կարօտ:

Ուշագրութիւն ըրած էք անշուշտ. — տախտակ սղոցած ատեն, ատաղձագործներու սղոցը կը տաքնայ, երբեմն նոյն իսկ ձեռքով չըսնուելու աստիճան: Դուք ալ կրնաքայս փորձը կատարել. — Երկու փայտի կտոր իրարու քսեցէք. պիտի տեսնեք որ փայտերը կը սկսին տաքնալ:



Վայրենիները ինչպէս կրակ կը շինեն

Կու կտոր իրարու շփելով տաքութիւն առաջ կը բերէին, և այս տաքութեամբ փայտի տաշեղներ կը բռնկցնէին:

Եւ որովհետեւ այս աշխատանքը շատ յոգնեցուցիչ էր


և երկար ժամանակի կարօտ, մարդիկ գիշեր և ցերեկ խարոյկներ վառ կը պահէին:

Աւելի վերջը, մարդիկ յաջողեցան ուրիշ ձեւ մը գտնել. — Փայտէ ձողի մը ծայրը կը տնկէին լայն փայտի մը վրայ բացուած ծակի մը մէջ, և արագ արագ կը զարձնէին ձողը:


ՀՐԱՀԱՆ. — Կրակ շինելու աւելի կատարելագործուած միջոց մըն է հրահանը, որ այսոր ալ կը գործածուի:

Դիտած էք, երբ ձի մը արագօրէն վաղէ սաւլայտակուած փողոցի մը մէջ, իր ոտքերուն տակէն կայծ կը ցատկէ: Զիուն երկաթէ պայտերն են որ քարերուն շփուելով կայծ առաջ կը բերէն:

Ահա ասկէ օգտուելով, մարդիկ կրակ կը շինէին: Պողպատի կտոր մը կը զարնէին կայծքարի մը և ցատկած կայծերուն կը մօտեցնէին տեսակ մը սունկ, որ ծառերու վրայ կը բռնի և շատ զիւրավառ է: Հիմա ալ զիւրացիներ այս տեսակ հրահաններ կը գործածեն, սիկառ վառելու համար: Առվորական հրահանները երկու տեսակ են. — Մէկ մասին մէջ պատրոյգ մըն է որ կը վառի ցատկած կայծէն, իսկ միւսին մէջ՝ բամպակի վրայ լեցուած պէնզինը:



Կրակ շինելու ուրիշ միջոց մը



## Մ Ո Մ

Դիտէք որ լուսաւորութեան միջոցներն են. — Մոմ, ձեթ, քարիւղ, լուսաւորութեան կաղ և ելեկտրականութիւն:

Հին առենները ասոնց ո՞չ մէկը կար: Լոյս և տաքութիւն ունենալու համար, մարդիկ փայտ կը դործածէին, մանաւանդ մասիս կոչուած իւղոտ փայտերը, որոնք մոմի պէս կը վառին:

Մոմը կը շինեն մեղրի մնացորդներէ կամ ճարպէ: Մեղրամոմը գեղնորակ գոյն մը ունի, իսկ ճարպամոմը՝ ճերմակ:

Ճարպամոմ շինելու համար, եղի կամ ոչխարի ճարպը կաթսայի մը մէջ կը հալեցնեն: Այս ձեւով իւղը կը բաժ-

նուի աւելորդ տարրերէ: Այս իւղը պաղելով սովորական ճարպի կը վերածուի: Յետոյ բամպակէ պատրոյգները կը թաթիւն հալած ճարպի մէջ և դուրս կը հանեն: Պատրոյգին անցած իւղը կը պաղի և այսպէս մոմ կ'ըլլայ:

Եթէ ուզեն աւելի հաստ մոմ շինել, պատրոյգը մէկէ աւելի անգամներ կը թաթիւն հալած ճարպին մէջ: Միայն թէ ամէն անգամ սպասելու է որ պատրոյգին անցած իւղը պաղի:

Այս մոմերը շատ մը անսպատեհութիւններ ունին, նախ վառած առեն ծուխ և գէշ հոտ մը կ'արձակեն: Հովին մանաւանդ, կը շատնայ ծուխը



Մոմի պատրաստութիւն

պատեհութիւններ ունին, նախ վառած առեն ծուխ և գէշ հոտ մը կ'արձակեն: Հովին մանաւանդ, կը շատնայ ծուխը

և աւելի կը միայ: Ասկէ զատ մոմը չուտով կը հալի, և մէջի պատրոյգը կը վերածուի սեւ կտորներու: Այս ածուխի նման սեւ կտորները չեն թողաւր որ մոմը լաւ վասի և նոյն իսկ կը բան մարել բոցը:

Ասոր համար յաձախ պէտք կ'ըլւայ մկրատով կտրել սեւցած աւելորդ մասը և նետել:


Թւրիչ անպատճութիւն մըն ալ. — Այս մոմերը երբ տեղ մը կաթին, իւղի

բիծ առաջ կը բերեն: Այս անպատճութիւններուն ո՞չ մէկը ունի եկեղեցին մէջ աշտանակիներու վրայ ձեր տեսած հաստ և ճերմակ մոմը: Այս մոմն ալ ճարպէ կը շինուի, և մէջը բամպակէ պատրոյգ ունի: Միայն թէ պատրոյգը կազմուած է թեկերու խուրձէ մը, որոնք իրարու վրայ ոլորտած չեն:


Որպէսզի պատրոյգին սեւ մասները վար չիյնան և չարգիլին մոմին լոյսը, պատրոյգը նախապէս կը թաթիւն ասիս պօրիֆի լուծոյթի մէջ: (Ասիք պօրիֆը ճերմակ փոշի մըն է, զոր տաք ջուրի մէջ հալեցնելով կը գործածեն թեթեւ վէրքեր լուալու: Աչքի ցաւի համար ալ գործածական դեղ մըն է):

Այս լուծոյթին շնորհիւ, պատրոյգին այրած մասը շատ մանր կտորներու կը բաժնուի, և այլ եւս չի մարեր լոյսը:

Պատրաստութեան եղանակն ալ սովորական մոմի պէտք: Ճարպը հալեցնելով կը զատեն հոտ ու մուր տուող մասերը, և կ'առնեն ամէնէն գործի զալիք մասը, որ



կաւալմում



Գէշ մոմ


ասրեարին կը կոչուի: Հալած ասրեարինը կը լեցնեն մաս-  
նաւոր կաղապարներու մէջ, և ուզուած հաստութեամբ.  
մոմ կը շինեն:

Մեղրամոմն ալ նոյն ձեւով կը պատրաստեն: Մեղրի-  
մնացորդ մասը կը հալեցնեն, և  
մէջը պատրոյդ կը թաթիւեն:  
Մեղրամոմը սովորական մոմի  
նման զէշ հոտ չարձակե՞ր. բայց  
ծուխ կու տայ, զօրաւոր լոյս-  
չունի և յետոյ շատ սուղ է:

Իրեւ լուսաւորութեան մի-  
ջոց, մոմը աստիճանաբար կը  
կորսնցնէ իր կարեւորութիւնը,  
տեղը տալով ելեկտրականու-  
թեան որ օրէ օր աւելի գործածական կը դառնայ: Այսօր  
եկեղեցիներն անգամ ելեկտրականութեամբ լուսաւորուած  
են, և առաջուան չափ մոմ չեն գործածեր:

Նոյնը կարելի է ըսել նաեւ քարիւղին և լուսաւորու-  
թեան կաղին համար: Ասոնք, լուսաւորութենէն աւելի-  
ուրիշ պէտքերու կը գործածուին:

Այսօր լուսաւորութիւնը այնքան ընդարձակուած է որ,  
պարզ մոմերը չեն կրնար զայն ապահովել: Օրինակ, մո-  
մով ի՞նչպէս լուսաւորել փողոցները, հրապարակները՝  
թատրոնները, փարոսները ևն.:



Մոմի կաղապար



## ՔԱՐԻԿՂ


Լուսաւորութեան համար կը գործածեն նաեւ ձէթը, որ  
ձիթապատուղէ, կտաւատէ, ընկոյզէ և ուրիշ բուսական  
նիւթերէ հանուած իւղ մըն է: Ներկայիս ձէթի փոխարէն  
կը գործածեն քարիւղը, որ աւելի զօրաւոր և պայծառ  
լոյս կուտայ: Ձէթը  
կանթեղներու, իսկ  
քարիւղը լամբար-  
ներու մէջ կը վա-  
ռեն:

Քարիւղը դիւ-  
րավառ հեղուկ մըն  
է. որ կարգ մը եր-  
կիրներու մէջ ա-  
ռատութեամբ կը  
գտնուի հողին տակ:  
Հորեր բանալով կը  
հանեն այս հեղուկը  
և զտելով քարիւղը  
կը պատրաստեն:

Լամբարներու  
մէջ պատրոյդին  
շնորհիւ քարիւղը  
կամաց կամաց կը վառի և աւելի շատ օդ կ'առնէ: Իսկ  
վրայի շիշն ալ կը ծառայէ անդադար փոխելու շուրջի օդը:  
Առանց շիշի ալ քարիւղը կը վառի, բայց լոյս չի տար  
և ծուխ կ'արձակէ:

Շատ վտանգաւոր է կրակին մօտ քարիւղը բռնելը,  
որովհետեւ շուտով կը բռնիի:

Քարիւղը մեծ օգտակարութիւն ունի. ո՛չ միայն լոյս  
կուտայ մեղի, այլ եւ շատ մը մեքենաներ կը բանեցնէ:



Քարիւղի արտադրութիւն

## ԼՈՒՍԱՀՈՐՈՒԹԵԱՆ ԿԱԶ

Այս կազը կ'արտադրեն, հանքածուխը գոց ամաններու մէջ սաստիկ տաքցնելով։ Զօրաւոր և փայլուն լոյս մը ունի։ Կը գործածուի լուսաւորութեան և ջեռուցման մէջ։ Կարգ մը տուններու մէջ, կերակուր ևն. եփելու կամ ջուր տաքցնելու համար, փայտածուխի փոխարէն լուսաւորութեան կազ կը վառեն։


Դուք ալ կրնաք քիչ մը լուսաւորութեան կազ արտադրել։ Խողովակի մը մէջ հանքածուխի փոշի դրէք, և մէկ ծայրը կիրի շաղախով ծեփելէ յետոյ սաստիկ տաքցուցէք։ Առեն մը վերջը լուցկի մը վառելով մօտեցուցէք

իսողո վակին  
միւս ծայրին։  
Պիտի ահսնէք  
որ բոց մը ա-  
ռաջ պիտի  
գայ։ Լուսա-  
ւորութեան  
կազն է որ  
հանքածու-  
խէն զատուե-  
ցաւ և բռնկե-  
ցաւ։

Եթէ հան-

քածուխի փոշի չգտնէք, կրնաք անոր տեղ սունկի (օր. շիշի խից մը) փոշի, փայտի քիչ մը խոնաւ տաշել և կամ սովորական հաստ թուղթ դնել։

Սակայն այս ձեւով արտադրուած կազը զուտ չէ և մուք կուտայ։ Մասնաւոր գործարաններու մէջ այս կազը կը գտեն, և կ'առնեն սովորական կազը, որ ծուխ և մուք




Հանքածուխը տաքցնելով լուսաւորութեան կազ կ'արտադրէ

չի տար։ Յետոյ այս կազը մասնաւոր խողովակներու միջոցաւ մինչեւ տունները և փողոցները կը տանին։

Լուսաւորութեան կազը թունաւոր է և շատ դիւրավառ։ Ասոր համար զգուշութեամբ գործածելու է զայն։ Ուշադրութիւն ընելու է որ ծորակները միշտ գոց մնան զիշերը կամ այն ատենները երբ կազ չենք վառեր։ Կազը բաց ծորակներէն գուրս ելլելով ամբողջ սեննեակը կը լեցնէ և կը թունաւորէ օդը։ Այս տեսակ պարագաներուն շատ վտանգաւոր է լուցկի վառել աննեակին մէջ և կամ ու է լոյս տանիլ հոն։ Լուսաւորութեան կազը անմիջապէս կը բռնիի։

Ներկայիս աւելի շատ ելեկտրականութիւն կը գործածուի։ Ելեկտրական լոյսը թէ աւելի զօրաւոր է և թէ չունի լուսաւորութեան կազին անպատճութիւնները։ Եթէ սիսաւ-



Լուսաւորութեան կազի եւ ելեկտրական լամբարներ

մամբ բաց ձգէք լոյսը, սլարզապէս շատ ելեկտրականութիւն կը սպառի։ Միայն թէ ելեկտրականութիւնը աւելի սուղ է, և ասոր համար ձեռնուու չէ կերակուր եփելու կամ վառարան տաքցնելու։ Այն երկիրները, ուր շատ ջրվէժ կայ, աւելի աժան ելեկտրականութիւն կ'արտադրուի։ Մարդիկ փոխանակ հանքածուխ վառելու, ջրվէժին ուժովք կը բանեցնեն մեքենաները։

Ելեկտրական լամբարներու և վառարաններու մէջ, քարիւղի կամ լուսաւորութեան կազի նման այրող նիւթ մը չկայ: Երբ կոճակը գարձնենք, ելեկտրական հոսանք կ'անցնի, լամբարի մէջի բարակ թելերը հրաշէկ դառնալու աստիճան կը տաքնան և կը սկսին լոյս արձակել: Որպէս զի թելերը չայրին, այլ ջերմութիւն ամբարեն և հրաշէկ դառնան, լամբարներու մէջի օդը կը պարպեն: Դուք ալ կրնաք հաստատել այս պարագան: Երբ աւրուած լամբար մը կոտրէք, մեծ աղմուկ մը կը լսուի: Դուրսի օդն է որ ուժով մը կը մտնէ պարապ լամբարին մէջ և ձայն կը հանէ:

Լամբար մը կ'աւրուի, երբ մէջի բարակ թելերը փրթին: Պայման է որ ելեկտրական հոսանքը ուղան ընէ բայր քելերին անցնելով:

Վառարաններն ալ այսպէս են, միայն թէ անոնց թելերը հաստ կ'ընեն, որպէս զի դիմանան: Դիտած էք, մեծ լամբարներու թելերը աւելի հաստ են: Վառարաններու թելերը, ելեկտրական հոսանքին աղդեցութեամբ, կը տաքնան և ջերմութիւն կ'արձակեն:

## ԻՆՉԻ ԿԱԶՄՈՒԱԾ Է ԲՈՑԸ

Մոմի կամ լամբարի մէջ միշտ բոցն է որ լոյս կ'արձակէ: Բոցը ձեւ և ծաւալ ունի վրան վիճելով կարելի է տարբեր ձեւ և ծաւալ տալ անոր: Ուրեմն բոցն ալ մարմին մըն է: Բայց ո՛չ հաստատուն է, ոչ ալ հեղուկ: Բոցը՝ կազ է:

Բայց ուրկէ՞ կ'արտադրուի այս կազը: Դիտած էք անշուշտ, որ մոմը վառելով կը հալի, կը կարճնայ: իսկ լամբարին քարիւղը կը սպասի: Ուրեմն բոցին կազը մոմէն և քարիւղէն է որ առաջ կուգայ:

Պատրոյգին վառելով՝ մոմին ճարպը կը հալի, և պատրոյգին ծայրը կը բարձրանայ, ինչպէս որ աւելը բոյսի մը

արմատէն զէպի ձիւղերը կը տարածուի: Հալած ճարպը յետոյ տաքութեան աղդեցութեամբ կը չոգիանայ և կազի կը վերածուի: Ահա այս կազն է որ կը բանկի և բոց առաջ կը բերէ:

Նոյնը նաեւ քարիւղին համար, որ պատրոյգին ծայրը բարձրանալով կը չոգիանայ և կազի կը վերածուի:

Փայտը վառելով բոց կ'արձակէ: մինչդեռ փայտածուխը այսպէս չէ, մանաւանդ բաւական վառելէ յետոյ: Պատճառը այն է որ, փայտածուխին այրելի կազին մեծ մասը դուրս ելած է, ածուխի պատրաստութեան միջոցին:

Բոլոր բոցերը նոյն գոյնը և փայլը չունին: Իրաբուհնետ բաղդատեցէք մոմին, քարիւղին և ալքոլին բոցերը և տարբերութիւնը անմիջապէս կը տեսնէք: Առաջին երկու քին բոցերը փայլուն են, իսկ ալքոլին բոցը աւելի աղօտ է:

Յաջորդաբար պնակ մը բռնեցէք մոմի և ալքոլի բոցին վրայ: Առաջին պարագային, պնակը պիտի մըտտի, պիտի սեւնայ: իսկ երկրորդին՝ պնակին վրայ խոնաւութիւնը մը սեւնայ: իսկ երկրորդին՝ պնակին վրայ խոնաւութիւնը մը սեւնայ: իսկ երեսն մոմին բոցը ածուխի կառների ունի իր մէջ, իսկ ալքոլինը՝ ոչ:

Ածուխի այս կառներն են որ մոմի բոցին փայլ կուտան: Սակայն այս կառները եթէ չափէն աւելի ըլլան, հակառակ արդիւնք կուտան և բոցին փայլը կը պակսենակառակ լամբարի մը պատրոյգը եթէ վեր բարձրնենք, աւելի լոյս կուտայ, բայց եթէ շատ վեր բարձրնենք, այն ատեն լոյսը կը պակսի, և լամբարը կը միսայ: Նոյնպէս լոյսը կը պակսի, եթէ պատրոյգը վար իջնենք: իսկ աւելի վար առած տաեն, բոլորովին կը մարի:

Ածուխի կառներուն դերը հասկնալու համար, կը բաւէ զիտել տաքցած երկաթի կտոր մը: Երբ երկաթը սաստիկ տաքնայ, կը սկսի լոյս արձակել: Բոցին մէջ զտնուած պատրոյգի կտորներն ալ այդպէս են, կազին բոցէն կը տաքածուխի կտորներն ալ այդպէս են, ինչ որ աւելի փայլ կուտայ բունան և լոյս կ'արձակեն, ինչ որ աւելի փայլ կուտայ բունան և լոյս կ'արձակեն:

ցին։ Միայն թէ, երբ կտորները շատ ըլլան, չեն կրնար ասստիկ տաքնալ, և ոչ միայն լոյս չեն տար, այլ և սեռթիւն կուտան բոցին։

Դիտած էք լուսաւորութեան կազի լամբարները։ Անոնց վրայ տեսակ մը ցանց անցուցած են։ Այս ցանցին թելերը սաստիկ կը տաքնան, և լոյս արձակելով աւելի փոյլուն կը դարձնեն բոցը։

Եթէ վառած լուցկի մը բարիւղի մէջ դնենք, լուցկին կը մարի։ Հիմա ալ լուցկին մօսեցենք քիչ մը տաք քարիւղի։ Քարիւղը պիտի բոնկի։ Ուրեմն հեղուկ քարիւղը չի բռնկիր, այլ ընդհակառակն կը մարէ վառուած լուցկին։ Լամբարներու սիջ վառուողի ո՛չ բէ հեղուկն է, այլ անոր տոգին։

Քարիւղը միշտ պաղ տեղ և կրակէ հեռու պահելու է։ Նաւթահորերէն հանուած քարիւղը, ինչպէս զիտէք, զուտ չէ։ Մասնաւոր զտարաններու մէջ այս հեղուկը կը զտեն։ Ամէնէն մաքուր մասը իրը քարիւղ կը գործածեն, մնացորդներէն ալ իւղեր կը հանեն։ Քարիւղէն կը հանեն նաեւ վագելին կոչուած իւղը, որ շատ գործածական է բժշկութեան և դեղերու մէջ։

## ԶԵՐՈՒՑՄԱՆ ՄԻՋՈՑՆԵՐ

Կերակուր եփելու, տուները տաքցնելու և մեքենաներ բանեցնելու համար, ընդհանրապէս փայտ, փայտածուխ, քարիւղ և հանքածուխ կը գործածեն։ Կարդ մը տեղեր, ուր անտառ չկայ, կենդանիներու չորցած թրիքը իբր վառելիք կը ծառայէ։

Փայտը և հանքածուխը վառարաններու մէջ կը վառեն, որովհետեւ անոնք շատ ծուխ և ուրիշ կազեր կ'արձակեն։ Ածուխը, շատ ծուխ չունենալուն համար, կրակարանի մէջ ալ կրնայ վառուիլ։

ՓԱՅՏՏ. — Բոլոր փայտերը հաւասար չափով չեն տաքցներ։ Կարծր փայտերը աւելի կը տաքցնեն, քան կառուղները։ Այս տեսակէտով նշանաւոր է կաղնիին փայտ։

Ընդհանրապէս ծառերու բուները չէ որ իբր վառելիք կը գործածեն, այլ բարակ ճիւղերը։ Գիտէք որ բուներէն տախտակ կը հանեն, տուներու և կարասիներու շինութեան գործածելու համար։ Բայց և այնպէս, կան բուներ որ անյարմար են տախտակի վերածուելու, և իբր վառելիք կը գործածուին։

ՓԱՅՏՏԱԾՈՒԽ. — Գիտէք արդէն թէ ինչպէս փայտածուխ կը պատրաստեն։ Ածխագործը տաշեղներով եւ մանր ճիւղերով օճախ մը կը չինէ։ Յետոյ կարուած բարակ փայտեր կը շարէ օճախին շուրջը և վրան։ Փայտէ այս դէզը հողով կը ծածկէ ամէն կողմէ, և միայն գազաթին վրայ բաց տեղ մը կը թողու, որպէս զի անկէ ծուխ ելլէ։

Այլեւս կը մնայ բոնկցնել օճախը։ Տաշեղները վառուած տեհն, փայտերն ալ կը ատքնան ու կը սկսին վասիլ։ բայց այրումը մասամբ կը կատարուի, որովհետեւ շատ օդ չկայ դէզին մէջ։ իսկ գիտէք որ առանց օդի այսում չկայ։ Այս ձեւով փայտերը շատ դանդաղ և մասամբ

Կ'այրին առանց վասելու, և ամէնէն վերջը սեւնալով ածուխի կը վերածուին:


Այրումի միջոցին, փայտին ամէնէն ցնդելի, ինչպէս նաև ծուխ արտագրող մասերը կը վառին: Որով յառաջ նկած ածուխը զբեթէ ծուխ չի պարունակեր:

Ածխագործին համար ամէնէն դժուար կէտը՝ որոշելն է թէ ե՞րբ մարելու է դէղը: Պիտի ըսէք թէ այն ատեն, երբ այլեւս ծուխ չելլեր: Բայց գիտէք որ դէղին բոլոր փայտերը միաժամանակ չեն վառիր: Կեդր ո՞ն ի մասի Փայտերը դիզած են, փայտածուխ շինելու համար փայտերը աւելի շուտ կը բռնկին:

Եթէ դէղը ուշ մարեն, այն ատեն մէջտեղի փայտերը շատ վառելով կրակի կը վերածուին: Շուտ մարած պարագային ալ, շուրջի փայտերը պէտք եղածին չափ չեն վառիր և հետեւաբար չեն ածխանար: Կրակարանի մէջ երբեմն կը տեսնէք ածուխի կտորներ, որ ծուխ կուտան: Ասոնք դէղին շուրջի փայտերն են, որ պէտք եղածին չափ չեն վառուած: Այս տեսակ ածուխներուն երա (մարսը) կ'ըսեն:

ՎԱՐՄԱՐՍՆ. — Ուշագրութիւն ընելու է որ վառարանները և բուխերիկները լաւ քաշեն, այսինքն օդի հոսանք առաջ գայ: Այլապէս փայտը լաւ չի վառիր և դէշ կաղեր դուրս կուտայ:

Գիտէք որ տաք օդը պաղէն աւելի թեթեւ է, և միշտ վեր կը բարձրանայ: Վառարանի մէջի օդը տաքնալով կը թեթեւայ և խողովակէն վեր կը բարձրանայ: Դուրս




օդը, աւելի ծանր, վառարանին կափարիչէն ներս կ'անցնի և կը բռնէ վեր բարձրացած օդին տեղը: Այս ձեւով հոսանքը մը առաջ կուգայ, Վառարանը կը բառէ, կ'ըսեն:


Կարելի է պարզ փորձով մը հաստատել այս պարագան: Թուղթի կտոր մը վառենք, նախ բաց տեղ մը, և յետոյ մետաղէ կոնաձեւ խողովակի մը տակ: Առաջին պարագային կը տեսնենք որ թուղթը լաւ չի վառիր, և բոցը զանազան ուղղութեամբ կը ծաւալի: Մինչդեռ խողովակին տակ բոցը սիւնի մը պէս վեր կը բարձրանայ, և այս միջոցին ձայն մըն ալ կը լսուի: Դուրսի օդն է որ ուժող մը խողովակի տակէն ներս կ'անցնի, և հովի ձայն առաջ կը բերէ:

Տուներու մէջ այսպէս կրակ կը շինեն, կրակարանի ածուխին կրակարանի խողովակ վրայ խողովակ մը դնելով: Այս ձեւով օդի հոսանք առաջ կուգայ և ածուխը շուտ կը վառի:

Վառարանները և բուխերիկներն ալ նոյն ձեւով կը վառին: Թափծու վառարանները պէտք չէ կարմըցնելու աստիճան տաքցնել, որովհետեւ գէշ կաղեր կ'արձակեն: Յետոյ ամէն տարի մաքրելու է խողովակները և ծինելոյզները, որովհետեւ ծուխը թանձրանալով մուր կը դառնայ, և կրնայ հրդեն առաջ բերել: Մասնաւոր գործառներ, որ ծինան մաքրող կը կոչուին, խողովակներու մէջ դիզուած մուրը կը մաքրեն: Այս մուրերէն ներկ կը շինեն:




Օճախ կամ բուխերիկ



Կրակարաններն ալ այն ատեն միայն սենեակ տանելու  
է, երբ մէջի ածուխները բոլորովին կարմրած են: Ուշա-  
գրութիւն ընելու է մանաւանդ որ ածուխը այլեւս բոց-  
չարձակէ: Այս բոցը, որ կազ մընէէ, շատ զօրաւոր թոյն-  
է և կրնայ նոյն իսկ մահ պատճառել:

ԶԵՐՄԱՐՁԱԿ. — Սովորական վառարաններէն զատ կայ  
նաեւ ջերմարձակը (ֆալորթիք), որ շատ առողջապահա-  
կան է և կը գործածուի մեծ հաստատութիւնները տաք-  
ցընելու:

ՇԷՆՔԻՆ վարի յարկը հաստատուած է ջուրով լեցուն  
մեծ կաթսայ մը, խողովակներով միացած վերի յարկերու  
հետ: Երբ կաթսան տաքցնեն,  
ջուրը չոգիանալով խողրվակնե-  
րէն վեր կը բարձրանայ եւ կը  
տաքցնէ սենեակներու մէջ դըր-  
ուած մասնաւոր վառարանները:



Զերմարձակի կաթսայ մը  
սենեակները, ինչ որ շատ ա-  
ռողջապահական է: Աս կայն շատ  
ծախք կը պահանջէ, և միայն մեծ հաստատութիւններու  
համար ձեռնտու է:

ԵԼԵԿՏՐԱԿԱՆ ՎԱՐԱՐԱՆ. — Կան նաեւ ելեկտրակա-  
թեամբ տաքցող վառարաններ: Բայց ինչպէս ըսինք,  
ելեկտրականութիւնը սուղ է, և ասոր համար շատ գոր-  
ծածական չեն այս վառարանները:

Կան նոյնպէս ելեկտրական ջեռոցներ, արդուկներ,  
հրահաններ եւն: Ասոնց մէջ ելեկտրական սպառումը այն-  
քան մեծ չէ, եւ հետեւաբար շատ ծախք չի պահանջեր:

## ՀԱՆՔԱՌՈՒԽ

Հանքածուխը յարգի վառելիք մըն է, և իր արձակած  
զօրաւոր ջերմութեան համար կը գործածուի շոգենաւերու,  
շողեկառքերու և գործարաններու մէջ, մեքենաներ բա-  
նեցնելու համար:

Հողին տակէն կը հանեն հանքածուխը: Կան հանքա-  
ծուխի կտորներ, որ ձիչդ ծառի ճիւղի մը ձեւն ունին,  
Ասկէ կը հասկցուի թէ, հանքածուխն ալ սովորական ածուխի  
նման փայտէ առաջ եկած է: Ծա-  
ռերու բուներ երկար ատեն հողին  
տակ մնալով, կամաց կամաց վառ-  
ուած և ածխացած են:

Այս վառելիքը, որ այնքան  
զօրաւոր տաքութիւն և բազմաթիւ  
օգուտներ ունի, զժրախտաբար  
ամէն տեղ չի գտնուիր, ոչ ալ  
գետնի մօտիկ խաւերու մէջ: Յաճախ պէտք կ'ըլլայ ահագին  
խորութեամբ փորել հողը, հանքածուխ գտնելու համար:  
Հանքածուխի հարուստ հանքեր կան Անդլիոյ ու Ամերիկայի  
մէջ: Թուրքիոյ կարեւոր ածխահանքերը կը գտնուին երեյ-  
լիի, Զօնկուլտաքի և Սօմայի մէջ:

Ինչպէս ըսինք, հանքածուխ հանելու համար հորեր կը  
փորուին: Բազմաթիւ գործաւորներ այս հորերուն մէջ  
կ'աշխատին ածուխ փորելու և վեր հանելու համար: Հան-  
քածուխն կ'արտազրուի կրիզու կոչուած կազ մը, որ շատ  
զիւրավառ է: Ասոր համար հանքագործները կը գործածեն  
մասնաւոր լամբար մը, որուն բոցը մետաղէ ցանցով մը  
պատռած է, եւ արկածի տեղի չի տար:

ՔՕՔ. — Հանքածուխն ըուսաւորութեան կազ արտա-  
զրելէ յետոյ, մնացածը իբր վառելիք կը գործածեն: Այս  
մասը իօք կը կոչուի: Քօքը բոց չարձակեր, բայց զօրաւոր  
տաքութիւն ունի:



Հանքածուխ

Հանքածուխը կարելի է նմանցնել փայտի, իսկ քօքը՝ փայտածուխի: Գիտէք որ փայտածուխն ալ բոց չունի, բայց կը տաքցնէ: Քօքն ալ ձիշտ այսպէս է:

ԲՈՒՍԱԿԱՆ ԱԾՈՒԽ. — Ըսինք թէ ծառերու կոճղեր երկար ատեն հողին տակ մնալով կ'այրին եւ հանքածուխի կը վերածուխն:

Ճահճային վայրերու մէջ, կարգ մը բոյսեր ալ այսպէս երկար ատեն կը մնան հողին տակ, կը փարին և վերջ ի. վերջոյ կ'ածխանան: Այս տեսակ ածուխին՝ բուսական ածուխ (քուրպ) կ'ըսին: Յարդի վառելիք մը չէ. առատ ծուխ կ'արակէ եւ շատ զօրաւոր տաքութիւն չունի:

## ՈՒՐԻՇ Ի՞ՆՉ ԿԸ ՀԱՆԵՆ ՀԱՆՔԱԾՈՒԽԷՆ

ԿՈՒՊՐ. — Հանքածուխը, վառուած ատեն, ո՛չ միայն լուսաւորութեան կազ կ'արտադրէ, այլ եւ ահազին քանակութեամբ մուխ: Մարդիկ այս մուխն ալ կ'օգտագործեն, զայն հաւաքելով ջուրով լեցուն աւազաններու մէջ: Մուխը պաղելով կը խոտանայ եւ սեւ ու թանձր հեղուկի մը կը վերածուի: Այս թանձր հեղուկը կուպր կը կոչուի պաղելէ վերջ կը կարծրանայ:

Կուպրը ջուրէն չաղցուիր, այսինքն չի լուծուիր անոր մէջ: Այս յատկութենէն օգտուելով, նաւակները եւ առհասարակ ջուրի մէջ կամ խոնաւ տեղեր հաստատուած փայտեղէնները կուպրով կը ծեփին: Կուպրը չի թողուը որ ջուրը ներս անցնի եւ այսպէս փայտը զերծ կը պահէ փտութենէ:

Կուպրը ուրիշ օգուտներ ալ ունի: Մասնաւոր զտարաններու մէջ տաքցնելով, անկէ կը պատրաստեն տեսակ մը իւղ, որ կը զործածուի մեքենաները իւղոտելու եւ մոմպատրաստելու: Այս իւղը կրկին զտելով պէնզին, Յաֆրալին, ներկեր, ասիս Ֆենիք, եւ անուշահոտութիւններ կը չինեն:

Պէնզինը շատ գործածական է ճարտարարուեստի մէջ: Իբրեւ վառելիք կը գործածուին կարգ մը մեքենաներում մէջ որոնք շարժիչ (մօքեու) կը կոչուին: Շարժիչ մեքենաներու շնորհիւ շատ արագութեամբ կը սուրան ինքնաշարժները, ինքնաշարժ նաւակները, սաւառնակները: Դարձեալ նոյն մեքենաներով է որ կը բանին ուրիշ շատ մը մեքենաները, ինչպէս տպագրական մամուլը, մեծ ջըրհանները ևն: Պէնզինը ուրիշ օգտակարութիւն մըն ալ ունի: — կը մաքրէ իւղի եւ ճարպի բիծերը:

Նաֆթալինը հաստատուն մարմին մըն է: Անոր փոշին հագուստներու և գորգերու վրայ կը ցանեն, զանոնք պաշտպաններու համար ցեցերու դէմ: Նաֆթալինի զօրաւոր և կծու հոտը թող չի տար որ ցեցերը մօտենան հագուստներուն:

Ասիս Ֆենիքը աւելի ծանր և կծու հոտ մը ունի: Կը գործածուի տունները և չէնքերը հականնեխելու: Ասիս Ֆենիքի մաքուր և զուտ տեսակը կը գործածուի վիրաբուժութեան մէջ, իբրեւ հականնեխիչ: ան կ'արդիկէ վերքերու մէջ առաջ եկող նեխումներն ու կը մեղցնէ տարափոխիկ հիւանդութեանց մանրէնները:



## ԿԵՆԴԱՆԻՆԵՐԷՆ ՄԵՐ ՔԱՂԱԾ ՕԳՈՒՏՆԵՐԸ

Կենդանիները, վայրի թէ ընտանի, մեծ օգտակարութիւն ունին մարդոց։ Կարելի է ըսել թէ առանց կենդանիներու չպիտի կարենայինք ապրիլ։

Պարզ ակնարկ մը կը բաւէ երեւան բերելու այն բաղմաթիւ օգուտները, զոր կը քաղենք զանազան կենդանիներէ։ Մեր հագուստեղիններուն մէկ կարեւոր մասը բուրդէ և մետաքսէ շինուած է։ Իսկ գիտեք թէ բուրդը ոչխարէն և մետաքսն ալ շերամէն կը ստանանք։ Հիւսիսային երկիրներու բնակիչները ի՞նչ զարհուրելի վիճակի պիտի մատնուէին, եթէ չըլլար մուշտակը, որ ցուրտէն կը պահպանէ զիրենք։

Ուրկէ՞ պիտի հայթայթէինք մեր գլխաւոր սնունդներէն մէկը, միսը, եթէ չըլլային մսացու կենդանիները։ Եղ, կով, ոչխար, հաւ եւն։ Հապա՞ կաթը, հաւսիթը, ձուկը, պանիրը եւն։ որոնց այնքան պէտք ունինք, սնանելու և զօրանալու համար։

Կարելի է թուել գեռ ուրիշ բազմաթիւ օգուտներ, առանց որոնց շատ զժուար պիտի ըլլար ատղանովել շատ մը պիտանի առարկաներ, կարգ մը կենդանիներու մորթէն կօշիկ, պայուսակ և թամբ կը շինեն, անոնց ճարպէն մոմ կը պատրաստեն, ոսկորներէն՝ դանակի, զմելիի կոթ, սանտր և սօսինձ։

Երեւակայեցէք թէ հին ատենները մարդիկ ի՞նչ վիճակի պիտի ենթարկուէին, եթէ չունենային եղ, ձի, էշ, ջորի, ուղու եւն։ Այն ատենները, հիմակուան պէս ո՛չ չողեշարժ արօր կար, ոչ ալ չողեկառք, ինքնաշարժ և սաւառնակ։ Ամէն գործ։ հերկ, փոխադրութիւն եւն։ Կը կատարուէր կենդանիներու միջոցաւ։

Տեսնենք հիմա թէ մարդիկ ի՞նչ միջոցներով կ'օգտուին կենդանիներէն, ձեռք բերելու համար իրենց անհատ նիւթերը։

## ԲՈՒՐԴ

Սկսինք բուրդէն որ այնքան գործածական է առօրեաց վեանքի մէջ։

Ոչխարի մազերուն՝ բուրդ կ'ըսեն։ Դիտած էք անշուշտ որ այս մազերը երկայն են, կակուզ և ընդհանրապէս գանգուր։ Բուրդէ շինուած կերպասները առաձգական կ'ըլլան քիչ մը։

Կան շատ տեսակ եւ զանազան գոյններով բուրդիր։ Ամէնէն ընտիրը ձերմակ տեսակն է։ Նշանաւոր է սպանիական ոչխարին։ Մերինոսի բուրդը։

Ոչխարներու խուզումը ընդհանրապէս գարնան կը կատարուի։ Զմրան, ոչխարները պէտք ունին իրենց տաքուկ բուրդին, ցուրտէն պաշտպանուելու համար։ Ոչխարը գետին կը պառկեցնեն եւ մեծ մկրատներով կամ մեքենայով կը խուզեն։

Խուզելէ յետոյ կը լուան բուրդը, մէջի իւղերը հանելու համար, եւ արեւին կը չորցնեն։

Գէշ տեսակ բուրդերը, որոնք երկայն եւ կարծր թելեր կ'ունենան, կը գործածուին անկողիններ շինելու։ Անկողնին բուրդերը չեն գեր, այլ փայտով կը ծեծեն, որպէս զի թեւերը քիչ մը բացուին։

Մանոց եւ իլիկ թաղիք պատրաստելու համար, բուրդը կը զզեն։ Իսկ մանածի յատուկ բուրդը սանտրէ կ'ան-




ցընեն, եւ յետոյ ճախարակով կը մանեն:

Գիւղերու մէջ, մահաւանդ հին ատենները, փայտէ պարզ գործիքով մը թել կը մանէին: Այս գործիքը, որ իլիկ կը կոչուի, փայտէ բարակ ձող մըն է, նոյնպէս փայտէ գնդաձեւ գլուխով մը վերջացած: Գունդին վրայ հաստառուած է մետաղէ կեռ մը, ուրկէ կ'անցընեն բուրզը: Մանող կինը, գունդը ձեռքով դարձնելով թող կուտայ օդին մէջ: Այս ձեռով թելը կ'ոլորուի եւ իլիկին վրայ կը փաթթուի: Երեմն թելը կը փրթի: մանողը անմիջապէս քովէ քովէ կը



Մանող աղջիկ



Մանող մեքենայ

բերէ փրթածմասերը, եւ կրկին ուրուելով կը միացնէ շանոնք:

Իլիկէն զատ կանաեւ ճախարակներ, որ աւելի արագ եւ կանոնարդ կը մանեն:

Ներկայիս կը գործածուին մասնաւոր մեքենաներ, որոնք թէ շատ արագ կը բանին, եւ թէ աւելի բարակ թել կը պատրաստին:

## ՀԻՒՍՈՒԱԾ

Ֆլանէլ մը կամ գուլպայ մը եթէ քակէք, կը տեսնէք որ կանոնաւոր կերպով կը քակուի և միակ թելի մը կը վերածուի: Ուրիշ խօսքով, կարելի է ֆլանէլ մը քակել և այդ թելերով նոր մը հիւսել:

Անգամ մըն ալ շղարչի կտորի մը վրայ ըրէք նոյն փորձը: Պիտի տեսնէք որ կարելի չէ միակառւը թել ունենալ, և կամ այդ թելերը օգտագործել: Շղարչին վրայ թէ լայնքին և թէ երկայնքին թելեր կան, որոնք իրարու մէջ անցած են, հիւսուած են: Կերպասներն ալ այսպէս շինուած են: Լայնքի թելերուն՝ թեզանի թելեր կ'ըսեն:


Որպէս զի աւելի լաւ հասկնաք թէ ի՞նչպէս կերպաս կը հիւսեն, գծաւոր թուղթ մը առէք, և գիծերուն ուղղութեամբ կտրելով շատ մը երիզներու բաժնեցէք զայն: Նոյն ձեւով կտրեցէք ուրիշ թուղթ մը. բայց մկրատը մինչեւ ծայրը մի տանիք, այլ երկու կողմէն չկարուած մասեր թողէք: Այս ձեւով երիզները երկու ծայրերէն իրարու միացած կ'ըլլան:

Առէք երիշ մը և անցուցէք երկրորդ թուղթին վրայ, պայմանաւ որ առաջին կտրուածքին տակէն, երկրորդին վրայէն, երրորդին տակէն և չորրորդին վրայէն և այսպէս շարունակաբար անցնի:

Երկրորդ երիշ մըն ալ նախորդին հակառակ ուղղութեամբ անցուցէք, այսինքն առաջին կտրուածքին վրայէն անցնի, երկրորդին տակէն և այսպէս շարունակաբար անցնի:

Գործողութիւնը այսպէս շարունակելով, կ'ունենաք թուղթէ փսխաթ մը: Կողովներն ալ ճիշտ այսպէս կը շինեն:

Կերպասի հիւսուածն ալ տարբերութիւն չունի ձեր շինած թուղթէ փսխաթէն. միայն անոր թելերը շատ բարակ են և այնպէս մը իրարու մէջ անցած, որ հիւսուածին ձեւը աչքի չի զարներ:




Հիւսուածք

Աստարակոյս տաժանելի աշխատանք պիտի ըլլար, եթէ մարդիկ ձեռքով մէջէ մէջ անցընէին կերպասի հարիւրաւոր և հաղարաւոր թելերը, ինչպէս կ'ընեն կողովագործները։ Հիւսելու շատ դիւրին և արագ ձեւ մը կայ։ Դարձեալ մէր թուղթէ փսիաթին ուշազրութիւն ընենք, գիտնալու համար թէ ոստայնանկը ի՞նչպէս կը հիւսէ։

Տեսէ՞ք, առաջին երիզը անցած է առաջին, երրորդ, իինգերորդ կտրուածքներուն, այսինքն անզոյներու տակէն, իսկ զոյդ կտրուածքներուն ալ վրայէն։

Երկրորդ երիզը ընդհակառակն անցած է անզոյդ կտրուածքներու վրայէն, իսկ զոյդերու տակէն։


Եթէ միջոց մը գտնենք մէկ անգամէն միաժամանակ վերցնելու բոլոր զոյդ և տնզոյդ կտրուածքները, գործը շատ կը դիւրանայ։ Զոյգերը վեր հանելով, անոնց տակէն



Կկոյներ

Արդեօք միջոց կա՞յ այսպէս միաժամանակ վեր հանելու կամ վար իջեցնելու զոյդ ու անզոյդ թելերը։ Անշուշտ։ Այդ երկու կարգի թելերուն ծայրերը զատ զատ իրարու միացնենք և յետոյ երկու ձողերու կապենք։ Երբ ձողերէն մէկը վեր հանենք, բնականաբար վեր կը բարձրանան նաեւ անոր կապուած բոլոր թելերը։

Այս գրութեան վրայ հիմուռած է ոստայնանկի, նորք Ոստայնանկը իր հորին վրայ պրկած է շատ մը թելեր։ Զոյդ եւ անզոյդ թելերը կապերով միացած են հորին վերեւէն կախուած երկու ծանրութիւններու։ Ոստայնանկը



Ոստայնանկը հորին մէջ

ոտքի հարուածներով փոփոխակի վեր վար կ'ընէ անզոյդ եւ զոյդ թելերը, ու այդ միջոցին կկոյցով թեզանի թելեր կ'անցընէ անոնց մէջէն։ Միւս կողմէ, մասնաւոր գործիքով մը թելերը քովէ քովէ կը սեղմէ, որպէս զի հիւսուածը խիտ ըլլայ։

Ներկայիս հիւսուածները մեքենայով կը պատրաստուին։ Հիւսելէ յետոյ, ուլայով եւ ուրիշ նիւթերով կը գոցեն կտաւներու եւ կերպասներու ծակտիկները։

## ՀԻՒՍԵԼԻ ՏՈՒՆԿԵՐ

Բուրդէն զատ կան բուսական արտազրութիւններ ալ, որ հիւսուածներու մէջ կը գործածուին: Գլխաւոր տեսակը ներն են՝ բամպակը, վուշը եւ կանեփը: Իրենց այս յատկութեան համար, հիւսելի տանկ կը կոչուին:

ԲԱՄՊԱԿ. —  
Բամպակ ենին տաք տեղերու մէջ կ'աճի, ինչպէս եղիպտոս, Աստանա, Հալէպ, եւայլն: Ամէնէն օդտագործելի մասը իր

պտուղն է, որ խողակի ձեւ ունի: Հունտերուն վրայ երկար եւ դիմացկուն աղուամազեր կան: Երբ հասուննայ, պտուղը կը ճեղքուի, կը բացուի, եւ բամպակը դուրս կուտայ: Մասնաւոր գործիքներով բամպակը կը զատեն հունտէն, կը գզեն, կը մանեն եւ թելի կը վերածեն:

Հունտէն ալ իւղ կը հանեն, որ արհեստներու մէջ կը գործածուի:

ՎՈՒԾ ԵՒ ԿԱՆԵՓ. — Այս տունկերուն ցողուններէն է որ թել կը հանեն: Արդէն բոլոր տունկերուն ցողուններուն վրայ նեարդներ, թելեր կան: Եթէ յարդի շիւղ մը պրկելով ոլորէք, կը տեսնէք որ հաստ թելերու կը բաժնուի: Եղէզը տաշած



ՎՈՒԾ




ԲԱՄՊԱԿԵՆԻ

ատեն ալ թեւերու կը հանդիպիք: Ուրեմն ամէն ցողուն թել տւնի: սակայն բոլորը գործածական չեն, որովհետեւ ոմանք կարծ են, ոմանք ալ շատ կ սրծը են, եւ հանուած ատեն կը կոտրտին:

Կանեփի ցողունէն ալ կարելի չէ թել հանել, առանց մասնաւոր միջոցներու զիմելու, Գիտէք որ այս տունկեն ցողունները կը չորցնեն և՛ 7-10 օր ջուրի մէջ կը դնեն: Այս ձեւով, կը լուծուի խէժը որ հիւսելի թելերը փակցուցած էր ցողունին: Յատոյ կանեփին ցողունները ջուրէն



ԿԱՆԵՓ ԿԸ ԹՋԵՆԻ



ԿԱՆԵՓ ԿԸ ԿԵՂԵՒԻՆ

կը հանեն, կը չորցնեն ու կոտրելով կեղեւը կը հանեն: Վուշին ալ ցողունները փայտերու միջեւ դնելով կը կոտրեն:

Վուշին կտաւ ալ կ'ըսեն: Կապոյտ կամ ճերմակ ծաղիկներ կունենայ, որսնք յատոյ կարմիր հունտեր կուտան, — կտաւած: Կտաւատը ճղմելով կը պատրաստեն իւղ մը, որ շատ գործածական է արհեստներու մէջ: Կտաւատի

իւղը կամ ձէթը, գիւղացիին քարիւղն է. շատ տեղեր կեռակուր շինելու ալ կը գործածեն:

իւղը հանելէ յետոյ, արջառներու կը կերցնեն կտաւատին մնացած մասը, որ կուրք կը կոչուի:

Թէ կանեփը եւ թէ վուշը օդոստոսին կը քաղեն: Երբ կուքին ալ հատիկներէն հանուած իւղը կը գործածուի նաեւ նկարչութեան մէջ: Մասնաւոր ոքար շատ գործածական է կտաւատէն հանուած իւղը:

Եղիծ. — Պատերու քովեր եւ դաշտի մէջ մեծցող տունկ մըն է, մինչեւ կէս մէթր բարձրութեամբ: Զըլլայ որ դպիք անոր ցօղուններուն եւ տերեւններուն, որովհետեւ սաստիկ կը խայթեն: Հնդկաստանի մէջ կան եղիճներ որոնց խայթուածքը տարիններով կը տեսէ: կան նաև եղիճներ որ չեն խայթեր:

Ամերիկայի, Ֆրանսայի և ուրիշ երկիրներու մէջ կը մշակուի տեսակ մը եղիճ, մինչեւ 4 մէթր բարձրութեամբ: Ասոնց ցօղուններէն կը հանեն մեսաւաքսի նման փայլուն և նուրբ թելիք, Մերկ երկիրներու եղիճները փոքրահասակ են, և հիւսելի չեն:


Եղիճին մէկ տեսակն է կուրինչ (եափրեկա՞) կամ ապակեխոս կոչուածը, որ զիւղերու մէջ մլուկներու դէմ կը գործածեն: Երբ մլուկը անոր դպչի, այլ եւս փակած կը մնայ իր տեղին վրայ և չի կրնար շարժիլ: Կը գործածուի նաեւ ապակինները մաքրելու:

## ՄԱԶԷ ՇԻՆՈՒԱԾ ԱՌԱՐԿԱՆԵՐ

Կենդանիներու մազերն ալ օգտակար են մեզի: Հասարակ այծի հաստ և կարծր մազերէն թաղիք կը շինեն, նուրբերէն ալ թաւիշ, կերպաս, շալ եւայլն: Նշանաւոր են էնկիւրիի այծերը, որոնք խիտ, եր-

կայն և մետաքսի նման նուրբ մազեր ունին: Այս մազերուն այծամաղ (թիֆթիկ) կ'ըսեն:

Հնդկաստանի մէջ ալ կը բուծանեն զամիր կոչուած



Ա Յ Ծ

աղնիւ տեսակի այծ մը, որուն խիստ նուրբ մազէն ընտիր և թանկարժէք ցփսի կը հիւսեն:

Թաղիքէ գլխարկներու համար գործածուած մազը նապաստակէն, կուղբէն և ջրաղուէսէն կ'առնեն:

Խողի և ձիու մազերէն մաղ կը շինեն: Խողի մազէն շինուած մազը՝ ձարմաղ, իսկ ձիու մազէն շինուածը շարմաղ կը կոչուի: Առաջինը հաստ կը մազէ, երկրորդը բարակ:


Խողանակներն ալ խողի մազով կը շինեն. ոկիւռի փափուկ ստեւներն ալ վրձինի շինութեան մէջ կը գործածուին:

Զիու և եղան մազերը կը գործածուին նաեւ բազմոցներ և համեսներ լիցնելու: Դերձակները հագուստ ներու ներսի կողմը ձիու մաղ կը դնեն, ձեւ տալու համար անոնց:

## ԿԱՇԻ

Գիտէք որ կենդանիներու մորթը աղաղելով կաշի կը պատրաստեն։ Աղաղումի համար կը գործածեն կաղնիի կեռզեւի և խոզկաղինի փոշին, որ մորթը զերծ կը պահէ նեխելէ և փտելէ։

Մորթը թարմ թարմ, կամ աղելէ ու չորցնելէ յետոյ,



Մորթ կը մաքրեն

Աղաղում

Քանի մը օր ջուրի մէջ կը դնեն, որպէս զի կակուղնայ։ Յետոյ քերելով ներսի կողմերը, ճարպերը և միսի կտորները կը մաքրեն։ Կը մնայ վրայի մազերը հանել, քերծել։ Ասոր համար ալ մորթը կրախառն ջուրի մէջ կը պահն բաւական ատեն, և յետոյ մազերը դիւրութեամբ կը հանեն։

Այս գործողութիւնը կատարելէ վերջ, մորթերու վրայ կաղնիի փոշի կը ցանեն և ջուրով լիցուն փոսի մը մէջ իրարու վրայ կը շարեն։ Քանի մը ամիս այսպէս մնալով, մորթերը կը ծծեն կաղնիի փոշին և կը կարծրանան, կաեփ կը դառնան։

Հաստ կաշիներու յատուկ մորթերը մինչեւ մէկ տարի փոսի մէջ կը մնան, իսկ բարակները ընդհանրապէս 3—4 ամիս։

Փոսէն հանելէ յետոյ, կաշին կը չորցնեն և մուրճով կը ծեծեն, ծակտիկները գոցելու համար։ Անկէ վերջ կը ջնարակեն եւ ուզուած գոյնով կը ներկեն։

Ներկայիս, մեքենական ուրիշ միջոցներով և աւելի արագօրէն կ'աղաղեն մորթը։

Եշանաւոր են ֆրանսական կաշիները, որոնցմով դիմացկուն կօշիկներ կը շինուին։ Այժի բարակ կաշին կօշիկի երեսներու համար կը գործածեն։

Տեսակ մը ընտիր կաշի կայ, որ մարօնեն կը կոչուի, որովհետեւ նախապէս Մարօքի մէջ կը պատրաստուէր, նոխազներու և այծերու մորթէն։ Այս նուրբ կաշիով կը շինեն ձեռքի պայուսակ, զրամապանակ, ճամբորդութեան պայուսակներ։ Հաստ տեսակով ալ թիկնաթոռներ կը պատեն։

Մորթերը խաղախորդարանի մէջ է որ կաշիի կը վերածուին։ Այս աշխատանքը կատարող արհեստաւորին ալ խաղախորդ կ'ըսեն։ Խաղախորդարանները քաղաքէն հեռու տեղեր կը հաստատեն, որովհետեւ շատ գէշ հոտեր կ'արձակեն։ Պոլսոյ մէջ, ետի Գուլէի կողմերը կը գտնուին կաշիի գործարանները։

## ՄՈՒՇՏԱԿ

Կարգ մը կենդանիներու մորթերը իբր մուշտակ կը գործածուին, որովհետեւ անոնց բարակ եւ առատ մազերը տաք կը պահեն մարտուս մարմինը: Ցուրտ երկիրներու մէջ մանաւանդ, չատ պէտք ունին մուշտակի:

Մուշտակն ալ կաշիի նման կը պատրաստեն: Միայն թէ վրայի մազերը չեն հաներ, այլ զանազան դեղերով փոելէ զերծ կը պահեն:

Ամէնէն ընտիր մուշտակները կ'առնուին կարգ մը փոքր կենդանիներէ, ինչպէս սամոյր, ձերմակ կզաքիս (հերմիթ), ջրազուէս (լութր), սկիւռ, կուղը եւայլն: Շատ յարգի է նաեւ սպիտակ արջին մուշտակը: Աղուէսին մորթն ալ իբր մուշտակ կը գործածուի: Առիւծի, վազրի, զայլի եւ հասարակ արջերու մորթերն ալ կը գործածուին իբր մաշտեակ (փօսր), գետնի կամ բազմոցի վրայ փոռւելու համար: Հին ատենակըն ալ իբր հագուստ կը գործածուէին:

Մուշտակաւոր կենդանիները ձմրան աւելի խիս եւ երկայն մազերով ծածկուած կ'ըլլան, ցուրտէն պաշտամուելու համար: Ասոր համար ընդհանրապէս ձմեռնեղանակին կ'որսան զանոնք:



Զրադուէս



Կուղը (բասթօր)

Հիւսիսային երկիրներու մէջ, ուր սաստիկ ցուրտ կ'ընէ, հագուստներու ներսի կողմը նուրբ մուշտակով կը պատեն: Կան նաեւ զուտ մուշտակէ վերարկուներ: Բարեխաւոն երկիրներու մէջ միայն ձմեռ ատեն մուշտակ կը հագնին: Մուշտակէն կը պատրաստեն նաեւ թեւնոցներ եւ հագուստեղէնի վերաբերեալ զարգեր:

Մսակեր կենդանիները, մանաւանդ փոքրահասակները, աւելի քնտիր մուշտակ ունին: Ոչխարի և այծի նման խոտակերներու մորթերը չեն գործածուիր իբր մուշտակ:



Ճակակիս

Ամէնէն յարդի մուշտակները կ'ելլեն Սիպերիայէն և Գանատայէն: Բայց հետզհետէ կը նուազի մուշտակաւոր կենդանիներու ցեղը. որսալն ալ դժուար է:

Կուղբերը կը բնակին լիճերու և առուներու եղերքները, ուր մասնաւոր տնակներ կը շինեն իրենց համար: Անոնց բուրդէն ալ ընտիր գլխարկներ կը շինեն:



Աղուէս

## ՈՒՐԻՇ ՕԳՈՒՏՆԵՐ

Եղին և ոչխարին ո՞չ միայն միսէն և մորթէն կ'օդատուինք, այլ եւ եղջիւրներէն, ոսկորներէն, կճակներէն, ճարպէն և նոյն իսկ աղբէն:

Ոսկորները երկար ատեն ջուրի մէջ եռացնելով, առնոցմէ գոնդող և լուսածին կը հանին: Երբ ոսկորին լուծոյթը օշարակի նմանի, կը լեցնեն կաղապարներու մէջ և յետոյ կը չորցնին: Այսպէս կ'ունենան մեր զիտցած սոսինձը (թուրքալ), որ այնքան գործածական է կահագործութեան մէջ:


Եղջիւրներէն, կղճակներէն և ձիու ոմբակներէն դաշնակի կոթ, կոճակ և ուրիշ առարկաներ կը շինին: Կարգ մը կենդանիներու հաստ մորթն ալ մտրակի շինութեան կը գործածուի: Փիղին ժանիքներէն ալ ընտիր սանտր, գաւազանի կոթ և կոճակ կը պատրաստեն:

Ճարպով ալ մոմ և կլիսերին կը պատրաստեն: Մորթուած կենդանիներու աղիքներով կը շինին նուագարանի լարեր, ինչպէս ջութակի թելերը:

Կենդանիները մարդուս այսքան անհրաժեշտ պիտոյքները հայթայթելէ զատ, անոր թանկագին օգնականներն են կարգ մը ախատութեանց մէջ: Զեզմէ ո՞վ չի կրնար թուել այն ծառայութիւնները զոր ձին կը նուիրէ մարդուն, անոր բեռները կրելով, կառքերն ու արօրները քաշելով եւայլն: Գիտէք որ եզր նոյնպէս, շատ տեղեր զեռ միակ քրտինքի ընկերն է ժրաշան երկրագործին:

## ՄԵՂՐ

Մեղուները միշտ մեծ խումբերով կ'ապրին, շատ անգամ 15-20 հազար և աւելի թիւով: Երեք տեսակ մեղուներուն մէջ միայն մէկ թագուհի կը գտնուի: Արուներն ալ քանի մը հարիւր հատ են, իսկ մնացեալները գործաւոր (էգ մեղու) են: Աշխատաւոր մեղուն մարմնով պղտիկ է, ունի երկայն լեզու մը որպէս ծաղիկներուն շաքարոտ հիւթը կը ծծէ: Ունի նաև թոյնի խողովակ մը, խայթոցը: Արուն աւելի մեծ է և խայթոց չունի: Թագուհին ամէշնէն մեծն է, և անոր պաշտօնն է միայն ձու ածել: Երբ գործաւորները կերակուր ճարելով կը զբաղին, թագուհին:



Արու, թագուհի, գործաւոր

ամառը երկու աեսակ ձու կ'ածէ: մէկ մասէն արուներ կ'ելլեն, իսկ միւս մասէն էգեր, այսինքն փոքր թագուհիներ: Երեք շաբաթէն կ'աւարտի թրթուրներու կերպարանափոխութիւնը և մեղուներ կը կազմուին:

Երբ փոքր թագուհիները մեծնան, մեծ թագուհին խումբ մը մեղու հետը առած կը հեռանայ փեթակէն: Երբ մեղուներուն թիւը շատ ըլլայ, ուրիշ խումբեր ալ կը բաժնուին, մէկ մէկ թագուհիի առաջնորդութեամբ: Երբեմն կը պատահի որ առաջին փոքր թագուհին բաժնուի: Այս

ատեն մեծ թագուհին կը սպաննէ միւսները, ինքը միայն  
կը մնայ. իբրեւ թագուհի կամ ձու ածող: Իսկ երբ բնաւ  
թագուհի չմնայ, գործաւորները կը յարձակին արուներուն  
վրայ և կը մեղոցնեն զանոնք:

Մեղուներու խումբը փեթակէն հեռանալով կը հաւաքը  
ուի մօտակայ ծառի մը վրայ և կամ աւելի ճիշդ՝ ճիւղէ  
մը կը կախուի: Դիւղացին ճիւղը թօթուելով մեղուները  
կողովի մը մէջ կառնէ: Միայն ուշադրութիւն կ'ընէ  
որ թագուհին ալ բննուի:

Զմրան, մեղուները զրեթէ թմրած կը մնան իրենց փե-  
թակին մէջ: Բայց գարնան արդէն իսկ գործի վրայ են:  
Գործաւորները իրենց երկար լեզուով կ'աւնեն ծաղիկնե-  
րու քաղցր հիւթը: Այս հիւթը անոնց փորին մէջ մեղրի  
կը վերածուի: Մեղրին մէկ մասր ստամոքսին մէջ կ'անցնի,  
և իբրեւ սնունդ կը ծառայէ: Իսկ միւս մասը մեղուն բեր-  
նէն կը հանէ և փեթակի խորշերուն մէջ կը գնէ:

Բացի հիւթէն, մեղուները իրենց ետեւի ոտներու թա-  
ղանթով կը հաւաքեն նաեւ ծաղիկներու փոշին, փոլին  
կոչուածը: Այս փոշին, ջուրի եւ մեղրի հետ շաղուելով,  
կը ծառայէ իբր կեր մեղուի ձագերուն:

Գործաւորները իրենց փորի օղակներուն ներսի կողմը,  
մասնաւոր խցիկներու մէջ մոմ կը պատրաստեն և մորթի  
ծակտիկներէն դուրս կը հանեն: Մեղուն, ետեւի ոտքերով  
կ'առնէ մոմը և անով բջիջ կը չինէ:

Մեղուաբուծութիւնը այսօր շատ զարգացած է որով-  
հետեւ մարդիկ կ'օգտուին թէ՛ մեղրէն և թէ՛ մոմէն: Առա-  
ջինը ընտիր սնունդ մըն է, իսկ մոմը շատ կը գործածուի  
ճարտարաբուծատի մէջ:

## ՄԵՍԱՔՍ

Շերամէն մեռաքը կը սուանանք. ինչպէս գիտէք, իսկ  
մետաքսը շատ գործածական և ընտիր հիւսելի մըն է:  
Ասոր համար շատ մը երկիրներու մէջ ահազին քանակու-  
թեամբ շերամի կը պահեն: Թուրքիոյ մէջ նշանաւոր է  
Պրուսայի և Պիէճիկի շերամը:

Շերամի ձուերը տուփերու մէջ կը պահուին: Այս  
ձուերը կապտ սգոյն և շատ պղտիկ են, հազիւ կորեկի հատի-  
կի մեծութեամբ  
այնպէս որ 1000  
ձու հազիւ մէկ  
կրամ կը կչէ:


Գարնան, երբ  
ճերմակ թթե-  
նին տերեւ կը  
բանայ, թըր-  
թուրները զուրս  
կ'ելլեն ձուերէն:  
Միայն թէ ա-  
նոնց գտնուած  
տեղը պէտք է  
որոշ բարեխառ-  
նութիւն ունե-  
նայ: Թըրթուր-  
ները ճերմակ թթենիի տերեւ ուտելով շատ շուտով կը մեծ-  
նան, և այս միջոցին (չորս շաբաթ) շատ անգամ մորթ կը  
փոխին:

Ատեն մը կուգայ որ այլ եւո կը դադրին ուտելէ: Այն  
ատեն թըրթուրը կը բարձրանայ մասնաւոր կերպով դրուած  
փոքր ճիւղի մը վրայ, ուր կը հիւսէ իր զարմանալի բնա-  
կարանը, բուժութ կամ խողակը, և մէջը կը բանտարկուի:  
Թըրթուրը խողակին մէջ կը թմրի և կը վերածուի հարսնուիկ:



15—20 օր յետոյ, հարսնուկը ճերմակ թիթեռնիկի վեարածուելով կը ծակէ խոզակը և դուրս կ'ելլէ: Յետոյ ձու կ'ածէ և երկու օրէն կը մեռնի:

Եերամարոյժները, սակայն, չեն թողուր որ բոլոր թիթեռները ծակեն իրենց խոզակը Խոզակը եռացած ջուրի շոգիին մէջ դնելով կը մեռցնեն հարսնուկը: Յետոյ կը քակեն խոզակը և շատ մը թեւեր իրարու ոլորելով մետաքս կը պատրաստեն: Խոզակը քակելու և թեւերը փաթ-



Կարծիք մեքենայ

Թելու մասնաւոր գործիք մը կայ, որ կը կոչուի կարժիչ Քակելու դործողութիւնն ալ կը կոչուի կարժում: Ընդհանրապէս հինգ-վեց թել ոլորելով մեռաքսի թեւեր կը շինեն: Մետաքսի սկզբնական գոյնը գեղնորակ ճերմակ է ընդհանրապէս. սակայն երբեմն ձիւնի պէս ալ ճերմակ կամ գոյ դեղին կ'ըլլայ:

Եերամի թրթուրը շատ կ'ազդուի տաքէն և պաղէն, և երբեմն ալ հիւանդութիւններով կը վարակուի: Սոոր համար ուշադրութիւն կը դարձնեն որ շերամատունները միշտ 20—25 աստիճան բարեխսանութիւն ունենան, և մաքուր ու օդաւէտ ըլլան:

Լաւ խոզակները կը պահեն և կը թողուն որ անոնցմէ թիթեռնիկներ ելլեն և ձու ածեն:

Զինաստանի և Հնդկաստանի մէջ կան թիթեռնիկներ, որոնք աւելի դիմացկուն և յարգի մեռաքս կ'արտադրեն: Հին ատենները չինական մետաքսով կը պատէին օդապարիկները: Այս թիթեռնիկները ճերմակ թիթեռնի տերեւով չեն մեծնար, այլ ուրիշ ծառերու տերեւ կ'ուտեն:

## ՏՈՒՆԿԵՐԷՆ ՄԵՐ ՔԱՂԱԾ ՕԳՈՒՏՆԵՐԸ

Կենդանիներուն չափ օդակար են նաեւ զանազան տունկեր, իբր սնունդ, հիւսելի, դեղ, համեմ, եայլն:

**ԱՐՄԾԻՔ.**— Ցորեն, եգիպտացորեն, հաճար, գարի, վարսակ, բրինձ եւայլն արմտիք կը կոչուին: Մեր երկրին մէջ միայն ցորենի ալիւրով հաց կը շինեն. բայց կան տեղեր, ինչպէս Գերմանիա և Ռուսիա, ուր հաճարի ալիւրով ալ հաց կը պատրաստեն: Վարսակը և գարին ալ այդ նպատակով կը գործածուին, եթէ ցորեն չգտնուի:

Արմտիքներէն ամէնէն աւելի ցորենը կը մշակեն, իբր պարունակած շատ սնունդին հաճար, Ցորենի շատ տեսակներ կան. մէկ մասը գարնան կը ցանեն, միւսը՝ աշնան: Ասկէ ալ իրենց անունները, — գարեցան և աօնցան: Գարնցանը աւելի համեղ և սննդարար է:

**Մշակութեան ձեւը գիտէք արդէն.**— Ցանք ընելէ առաջ, երկրագործը աղբով կամ ուրիշ նիւթերով կը պարարտացնէ հողը, որպէս զի ցորենի տունկը կարենայ սնունդ առնել և առատ բերք տալ: Կան տեղեր, ուր ցանքած ցորենը հնդապատիկ բերք կուտայ: Ընդհանրապէս ամէն տարի նոյն արմտիքը չեն ցաներ միեւնոյն արտին մէջ: Կարգ մը գիւղերու մէջ, ուր չկան արհեստական պարարտացումի միջոցներ, երբեմն մէկ տարի պարապ կը ձգեն արտը, այսինքն ցանք չեն հոն:

Շնորհիւ ինքնաշարժ արօններու (քամբէօր) և արհեստական աղբերու գործածութեան, այսօր կարելի է շատ աւելի արդիւնք ձեռք բերել:

**Ցորենի հատիկը երեք մասէ կը բաղկանայ.**— Թեփ, կեղեւ և միջուկ: Թեփը, վրայի մաշկն է և իւզոտ կ'ըլլայ: Ցորենը աղալէ յետոյ, կը մաղեն ալիւրը, մէջի թեփերը զատելու համար: Թեփը կը գործածուի իբր կենդանիներու կեր:

Քաղաքներու մէջ, աղալէ յետոյ, նուրբ մաղերով կը զատեն ցորենի կեղեւը: Այսպէս ալիւրը աւելի ճերմակ կ'ըլլայ, բայց նուազ սնունդ կը պարունակէ:

## ԲԱՆՉԱՐԵՂԻՆ

կուբիս, սիսեռ, գետնախնձոր, ոլոռն, դդում, շղպամ, ճակնդեղ, եւայլն բանջարեղէն կամ ընդեղէն կը կոչուին։ Մէկ մասին տերեւները կամ հատիկները, մէկ մասին ալ արմատները կուտենք։ Բանջարեղէնները բանջարանցներու մէջ կը մշակուին։

Գետնախնձորը շատ սննդարար է, և հաւասարապէս կը գործածուի իբր կեր մարդոց և կենդանիներու։ Գետնախնձորէն ալքօլ ալ կը հանեն։ Այս օգտակար բոյսը նաև խապէս միայն հարաւային Ամերիկայի մէջ կը մշակուէր։ Քանի մը հարիւր տարի առաջ է որ Եւրոպայի մէջ ալ ընդհանրացաւ։ ինկ այսօր աշխարհի ամէն կողմը տարածուած է, և ահազին քանակութեամբ կը մշակուի։ Գետնախնձորը, իր պարունակած սնունդին համար, կրնայ մասամբ հացին տեղը բռնել։

Շոգեշարժ մեքենաներու մէջ, կաթսաներու ներքին երեսը աղտեղութեան խաւ մը կը կապէ, որովհետեւ գիտէք թէ ջուրին մէջ հանքային նիւթեր լուծուած կան։ Գետնախնձորով կը կակուղցնեն այս քարացած աղտեղութիւնները և կը մաքրեն։

Գետնախնձորը կը քաղեն աշնան, երբ տերեւները չորցած են։ Յետոյ կը մթերեն չոր և մութ շտեմարաններու մէջ։ եթէ շտեմարանը խոնաւ ըլլայ և շատ լոյս տեսնէ։ Գետնախնձորները կը ծլին ու անհամ կը դառնան։

## ԻԻՂԱԲԵՐ ՏՈՒՆԿԵՐ

Այսպէս կը կոչուին կարդ մը տունկեր, որոնցմէ ուտելու և վառելու իւղ կը հանեն։

Զիթենի. — Ամէնէն ընտիր իւղը ձիթենիէն կ'առնուի։ Զիթենին ընդհանրապէս հաստաբուն ծառ է, բայց երբեմն թուփ կ'ըլլայ։ Տերեւնները մշտադալար են։ Հին տաենները գլխաւորաբար Պաղստինի մէջ կը բուռնէր։

Հիմա կը մշակուի նաև Միջերկրականի եղերամերձ շրջաններու եւ Ափրիկէի մէջ։


Զիթապտուղէն իւղ կը հանեն, ուտելու և վառելու համար։ Վար տեսակի իւղերով ալ օճառ կը շինեն։

Զիթենիին փայտը շատ յարգի է, մանաւանդ ճախարակ շինելու համար։ Հին ատենները ձիթենիին ճիւղը կ'ընդունուէր իբր խաղաղութեան նշանակ։

ՎՈՒՇ. — Գաւառներու մէջ կտաւած կ'ըսեն այս տունկին, որուն ցողուններէն, ինչպէս գիտէք, գերձան և մանած կը պատրաստեն։ Կտաւած կ'ըսեն նաեւ անոր պառւուին, որ բազմաթիւ տափակ և գորշ հունտերէ կազմուած է։

Երկանաքարերու տակ ձզելով, իւղ կը հանեն կտաւատի հատիկներէն։ Գաւառներու մէջ ձէթ ըսելով կը հասկնան կտաւատի իւղը, որ կը գործածուի թէ ուտելու և թէ վառելու, կտաւատի կեղեւներն ու շիւղերն ալ, որ կուօք կը կոչուին, իբր վառելիք կամ աղբ կը ծառայեն։

Կտաւատի հատիկները (ֆերեն թօխումի) կը գործածուին նաեւ բժշկութեան մէջ, իբր դեղ վէրքերու։



Զիթենիի միւղ, ծաղիկ եւ պտուղ

Կանեփի հատիկներէն ալ իւղ կը հանեն, բայց միայն վառելու կամ օճառ շինելու համար: Իւղոտ հատիկները կը կերցնեն հաւերու և ուրիշ թռչուններու:

Վուշի և կանեփի ցողուններուն բարակ մասերէն թել, առասան (սինիմ) կը շինեն. իսկ խոշոր և անգործածելի մասերով ալ նաւերու տախտակներու ծակերը կը դոցեն, կուպով ծեփելէ առաջ: Աւելի հաստ ցողուններով ալ պարան կը շինեն:

ԸՆԿՈՅՑ ԵՒ ՆՈՒԾ. — Ասոնցմէ ալ իւղ կը հանեն. ընկոյզին իւղը կ'ուտեն և կը վառեն. գէշ տեսակներն ալ իւղաներկի և օճառաշինութեան կը գործածուին:

Դառն նուշէն հանուած իւղը պղտիկներու կը խմցնեն, եթ դեղ աղիքի որդերու գէմ:

Իւղաբեր ուրիշ տունկեր ալ կան, ինչպէս արմաւենին, որ տաք երկիրներու յատուկ ծառ մըն է: Բուսային բոլոր իւղերը յարմար են օճառի շինութեան: Նուշի իւղով արդուղաբդի օճառ կը պատրաստեն, իսկ արմաւի իւղէն ալ անուշանոտ օճառներ:

ԽԱՇԻՍ. — Կէսէն մէկ մէթր բարձրութեամբ տունկ մըն է: Շատ կը բուսնի թուրքիոյ, Պարսկաստանի և Հնդկաստանի մէջ: Ափիոնի, որ թմրեցուցիչ նիւթ մըն է, այս տունկին պարունակած կաթի նման հեղուկէն կը պատրաստեն: Ափիոնէն կը հանեն բնափիոնը (մօրթին) որ շատ կը գործածուի բժշկութեան մէջ, իբրեւ թմրեցուցիչ: Ափիոնը կը ծխեն ալ, բայց հետեւանքը այն կ'ըլլայ որ ծխողը կը բթանայ և մարմնապէս կը քայքայուի:

Խաշխաշի հունաերէն կը հանեն թանձր իւղ մը, որ իւղաներկի մէջ շատ գործածական է:

Խաշխաշին մեկոն ալ կ'ըսեն:

Յիշենք նաեւ հնդկական կանեփը որուն արտադրած դեղնագոյն կանաչ հիւթէն հաշիք և իւղ կը պատրաստեն: Հաշիքը թմրեցուցիչ հիւթ մըն է: Հնդկիկները կանեփի տեսքները ծխախոտի հետ խառնելով կը ծխեն:


## ՆԵՐԿԻ ՏՈՒՆԿԵՐ

Հին տառենները մանաւանդ, երբ հիմակուան պէս զարգացած չէր զիտութիւնը, մարդիկ զանազան տունկերէ կը հանէին իրենց պէտք եղած ներկերը:

Կարմիր ներկ ունենալու համար. տորոնի արմատներ կ'եռացնէին ջուրի մէջ: Ներկայիս



Տիրոն



Ալամարի

ալ կը գործածուին տորոնի արմատները, մասնաւորապէս գուրդի ներկ պատրաստելու համար: Ալամարիկէն ալ կը ատանան ընտիր զեզին ներկ:

Լեղակէն կտպոյտ ներկ կը հանեն, զիսոորէն՝ սեւ, և  
ընկոյզի տերեւներէն ալ՝ զորչ ներկ:

Կարգմբակիծակներ կաղնիի մատղաշ ձիւդերը կը խայտ-

թեն, և յետոյ հոն ձու

կ'ածեն: Ճիւղերու խայ-

թուած մասը կը կարծրա-

նայ և գնդիկներու, գրի-

տորի կը վերածուի: Գըխ-

առորը կը գործածուի ներ-

կարարութեան, կաշի խա-

ղախորդելու եւ գեղերու

մէջ: Սեւ մելանը գըխ-

տորէ և ուրիշ նիւթերէ կը

շինեն, կարմիրն ալ՝ տո-

րոնի արմատներէն:

Լեղակը (չիվիս) որ կը

գործածուի ճերմակեղէն՝

ները թեթեւ մը ներկելու՝

լեղակենիէն և ուրիշ տուն-

կերէ կ'արտազրեն:

Հինածաղիկէն ալ կը

հանեն հինան, որ հին ատենները գիւղերու մէջ կը գորս

ծածուէր, մազերը և մանաւանդ եղունգները ներկելու:

Հարոնիքի և տօնական օրերուն, կիները հինա կը դնէին:



Լեղակինի:

## ՈՒՏԻՆ, ԽԷԺ ԵՒ ԶԳԱԽԷԺ


ՈւՏԻՆ.— Կարգ մը ծառեր կան, որոնց փայտը իւ-

զոտ է և մոմի պէս կը վասի: Ամէնէն ծանօթներն են շո-

ճին և եղեւինը, երկու մշտադալար ծառեր, որ ընդհան-

րապէս աւազուտ տե-

ղեր կը մեծնան:



Ուտին կը հաւաքեն

ուի նաեւ իրը կարմիր ներկ, բրդե զէններ և ճերմակե-

ղէններ ներկելու: Կը գործածեն նա եւ մետաղները ժանգէ-

կերծ պահելու:

Գիհի կոչուած ծառին պառւղներն ալ իրը խունկ կը

գործածեն:

Խէժ.— Շատ մը ծառեր, ինչ պէս սալորենին և կեռա-

սենին, մածուցիկ հիւթ մը կ'ար տաղրեն: Այս հիւթը խէժ

կը կոչուի, և անհոտ է:

Խէժը չշփոթել ուտինին հետ: Առաջինը անհոտ է և կը

ծառայէ փայտի կտորներ իրար միացնելու . ոետինը խիստ հոտ մը ունի , և ապակիի պէս կարծր ու դիւրաբեկ է : Այս բաժ ատեն շատ ծուխ կուտայ :

Նշանաւոր է արաբական կարմիր խէժը որ աբասիաէն կ'արտադրուի : Կը գործածուի ժանեակներու , շղարշներու պատրաստութեան , ինչպէս նաև դեղագործութեան մէջ :

ԶԻՄԽԵԴ . — Քառչու կոչուած նիւթն է , որ այնքան կը գործածուի ներկայիս : Ասիոյ , Ափրիկէի և Ամերիկայի տաք շրջաններու մէջ , մէկ քանի ծառերու հիւթերէն կը պատրաստեն : Ծառի բունին վրայ կտրուածք մը բանալով կը հաւաքեն մածուցիկ և սպիտակ հիւթ մը , որ օդին աղողեցութեամբ կը թանձրանայ :

Զգախէժէ կը շինեն կրկնակօչիկ , ջուրի խողովակ , ինքնաշարժի անիւ եւայլն : Զգախէժը , սովորական վիճառ կին մէջ , ցուրտէն կը քարանայ և տաքութենէն կը կազուղնայ : Եթէ հետը ծծումբ խառնուի , այս անպատեհութիւնն ալ կը վերնայ :

Ամէնէն աւելի անգլիական գաղթավայրերու և Պրազիլիոյ մէջ ձգախէժ կ'արտադրուի : Դործածութիւնը այնքան շատ և այլազան է որ , այս նիւթը քարիւղի և հանգածուի նման կը փնտուի , և երկրի մը հարստութեան գլխաւոր աղբիւրներէն մէկը կը կազմէ : Միացեալ նահանգներու մէջ կ'աշխատին ձգախէժ արտադրել , որպէս զի պէտք չունենան սուղ զիներով գուրսէն ներածում կատարելու :

## ՄԱՐԴԿԱՅԻՆ ՄԱՐՄԻՆԸ

### ՄԱՐԴ ԵՒ ԿԵՆԴԱՆԻ

Կազմութեան տեսակէտով , շատ մը նմանութիւններ կան մարդոց և կենդանիներու միջեւ : Կենդանիներն ալ մեզի պէս սիրո , ստամոքս , աչք , ականջ եւայլն ունին , և շատ անգամ մերինէն աւելի լաւ : Կատուն մութին մէջ աւելի լաւ կը տեսնէ , քան մենք : Միջատներուն աչքը ամէն ուղղութեամբ կը տեսնէ : Զեր մատը ետեւի կողմէն ճանձին մօտեցուցէք , և պիտի տեսնէք որ ճանձը վախէն պիտի թոփ : Ինչո՞ւ . — որովհետեւ անոր աչքը ետեւի կողմէն ալ կը տեսնէ : Շունին հոտառութիւնը առածի կարգ անցած է արդէն :

Բայց և այնպէս , չկայ կենդանի մը որ մարդուն չափ կատարեալ ըլլայ , հինգ զգայարաններու տեսակէտով : Միայն մարդն է որ երկու ոտքերու վրայ ուղիղ կը կենայ և կը քալչ . անոր ձեռքը շատ վարժ և յարմար է առարկաներ բռնելու և գործածելու : Մարդը կրնայ դիւրութեամբ յարմարիլ ամէն կլիմայի , անոր ուտելիքները այլազան են , մինչդեռ կենդանիներուն մեծ մասը գրեթէ մէկ տեսակով կը սնանի : Ոմանք մսակեր են , մէկ մասը խոտակեր , և ուրիշներ ալ միայն բուսեղէններով կը սնանին :

Ասկէ զատ , մարդ ունի մտքի ուրիշ կարողութիւններ , որոնց իմացականութիւն կ'ըսենք : Կեն դանիներու մէջ իմացական կարողութիւնները շատ նախ նական մնացած են , և հազիւ թէ քանի մը տեսակներուն մէջ քիչ մը գարգացած :

## ՈՍԿՐԱՅԻՆ ԵՒ ԿԱԿՈՒՂ ՄԱՍԵՐ

Անցեալ տարի սորվեցանք թէ մեր մարմինը կազմուած է ոսկրային և կակուղ մասերէ։ Ոսկորներուն ամբողջութիւնը կմախք կը կոչուի, իսկ կակուղ մասերը կը կազմեն մորթը, մկանները, ջիղերը, գեղձերը, արիւնը և ճարպը։

ՈՍԿՈՐՆԵՐԸ կարծր և տոկուն են. մէկ մասը կը ծառայէ արտաքին հարուածներէ պաշտպանելու մեր կարեւոր դործարաւններէն մէկ քանին, ինչպէս ուղեղը, սիրտը, թոքերը, եւայլն։ Դլուխին տրուած թեթեւ հարուած մը բաւական պիտի ըլլար մարդ մեռցնելու, եթէ ուղեղը չունենար ամուր պատեան մը, գանկը։ Դարձեալ կուրծքին տրուած թեթեւ հարուած մը կրնար մահացու հետեւանք ունենալ, եթէ ըլլար կուրծքի վանդակը, որ կը պաշտպանէ սիրտն ու թոքերը։

Ոսկորներուն չնորհիւն է դարձեալ որ կրնանք շարժումներ կատարել, ինչպէս կանգնիլ, ծռիլ, քայլել եւն։ Նորածինները չեն կրնար ոտքի վրայ կենալ, որովհետեւ անոնց ոտքի ոսկորները դեռ չեն ստացած պէտք եղած կարծրութիւնը, և հետեւաբար չեն կրնար դիմանալ մարմնին ծանրութեան։

ՈՍԿՈՐԻՆ ԿԱԶՄԸ. — Մեր ոսկորները ձեւով քիչ կը տարբերին, իսկ կազմութեամբ բնաւ չեն տարբերիր կենդանիներու ոսկորներէն։ Որով կը բաւէ եղի կամ ոչխարի ոսկոր մը քննել, հասկնալու համար թէ մեր ոսկորները ինչէ կազմուած են։


Ոչխարի ոսկորի կտոր մը քանի մը օր բարկ քացախի մէջ դնենք։ Պիտի տեսնենք որ ոսկորը թէեւ պահած է իր ձեւը, բայց այլ եւս հին կարծրութիւնը չունի, և շատ կակուղցած է։ Ոսկորը քացախէն հանելով ջուրի մէջ եռացնենք. մածուցիկ և կաչուն նիւթ մը առաջ կուգայ։ Այս սիւթը դոնդող (ծելարին) կը կոչուի և կահագործներու

կողմէ կ'օգտագործուի իրը սօսինձ (քութքա), կարասիներու մասերը իրարու փակցնելու համար։

Այս անդամ ալ, ոսկորի կտոր մը քանի մը ժամ կրակի մէջ դնենք։ Ոսկորին ձեւն ու մեծութիւնը չփոխուեցաւ. բայց այլ եւս առաջուան պէս ձկուն և տոկուն չէ, այլ կարծր և դիւրաբեկ։ Եթէ քիչ մը ծռէ, ոսկորը պիտի կոտրի կամ պիտի փշրուի։

Առաջին փորձէն յետոյ, ոսկորը կարծր չէր, բայց նկուն էր, կրնար այս կամ այն կողմը ծռիլ։ Երկրորդ անդամ, ոսկորը աւելի կարծրացաւ, բայց առոր փոխարեն կորսրնցուց իր նկունութիւնը, որովհետեւ առաձգական կամ ոչ-հանքային մասը, ոսկրահիւթը, այրեցաւ կրակին մէջ։ Քացախի մէջ դրուած առենն ալ, կրային կարծր մասը լուծուեցաւ։

Ուրեմն ոսկորը կազմուած է երկու մասէ. — Ա. հանգային մասը որ կրային նիւթերէ բաղկացած է, և Բ. կենդանական մասը որ սակրահիւթ ըսուած դոնդողանման կենդանական նիւթէն կը բաղկանայ։



ԱԱԻ ԴԻՐՔ ԳԵՂ ԴԻՐՔ

ԿԵՄԼԻՍՈՒԱԾ ՎԻԾԸ ՑՈՒՋ ԿՈՒՏՈՅ  
ՈՂՆԱՅԱԲԻՆ ՈՂՂՈՎԹԻՒՆԸ

Երախաներու ոսկորները շատ ձկուն են և դիւրաթեք, որովհետեւ անոնք մեծ մասով ոսկրահիւթէ բաղկացած են և դեռ կրային մասը պակասէ։ Երախան քանի մեծնայ, այնքան կը շատնայ կրային մասը և իր ոսկորները կը կարծրանան։

Պղտիկներու ոսկորները

կը նմանին մատղաշ տուն-

կերու որ դիւրաւ այս կամ այն կողմը կը ծռին։ Զափահաններու ոսկորներն ալ կարելի է նմանցնել ծռի բունին, որ այլ եւս փայտացած է ու տոկուն դարձած։ Հետեւ

ւաբար ուղիղ և բարեձեւ մարմին մը ունենալու համար՝ պէտք է պղտիկ հասակէն ուշադրութիւն դարձնել կեցուածքներուն։ Աշակերտ մը, եթէ միշտ գլուխը չուծ գրէ ու կարդայ, իր ողնայարը աստիճանաբար կը ծռի և այդպէս ալ կը մնայ։ Ապագային այլ եւս անկարելի է շտկել ծուռ ողնայար մը։

Մարմին մէջ կը հանդիպինք կարգ մը ձերմակ և կարծր մասերու, որոնք ոչ ոսկոր են, ոչ ալ մկան։ Ասոնք կոնիկ կը կոչուին։ Այսպէս են քիթին ծայրը, ականջները, խռոչափողը, եւայլն։


## Կ Մ Ա Խ Ք

Կենդանիի մը ոսկորներու ամբողջութիւնը կմախի կը կոչուի։ Մարդուս մարմինը 200է աւելի մեծ ու պղտիկ ոսկոր կը պարունակէ։ այս ոսկորները ծայր ծայրի, կամ քովի յարմարցուած են։ Ոմանք իրարու վրայ կը շարժին, ինչպէս ձեռքերու և ոտքերու ոսկորները։ ոմանք ալ իրարու փակած են, ինչպէս գանկի ոսկորները։

Մարդու կմախքը երեք գլխաւոր մասերու կը բաժնուի.— Իրան, գլուխ եւ անդամներ։

ԻՐԱՆ.— Այն մասն է որ իր վրայ կը կրէ գլուխը, վանդակը եւ անդամները (ձեռքեր և ոտքեր)։ Իրանի ամենէն կարեւոր մասը ողնայարն է որ իր վրայ կը կրէ մեր կուրծքի և որովայնի բոլոր գործարաններու ծանրութիւնը։

Ողնայարը 34 հատ ոսկորներու շարք մըն է։ այս ոսկորները ողն կ'ըսուին, իրարու վրայ շարուած են ու իրարու կապուած՝ նեարդային ամուր լարերով։ Ողնայարը կը սկսի ծոծրակէն և կը հասնի մինչեւ կոնակի վարի մասը։ Կատուի մը կոնակը եթէ շոյէք, պիտի զգաք այդ ողններու շարքը։ Ողնայարը ծակ է, խողովակի ձեւով։ մէջը զետեղուած է ողնածուծը, որու մասին յետոյ պիտի խօսինք։




ԿՈՂԵՐ ԵՒ ՎԱՆԴԱԿ.— Ողնայարի վերի և առջեւի մասին վրայ հաստատուած են կողերը։  
Կողերը թիւով 24 հատ են, 12ը աջ և 12ը ձախ կողմը։

Ասոնցմէ ամէն մէկը աղեղի ձեւով, տափակ' և ճկուն ոսկոր մըն է : Կողերը ետեւի կողմէ կապուած են ողնայարին, իսկ առջեւի կողմէն հաստատուած են ուրիշ տափակ ու լայնկեկ ոսկորի մը, որուն կրծոսկր կ'ըսեն :

Այս 24 կողերը ողնայարէն կը մեկնին և կոր գիծով մը կրծոսկրին փակած են : Այսպէս վանդակի մը մը ձեւ կ'առ

Ողնայար



նեն, որուն մէջը պարապ է, ինչպէս կը տեսնէք կմախքին վրայ : Իսկ կենդանի մարզու մը վրայ՝ այդ վանդակին մէջ զետեղուած են թռքերը, սիրտը և շատ մը արեան խողովակներ : Կողերը ողնայարին վրայ ամբացուած չեն, այլ կապերով այնպէս մը կապուած են որ կրնան շարժիլ : Դիտեցէք

որ երբ չունչ կ'առնենք, մեր ամբողջ վանդակը կը շարժի, վեր կ'ելլէ և վար կ'իջնէ :

Դէ՛միկ .— Ողնայարին վերի ծայրին վրայ հաստատուած է գլուխը : Առջեւի մասին դեմք կ'ըսենք, իսկ վերի և ետեւի մասին՝ գանկ :

Գանկը տափակ ոսկորներէ շինուած տուփ մըն է : Անոր մէջ զետեղուած է ուղեղը : Գանկի տուփին յատակը ծակ մը կայ որ կը շարունակուի ողնայարի խողովակին հետ : Ուղեղէն մաս մը այս ծակէն անցնելով կ'երկննայ ողնայարին մէջ : Ասոր ալ ողնածուծ կ'ըսենք :

Գանկին վրայ կողմանակի կերպով բացուած են ականջներու երկու ծակերը : Իսկ դէմքին վրայ բացուած են աչքերու եւ քիթի խորշերը, ինչպէս նաև բերանը :

Գանկի եւ դէմքի բոլոր ոսկորները իրարու ամուր մը փակած են, բնաւ չեն շարժիր . միմիայն վարի ծնօս բռուած ոսկորն է որ կը շարժի, որպէս զի մարդու կարենայ ծամել եւ խօսիլ :

ԱՆԴԱՄՆԵՐ .— Անդամները չորս են . երկուքը վերի անդամներ կ'ըսուին, որոնք թեւերն են պարզապէս, եւ երկուքն ալ վարի անդամներ կամ ոտքեր : Անդամներն ալ ողնայարին կառչած են : Թեւը ունի քանի մը մաս, ուս, բազուկ, ճախարագուկ և ձեռք :

Ուսը երկու ոսկորէ կազմուած է, — ուսոսկր և անրակ . այս երկու ոսկորներու կազմած խոռոչին մէջ կը շարժի բազկոսկրի վերի գլուխը :

Բազուկը մէկ ոսկոր ունի, բազկոսկրը :

Նախաբազուկը՝ երկու .— ծզոսկր և նախանշոսկր : Այս ոսկորներու վերի գլուխները և բազկոսկրի վարի գլուխը վրարու ագուցուած կէտին վրայ կը կազմեն արմաւիր : Արմուկը ուսին նման յօդուած մըն է, ուր ոսկորները իրարու կապուած են և իրարու վրայ կը շարժին, մկաններու չնորհիւ :

Չեռի մասերն են . — դաստակ, ալի և մատները : Ափը

ունի հինգ ոսկորներ, որոնց վրայ հաստատուած են հինգ մատները:

Վարի անդամներն են երկու սրունքները, որոնք երեւ քական մասէ կը բաղկանան.— ազգր, բարձ և ոտք:

Ազգը, կոնքէն մինչեւ ծունկ կ'երկարի և բազուկին պէս մէկ ոսկոր ունի. վերէն կապուած է կոնքին: Բարձնալ նախաբազուկին նման երկու ոսկորէ կը բաղկանայ: Բարձին ու ազգը ին միացած տեղը՝ ծունկն է:

Թաքը երեւ մաս է: — ուղին, ներքան և մատներ: Առաջին մէջ կան 7, երկրորդին մէջ 5 ոսկորներ:

## ԿԱԿՈՒ ՄԱՍԵՐ

Հաինք թէ մարմնի կակուղ մասերը կը բաղկանան միսէ: (մկաններ), ջիղերէ, ճարպէ, գեղձերէ և արիւնէ, եւ ասոնք բոլորը, — ոսկորներն ալ միասին, — պատուածէն մորթով:

Մորք. — Ամբողջ մարմինը ծածկող հաստ մաշկ մըն է: Կենդանիներու կաշին տեսած էք բոլորդ ալ. խաւաքարտի հաստութեամբ կակուղ եւ առածգական նիւթ մըն է: Ամէն կենդանիի կաշին միեւնոյն թանձրութիւնը չունի: Մարդու մորթը ամէնէն բարակներէն է:

Մարդու մորթը երկու խաւէ կազմուած է. դուրսի ժամին վերնամածի եւ տակի մասին մածի կ'ըսուի:

Վերնամածի մեր տեսած ձերմակ կամ ցորենագոյն մասն է, որ ափրիկեան ժողովուրդներու քով ալ սեւ է: Ասիկա շատ բարակ մաշկ մըն է, դայն մորթէն զատելը շատ գժուար է: Դուք տեսած էք արդեօք ձեռք կամ ոտք որոնց վրայ եռացած ջուր թափած ըլլայ. այրած տեղը բըշտիկներ կը գոյանան, ջուրով լցուն: Ահա այս բշտիկ ձեւացնող բարակ թաղանթը վերնամաշկն է: Վերնամաշկը շատ զգայուն են, որովհետեւ այս պտկիկներէն շատ կը պարունակեն:

ցողունները: Նոյն այդ փոսիկներուն մէջ կը բացուին նաեւ քրտինքի եւ ճարպային գեղձերու խողովակներու բերանները, որոնց պարկի նմանող արմատները ինչպէս եւ մազերու արմատները ներքնամաշկի մէջ թաղուած են: Եղունգները վերնամաշկին ոսկրայած մասերն են:

Ներքնամածկը մորթին ամէնէն էական մասն է. անիկա կազմուած է առաձգական թելերէ կամ նեարդներէ: Այս նեարդներու միջեւ ցանցնուած են մազերու արմատները, քրտինքի գեղձերը եւ ճարպային գեղձերը:

Մարմնի բոլոր այն տեղերը ուր մազ կը բուսնի, ճարպային գեղձեր ալ շատ կան. այս հաշուով ձեռքի ափին եւ ոտքի ներբանին վրայ ճարպային գեղձեր չկան, որովհետեւ հոն մազ ալ չկայ:

Այս գեղձերը ճարպային հիւթ մը կ'արտադրեն, որ մորթը եւ մանաւանդ վերնամաշկը չորնալէ եւ ճաթուելէ գերծ կը պահէ:

Քրտինքի գեղձերը մորթի բոլոր մասերու վրայ ալ կան. ասոնք մորթի մէջ չըջան ընող արիւնէն թունաւոր նիւթերը կը ծծեն և մորթէն դուրս կը ծորեն: Քրտինքը հեղուկ մըն է որ շատ մը աղի և թունաւոր նիւթեր կը պարունակէ, ճիշդ ինչպէս մեզը:

Մորթին մէջ, վերնամաշկին տակ, կան նաեւ բազմաթիւ մանր պտուկներ. ասոնք պարզ աչքով տեսնուելիք պղտիկ ուռեցքներ են: Այս պտկիկներուն մէջ կը գտնուին ջիղերու ծայրեր և արեան մազերակներու կծիկներ: Ահա այս պտկիկներու չնորհիւն է որ մենք դուրսի շիռումները կը զգանք, ինչպէս այրիլը, մաիլը, ցաւիլը և շոյանքը: Մեր մատներու ծայրերը շատ զգայուն են, որովհետեւ այս պտկիկներէն շատ կը պարունակեն:

Ճարպ. — Խեղային կազմութիւն ունի, տարածուած է մորթին տակ և մարմնի չերմութիւնը կը պաշտպահէ: Ունի ուրիշ պաշտօններ ալ: Գէր մարդոց քով շատ թանձր ժաւեր կը կազմէ, իսկ նիհարներու քով՝ բարակ:

## Մ Կ Ա Ն Ն Ե Ր

Մարդկային մարմինի կակուղ մասերու մեծագոյն մասը կը կազմեն մկանները։ Սովորական լիզուով ասոնց միս կ'ըսենք։ Կարմրագոյն, թանձր և կակուղ կոյտեր են։

Այս միսերը մարմինի մէջ խառն ի խուռան զիզուած չեն, այլ ոսկորներու վրայ մասնաւոր դիրքով մը փակած ու շարուած են։

Մկանները շատ մը ձեւեր կ'ունենան։ ոմանք ձուկի ձեւ ունին, ոմանք ալ հովհարի։

Ամէկ մէկ մկան բազկացած է նեարդներու խուրած մը։ այս նեարդները մոեղէն շատ բարակ թելեր են, որոնք քով քովի խմբուած են, ինչպէս աւելի մը շիւղերը, և բոլորը միասին թաղանթով մը պատուած են։

Մկանները կծկուելու և պարզուելու յատկութիւն ունին,

ու ասոր շնորհիւ է որ կենդանիներ և մարդիկ կրնան շարժիլ դնդեր

ու քալել։ Քանի մը օրինակներ տանք։ Երբ մեր ձեռքի մկանները կծկուին, մեր մատները ա-

փին մէջ կը ծալլուին, կամ նաշխագուակը բազուկին վրայ կը դառնայ։ ինկ ընդհակառակը,

երբ մկանները ձգտուին. նախա-

բազուկը կը պարզուի և ուղիղ կը շարժի յօդուածին վրայ դիրք կը ստանայ, մատները նմանապէս կը բացուին ու կը



Դնդեր



Զան

Ծղիկ

Դնդերը կծկուելով ոսկորը կը շարժի յօդուածին վրայ

շակուին։ Երբ ուսի մկանները կծկուին, թեւը կը բարձրանայ, կուրծքի մկանները կը քաշուին և թեւը դէպ ի կուրծք կը հակի։ Այսպէս է նաեւ ոտքերու, վիզի և կռնակի համար։ Ուրեմն շարժում ընելու համար երկու բան պէտք է։ — ոսկոր և մկան։ Ոսկորները ընդհանրապէս ծայրերը իրարու դէմ եկած ու իրարու ագուցուած դիրք մը ունին։ Անոնք շատ մը ամուր լարերով իրարու կապուած են թէեւ, սակայն իրարու վրայ կրնան շարժիլ, իրենց վրայ կառչած մկաններու կծկումի և պարզումի պահուն։ Ոսկորներու ծայրը ծայրին եկած ու լարերով կապուած մասերը՝ յօդուած կ'ըսուին։

Մկանին՝ դնդեր ալ կ'ըսեն։

Մենք երկու տեսակ շարժում ունինք. մէկը այն որ ուղեղի միջոցաւ կ'ընենք. օրինակ կ'ուղենք մեր ձեռքերը վեր վերցնել ու կը վերցնենք. ոտքերը կծկել՝ ու կը կծկենք։ Ասոր կամաւոր շարժում կ'բանք. որովհետեւ մեր կամքովը այս կամ այն մկանը կծկել ու պարզել կուտանք։ Միւսն ալ ակամայ շարժում կ'ըսուի, որովհետեւ կան մկաններ որոնք առանց մեր ուղելուն միշտ կը կծկուին ու կը պարզուին. օրինակի համար մեր սիրտը մկան մըն է որ շարունակ կ'աշխատի, կը կծկուի ու կը պարզուի, մեր կամքէն անկախ. եթէ ուղենք ալ չենք կրնար մեր սրտի շարժումը կեցնել։ Այսպէս են նաեւ մեր ստամոքսի, աղիքներու և ուրիշ գործարաններու մկանները, որոնց շարժումը ոչ կ'իմանանք, ոչ ալ կրնանք արգիլել։

Շարժումին մէջ, ոսկորներէն և մկաններէն զատ, մեծ զեր ունին նաեւ զիղերը որոնք ճերմակ, կարծր թելեր են աւելի կամ նուազ հաստութեամբ և անհամար ճիւղերով տարածուած մորթին տակ և մկաններուն մէջ, Զիղերը ուղեղին կապուած են և մկանները շարժման մէջ կը դնեն ուղեղին հրամանով։

Կակուղ մասերու մէջ կը մտնեն նաեւ, ջիղերէն զատ, արեան խողովակները և զեղձերը որոնց բոլորի մասին պիտի խօսինք քանի մը զատ յետոյ,

## ԱՆՀՐԱԺԵՇՏ ԳԻՏԵԼԻՔՆԵՐ

Առողջ մարմին ունենալու համար, անհրաժեշտ է կարգ մը կէտեր նկատի ունենալ: Այս անգամ ըսենք թէ ի՞նչ պէս կարելի է զօրացնել ոսկորներն ու դնդերները:

Սորվեցանք արդէն, որ պվտիկներու ոսկորները կակուղ են, և հանքային նիւթերու պէտք ունին, կարծրանալու համար: Մնունդն է որ այդ նիւթերը պիտի հայթայթէ: Բայց ամէն սնունդ չունի նոյն ուժը: Նորածիններուն համար միակ յանձնարարելի սնունդը՝ կաթն է, որ ինչպէս զիտէք կատարեալ սնունդ մըն է: Մինչեւ 14 ամիս, նորածինները միայն կաթ ուտելու են: Մսեղէն և բանջարեղէն կերակուրները թէ կը խանգարեն երախային ստամոքսը, և թէ՛ ոսկորներուն չեն տար անհրաժեշտ ուժը:

Կեցուածքի մասին արդէն խօսեցանք: Ողնայարը մասնաւորապէս, որ խիստ շարժուն և ճկուն է, ամէնէն աւելի կորանալու հակամէտ է: Պղտիկ հասակէն պէտք է վարժուիլ ուղիղ կենալու և անբնական դիրքերով չծռելու ողնայարը: Ապագային այլեւս անկարելի կը դառնայ սրբագրել կոր դիրքը, որովհետեւ ոսկորները կը կարծրանան և չեն շակուիր:

Դնդերը զօրացնելու համար չի բաւեր լաւ սնունդ առնել, պէտք է նաեւ մարզանք կատարել: Մարզանքի շատ ձեւեր կան: ամէնէն պարզը՝ քալելն է: Պղտիկները մասնաւնդ, պէտք է որոշ ժամերու քալեն, վազեն և ցատկը ուտեն:

Սակայն այս մարզանքը բաց օդին կատարելու է, և ոչ թէ փոշոտ եւ գոց տեղերու մէջ: Մաքուր օդը՝ ապրելու, աճելու եւ զօրանալու համար անհրաժեշտ պէտք մըն է: Կան ուրիշ մարզանքներ ալ, օգտակար եւ յանձնարարելի: Միայն չափաւոր ըլլալու են. չափազանց մար-

զանքը կը յոդնեցնէ մարմինը եւ օգուտի տեղ վեաս կը պատճառէ:

Աշխատանքէն եւ մարզանքէն յետոյ, մարմինը կը յոդնի: Այս յոդնութիւնը երբեմն պարզ հանգիստ մը ընելով, նստելով կամ պակելով կ'անցնի. մկանները իրենց կորսնցուցած ուժը կը վերագտնեն: Երբեմն ալ ոտկայն, երբ սպառումը շատ եղած է, յոդնութիւնն ալ ծանր կ'ըլլայ և մարդու վրայ թմրութիւն մը կուգայ: Այս թմրութիւնը բուն կ'ըսուի: Բունին մէջ է որ աւելի շատ մկանները, ուղեղը և ջիղերը իրենց ուժը կը դանեն:

Ամէն ծանր յոդնութիւնէ վերջ բուն կուգայ. ոտկայն ցերեկուան քունը այնքան կազզուրիչ չէ: գիշերուան քունը աւելի կազզուրիչ է, որովհետեւ մութին մէջ մեր մարմնին բոլոր գործարանները. ուղեղը, ջիղերը, մկանները բացարձակապէս հանգիստ կ'ընեն: Սիրու, գեղձերը և ստամոքսը կ'աշխատին թէեւ, բայց ասոնք ալ ցերեկուան չափ յոդնելով չեն աշխատիր:

## Ի՞ՆՉՊԷՍ ԿԸ ՍՆԱՆԻՆՔ

Ամէն օր կերակուր կ'ուտենք, և երբ անցնի ճաշի առվորական ժամը, կը սկսինք նեղուիլ, անօթենալ: Եթէ երկար ատեն չուտենք, ուժասպառ կ'ըլլանք եւ չենք կրնար աշխատիլ: Աւելի երկարատեւ անօթութիւն մը կրնայ մահ պատճառել:

Ուրեմն, ապրելու համար ստիպուած ենք ուտել: Աշխատելով և յոդնելով մեր մարմինը քչիկ քչիկ կը մաշի, որով պէտք կ'ըլլայ նորոգել մաշած մասերը: Մնունդներն են որ կը կատարեն այդ նորոգիչ դերը: Շոգեկառքի վայրաշարժ մը առանց ածուխ այրելու չի բանիր: Լամբարը կը մարի, եթէ մէջի քարիւղը հատնի, վառարանը տառութիւն չի տար, եթէ մէջը փայտ չնետենք: Մնունդն ալ

Ճիշդ մեքենային մէջ վասող քարիւղին ու ածուխին նման մեր մարմնին մէջ կ'այրի և պէտք եղած ուժը կուտայ։ Միայն թէ այրիլը ածուխի այրելուն նման սաստիկ չէ և բոց չարձակեր, այլ շատ դանդաղ և թեթեւ է, այնքան մը միայն որ մեր շունչը քիչ մը տաք կ'ըլլայ և մարսինն ալ աւելի կը տաքնայ քան մեր շուրջի օդն ու առարկաները։

Ծնչառութեան դասին մէջ պիտի սորվինք թէ ի՞նչ-  
պէս տեղի կ'ունենայ այս այլումը մեր մարմնին մէջ:

Ուրեմն ուտելիքները մեր մարմնին համար անհրաժեշտ պէտք մըն են. պէտք է ուտենք, որպէս զի մեր մարմնին մաշած մասերը լցուին։ Եթէ չսնանինք, ո՞չ պիտի կրնանք տաքնալ, ոչ շարծը, ոչ ալ ապրի։

Սակայն մեր կերպակուրները եթէ ստամոքսին մէջ աւ մնան այն վիճակին մէջ ինչ որ են դուրսը, մեզի օգտակար չեն կրնար ըլլալ, մեր մարմինը զանոնք չի կրնաբիւրացնել: Որպէս զի մեր կերպակուրները սիրունիդ դառնան, պէտք է որ մարտնին և արխւնին խառնուին:


**ՄԱՐՍՈՂԱԿԱՆ ԳՈՐԾԱՐԱՆ . — ԿԵՐաԿՈՒՐՆերու լուծ-  
ուիլը կամ մարսողութիւնը կը կատարուի մարտողական  
գործարանին մեջ։ Այս գործարանին մասերն են՝ բերանք,  
ուկուր, սամոնը եւ աղիքներ, ինչպէս նաև լորձութիք  
գեղձեր, լեարդը եւ պանկրեասը որ նմանապէս գեղձեր են։**

Բերանը տուփի նման խոռոչ մըն է. յատակը կազմուած է վարի ծնօս ըսուած ոսկորէն, որու վրայ կայշարուած 16 հատ ակոայ, Այս ակոայի շարքին մէջտեղն ալ պառկած է լեզուն: Բերնի առաստաղը կը կոչուի իմին. գմբէթի նման է, և կազմուած՝ վերի ծնօս ըսուած զոյզ մը ոսկորներէ: Քիմքի երկու կողմն ալ կան շարք մը ակուաներ, թիւով 16: Ակուաներու այս շարքերը դուրսէն ծածկուած են միսէ եւ մորթէ շինուած պատերով, որոնց քուու կ'ըսենք: Թուշերուն մէջտեղը բացուածք մը կայ:

Ասթկա բերնին մուտքն է. զայն գոյող մասին աւ ըբր-  
թունցներ՝ կըսենք:

Երբ շրթունքներն ու ատամները գոց են, բերնի խոռոչը առջեւի կողմէն դոցուած կ'ըլլայ, սակայն ետեւի կողմէն միշտ բաց է:

Արդարիւ բերնի ետեւի կողմը երեք մեծակակ ծակեր կը  
բացուին, քիթի ետեւի ծա-  
կերը՝ վերի կողմէն, իսկ  
որկորի և խռչափողի ծակերը  
վարի կողմէն։ Այս ծակերէն  
մէկը՝ որկորը, Կերակուրը եւ  
չուրը կը տանի դէպի ստա-  
մոքս։ իսկ միւսը՝ ԵՅՉԱՓՈՂը,  
օդը կը տանի դէպի թոքեր  
եւ անկէ գուրս կը բերէ շունչը։



**1. Որդոր, 2. Ստամոքս, 3. Բարձրի աղիք, 4. Հաստ աղիք, 5. Պանկրէս, 6. Ստամոքսի վարից գոնակ, 7. Լեարդ (վեր շրջուած), 8. Մալժնապարկ, 9. Փայծաղ, 10. Կարաղի, 11. Արբան:**

մատի վրայ գտնուող պատիկ լեզուն, լեզուակը. Կը գոցէ  
տնչափողին բերանը, որպէսզի պատառը անկէ վար չեր-  
թայ:

Եթէ պատահի որ լեզուակը ժամանակ չունենայ դու

ցելու խոչափողին բերանը և պատառի փշրանք մը շնչափողին մէջ իյնայ, մարդ կը սկսի հաղալ, աչքերէն արցունք կուգայ, շունչը կը կտրի, կը կապուտնայ և խեղդուելու պէս կ'ըլլայ: Ասիկա կը պատահի այն տղոց, որոնք շատ աճապարանքով կուտեն ու կը կլլեն կամ կլլելու ատեն կը խօսին ու կը խնդան:

ԼՈՐՉՈՒՆՔԻՆ ԴԵՐԸ.— Լորձունքը ոչ միայն կը կազուղցնէ պատառը, այլեւ կը լուծէ, կը մարսէ կերակուրներէն մաս մը: Օրինակի համար, շաքարը, գետնախնձորը և ալիւրեղէն նիւթերը բերնին մէջ, լորձունքի շնորհիւ կը հալին ու մասամբ կը մարսուին:

Լորձունքը բերնի մէջ կը հոսի լորձնային գեղձերէն որոնք վեց հատ են. մէկ մէկ հատ ականջներու տակ, մէկ մէկ հատ վարի ծնոտին տակը, երկու կողմերը, և երկու հատ ալ լեզուի տակ կը գտնուին:

Սորվեցանք թէ գեղձերը փոքրիկ գործարաններ են որոնք իրենց յատուկ մասնաւոր հիւթեր կը շինեն ու պէտք եղած ատեն դուրս կը ծորեն: Դուք տեսած էք լորձունքը, արցունքը, քրտինքը և լսած էք մաղձի մասին:

Ասոնք մասնաւոր հիւթեր են. ամէն գործարան չի կրնար այս հիւթերը արտադրել. ասոնք արտադրող գործարաններուն գեղձ կ'ըսեն:



Ականջի, ծնոտի լեզուի տակի լրձնային գեղձները

## ՄԱՐՍՈՂՈՒԹԻՒՆ

Կերակուրի պատառը բերնէն կ'անցնի որկորին մէջ: Փակ այս խողովակը ինք իր վրայ կծկումներ կատարելով պատառը կը ձգէ ստամոքսին մէջ:

Ստամոքսը փոքրիկ տիկ մընէ: Երբ լեցուն է, գուշայի մը ձեւն ունի: Զետեղուած է կրծուկրին տակ: Աջ կողմը կայ լեարդը, ձախ կողմը՝ փայծալը, յատակի կողմը՝ աղիքները, իսկ վարի կողմը՝ ստոծանի ըսուած հովանոցի ձեւ մէծ մկանը: Այս մկանն է որ թոքերն ու սիրտը վեր կը բռնէ և կը բաժնէ որովայնի գործարաններէն:

Ստամոքսին պատերը հիւսուած են շատ նուրբ մկաններէ: Այս մկաններն են որ ստամոքսը կը կծկեն ու կը պարզեն:

Երբ կերակուրը ստամոքսին մէջ իջնէ, անոր պատերը կը սկսին կծկումներ և գալարումներ ընել: Ծամուած եւ կակուղած կերակուրը այս կծկումներուն շնորհիւ կը սկսի խմորի պէս շաղուիլ: Միւս կողմէ, ստամոքսի պատերու ներսի երեսէն՝ ուր անհամար մանր գեղձեր կան թաղուած՝ հիւթ մը կը ծորի շաղուող կերակուրի խիւսին վրայ: Ասիկա ալ ստամոքսային հիւրն է որ ալիւրեղէն, մաեղէն և կաթնեղէն կերակուրները կը լուծէ ու կը մարսէ, ինչպէս լորձունքը շաքարեղէնները կը լուծէ:

Բուսական սննունդներու հիւթերը ստամոքսին մէջ կը մարսուին, իսկ կեղեւի մասերը աղիքներու մէջ կ'անցնին: Ճարպային նիւթերն ալ ստամոքսի հիւրէն չեն աղդուիր:

Ստամոքսի մէջ 3—4 ժամ շարունակ ծեծուող ու լուծուող կերակուրը նախ խիւսի մը և ապա բոլորովին հեղուկի վերածուելով, ստամոքսի վարի դռնակեն կ'անցնի աղիքին մէջ:

Աղիքը միսէ շատ կակուղ խողովակ մըն է: 8 մէթը երկարութիւն ունի, ինք իր վրայ բաղմաթիւ անգամներ ծալլուած ու գիղուած է որովայնին մէջ: Երբ պարապ է, մէկ մատ միայն անցնելու հաստութիւն ունի, իսկ երբ լեցուի, մինչեւ նախաբազուկի հաստութիւն

կ'առնէ: Վերջին մասը աւելի հաստ է, ու ասոր համար ալ առաջին մասին բարակ աղիք, իսկ երկրորդին՝ հաստ աղիք ըստ են:

Աղիքն ալ ստամոքսի նման իր ներսի պատերուն վրայ ունի անհամար փոքրիկ գեղձեր: Ասոնք մասնաւոր հիւթ մը, աղիային հիւթ, կը պատրաստեն և կը հոսեցնեն աղիքի մէջ: Աղիքի մէջ կը թափին նաեւ պանկեասի հիւթը և լեարդի մասիք: Այս հիւթերը կը լուծեն իւղեղին անունդ ները, որոնք լորձունեն և ստամոքսի հիւթին աղդուած չէին:

Ուրեմն աղիքի մէջ արդէն մեր կերակուրներու պարուանակած բոլոր նիւթերը լուծուած ու մարսուած կ'ըլլան: Միայն բուսական նիւթերու պատեաններն են որ չեն աղդուիր:

Լուծուած եւ մարսուած նիւթերը աղիքի պատերու մեջն կը ծծուին. լեարդի մէջ կը հաւաքուին ու հոն բոլորն աւ տաքարի վերածուելով. արեան մէջ կը խառնուին, որպէս զի երթան և մարմինին մաշած ու սպասած մասերը վերանորոգեն:

Ահա ասիկա է այն այրող ածուխը որու մասին այս դասի սկիզբը խօսեցանք. ա՛յս է որ մեր մկաններուն ուժ և մարմին ալ տաքութիւն կուտայ:

Զմարսուած մասերը հաստ աղիքի մէջ կը հաւաքուին և անկէ ալ դուրս կ'ելին, իբրեւ կղկղանք:

Բարակ աղիքին և հաստ աղիքին միացած տեղը ձկոյթ մատի երկարութեամբ մաս մը կայ, որուն յաւելուած բարակ աղիք, կամ կուրաղի անունը կուտան: Այս փոքրիկ յաւելուածի բորբոքումն է որ առաջ կը բեր հուրաղետապ (ափենտիսիք) ըսուած գտանդաւոր հիւանդութիւնը:

ԼեԱՐԴ ԵՒ ՊԱՆԿՐԵԱՍ. — Մարսողութեան մէջ տեսանք որ մեծ բաժին ունին լեարդն ու պանկեասը, իրենց արտադրած հիւթերովը: Ասոնք գեղձեր են, ու թէեւ ստամոքսէն ու աղիքներէն դուրս կը գտնուին, բայց մարսողութեան գործարանի մաս կը կազմեն, քանի որ իրենց արտադրած մարտողական հիւթերը աղիքին մէջ կը հունցնեն:

## ԻՆՉ ՊԷՏՔ Է ԸՆԵԼ, ԼԱԻ ՄԱՐՍԵԼՈՒ ՀԱՄԱՐ

Ամէն ատեն մեր այս նկարագրածին պէս դիւրաւ չի գատարուիր մարսողութիւնը: Շատ անգամ խանգարում ենք տեղի կ'ունենան:

Զեղի պատահած է երբեմն որ շատ ուտելէ վերջ, բերանակի ետ գայ քացիսած ջուր մը որ կոկորդը կ'այրէ, կամ շունչի հետ հոտած հաւկիթի հոտ գայ: Ասիկա անմարսողութեան նշանն է: Անմարսողութեան արդիւնք են նաեւ փորի խիթերը, փսխելները, աղիքներու գարշահոտ կազով լեցուիլը ու փորհարութիւնը:

Որպէս զի ասոնք չպատահին, ճշշելու պահուն կարգ մը զգուշութիւններ ընելու է:

Ամէնէն առաջ ճաշի որոշ և կանոնաւոր ժամանակ սահմանելու է: Ասկէ զուրս հանդիպած ատեն ստամոքսը լեցնելու չէ, որպէս զի ան ժամանակ ունենայ մարսելու:

Ճաշած ատեն շատ յաւ ծամելու է, պատառը երկու կտոր ընելով շուտ մը վար տալու չէ. ստամոքսի բեռը կը շատնայ և չի կրնար հալեցնել: Եթէ պղտիկ տարիքին մէջ ձեր ստամոքսը չարչարէք, երբ մեծնաք՝ ստամոքսի ուրիշ ժանր հիւանդութիւններու կը մատնուիք:

Զափէն աւելի ուտելու չէ. թէ՛ ստամոքսը չի վերցներ և թէ՛ իր հիւթերը չեն բաւեր այդ ահազին կերակուրները լուծելու: Կերարկուրը չի մարսուիր, և կ'ունենանք խիթ ու փորհարութիւն:

Զուրով շատ ուռեցնելու չէ ստամոքսը: Ճաշէն անմիջապէս վերջ աշխատելու չէ, ոչ ալ քնանալու է: Ճաշէ յետոյ քիչ մը հանգիստ, թեթեւ պտոյտ մը և ապա աշխատանք կամ քուն:

## ՍՆՈՒՆԴՆԵՐ

Գիտէք թէ բոյսերը պէտք է ջրել, որպէս զի անոնք չուրենան: Իսկ երբ ուղենք որ անոնք չափէն աւելի աճին, անոնց տակ նոր հող և պարարտացնող նիւթեր կը լեցնենք: Զուրը կը լուծէ հողին մէջի հանքային նիւթերը, որոնք կը ծծուխն բոյսին կողմէ: Այս լուծուած նիւթերը բոյսին սնունդը կը կազմին, բոյսը անոնցմով կ'ապրի և կ'աճի:

Գիտէք նաեւ թէ կենդանիներն ալ ամէն օր բան մը կը ճարեն ուտելու: Եթէ բաւական ուտելիք չգտնեն, կը սիհարնան եւ ուժասպառ կ'ըլլան: Իսկ եթէ բնաւ չգրտնեն, կը մեռնին:

Ուրեմն, թէ՛ բոյսերը եւ թէ կենդանիները ապրելու համար պէտ է որ սնանին:

Հսինք թէ բոյսերը կ'աճին, հողէն ծծելով հանքային նիւթեր: Գիտենք նաեւ որ կենդանիներն ալ բոյսերով կը սնանին: Ուրեմն, բոյսերու ծծած ու ամբարած նիւթերը կ'անցնին կենդանիներուն մէջ:

Մարդիկ ալ կը սնանին թէ՛ բոյսերով եւ թէ կենդանիներու միսով, ու կենդանիներէն առնուած ուրիշ նիւթերով, ինչպէս կաթ, հաւկիթ եւ ճարպ:

Ուրեմն, բուսական ու կենդանական նիւթեր կը կազմեն մարդոց սնունդին հիմք: Մարմինը այս նիւթերէն կազմուած է, եւ իր պէտքերը ասոնցմով կը գոհացնէ:

Ասկէ առաջ տեսանք որ երբ սակոր մը այրենք, ծուխ եւ բոց կ'ելլէ եւ ամէնէն վերջ ծակոտկէն կարծր մաս մը կը մնայ: Այն ատեն ըսինք թէ սոկորը երկու տեսակ նիւթ կը պարունակէ, մէկը կենդանական, որ կ'այրի եւ իբրեւ ծուխ ու կազ կը ցնդի, եւ միւսը հանեային, որ կը մնայ, շատ թեթեւցած ու պղտիկցած:

Մարդիկ իրենց մարմնին պէտք եղած հանքային նիւ-

թերը բոյսերէն կը ստանան գլխաւորաբար, և կենդանական: մասերն ալ թէ՛ բոյսերէն և թէ կենդանական նիւթերէ, ինչպէս միս, հաւկիթ, կաթ, ճարպ եւն:

Մարդիկ և կենդանիները ուղղակի հողէն չեն կրնաբանքային նիւթեր ծծել և իրենց մարմինը շինել: այդ կարողութիւնը բոյսերուն տրուած է, անոնք են որ հողին մէջի հանքային նիւթերը կը ծծեն, կ'իւրացնեն, բուսական հիւրի կը վերածեն: Մարդիկ ու կենդանիներ ալ բուսական նիւթի վերածուած հանքային նիւթերը միայն կը քրնան իւրացնել: Այս կարգէն են պտուղներու պարունակածաղերը և հանքային նիւթերը:

Օրինակ մը առնենք: Կենդանիին կաթը կը պարունակէ շատ մը հանքային նիւթեր, մասնաւորաբար կրային նիւթեր: Գիտենք թէ կրային նիւթեր շատ կան հողին մէջ, որոնք պարզապէս աւաղի կամ քարի վիճակի մէջ են, և ո եւ է կենդանի չի կրար զանոնք ուտել: Ուրեմն ո՞ւրկէ անցան այդ նիւթերը կենդանիին կաթին, կենդանիին ոսկորին մէջ: Տարակոյս չկայ թէ բոյսերու միջոցաւ: Բոյսերու մէջ այս կրային նիւթերու ներկայութիւնը հաստատելն ալ շատ զիւրին է: Մեր վառած փայտերու ձգած մօխիրը ուրիշ բան չէ, եթէ ոչ կրային նիւթ, զոր բոյսը հողէն ծծած էր:

Ուրեմն մենք երբ ամէն օր քանի մը պնակ բանջարեղէն կերակուր կ'ուտենք և քիչ թէ շատ ալ պտուղ, մեր մէջ կ'ընդունինք այնքան հանքային նիւթ որքան որ մոխիր պիտի մնար, եթէ մեր կերած բանջարեղէններն ու պտուղները այրէինք:

Մինչեւ հիմա հանքային նիւթ և կենդանական նիւթ ըսինք: քիչ մը աւելի մանրամասնենք:

ՀԱՆՔԱՅՑԻՆ ՆԻՒԹԵՐԸ կը պարունակէն կիր, լուսածին (Ֆօսֆոն), ծծումք, երկաթ, իօս և կերակուրի աղը: Բնութեան մէջ, ի հարկէ, շատ ու շատ հանքային նիւթեր կան. բայց մեր այս թուածները միայն մուտք կը գտնեն

մեր մարմնին մէջ, այն ալ ինչպէս միշտ զրկնեցինք, բոյսերու կողմէ բուսական նիւթի փոխուելէ վերջ:

Զուրի միջոցաւ ալ մենք կարգ մը հանքային նիւթեր կը ստանանք, որովհետեւ ջուրը ժայռերու մէջէն եկած ատեն, իր ճամբռուն վրայ գտնուած նիւթերը իր մէջ կը լուծէ: Լսած էք անշուշտ որ երբեմն կ'ըսեն թէ այսինչ աղբիւրին ջուրը երկաթ կը պարունակէ, այնինչ աղբիւրինը ծծումբ կամ կիր:

Կենդանական նիւթերն ալ այն նիւթերն են որ կ'այրին, մոխիր չեն ձգեր, և իբրեւ մուխ և կազ կը ցնդին: Հսինք թէ անոնք բոյսերէն և կենդանիներէն կ'առնենք:

Կենդանական նիւթ են՝ հաւկիքը, պանը ըր, միսը, կարազը, հարպը, շախարը եւ նշան:

Ասոնցմէ հաւկիթը, միսը, պանիրը, կարազը, ճարպը կենդանիներէն կը ստացուին, իսկ շաքարը, նշան և ձեռթերու զանազան տեսակներ, որոնք իւզեր են, բոյսերէն կ'առնուին :

Հիմա քիչ մըն ալ քննենք թէ մեր թուած այս շատ մը հանքային և կենդանական նիւթերը ի՞նչպէս կը նորոգին մեր մարմինը եւ կը լեցնեն մեր ամենօրեայ կորուսոր:

Գիտենք թէ կենդանիները եւ մարդը, ամէն օր իրենց մարմնէն մաս մը կը սպառն: Կառք քաշող ձին. հող հերկող եղը, բեռ կրող մարգը եւ խաղացող տղան, բոլորն ալ իրենց մարմինները կը մաշեցնեն:

Մարմի այս մաշածներն են զոր իբրեւ մէզ եւ իբրեւ քրտինք դուրս կը թափնաք. մեր շունչն ալ մեր ներսիդին այրած նիւթերու կազերը դուրս կը հանէ:

Մէջն ու քրտինքը կը պարունակեն մեծ մասամբ հանքային մաշուքներ, իսկ շունչը կը պարունակէ կենդանական նիւթերու այրումէն առաջ եկած կազերը: Դուք տեսաք որ եթէ պնակի մը մէջ այրէինք քիչ մը պտուղ կամ կտոր մը հաց, նախ օդին մէջ պիտի ցնդէր ծուխ ու կազ (կենդանական նիւթեր) եւ պնա-

զին տակ պիտի մնար մզսից (հանքային նիւթեր): Այս բանը ճշգիւ մարմնի մէջ ալ տեղի կ'ունենայ:

Հետեւարար մեր մարմինը ամէն օր կը մաշի և հանքային ու կենդանական նիւթերը կը կորսնցնէ: Եւ կերակուր կ'ուտենք, այս մասածներուն տեղը լեցնելու եւ ուժ սահալու համար:

Ուրեմն մեր մարմինը երկու բանի պէտք ունի. — Եալս մասածներուն տեղը լեցնելու և երկրորդ ուժ ստանալ, շարժելու եւ տշիանելու համար:

Մինչեւ հիմա մեր թուած հանքային և կենդանական նիւթերը այս երկու պէտքն ալ կը լրացնեն:

ՀԱՆՔԱՅԻՆ ՆԻՒԹԵՐԻ (կիր, ծծումբ, լուսածին, երկաթ, աղ, իօս) միայն և միայն մեր մարմինը կորուստները դարմանելու կը ծառային:

Կենդանական նիւթերէն շաքարը և նշան միմիայն մարմի մէջ այրելու ուժ և զերմուրիւն առաջ կը բերեն:

Ուրեմն կրնանք մեր սնունդները այսպէս դասաւորել.

1. Միայն վերանորդումի ծառայող սնունդներ (հանքային նիւթեր և ջուր):

2. Միայն ուժ արտադրող սնունդներ (շաքար և նշան):

3. Թէ վերանորդիչ և թէ ուժ արտադրող սնունդներ (բնասպիտային և ճարպային նիւթեր):

Վերանորդիչ սնունդներու գերը գիւրին է հասկնալ. — միս ու ոսկոր կը դառնան: Սակայն ուժ արտադրող նիւթերուն պաշտօնը ըմբռնելը քիչ մը դժուար պիտի ըլլայ ձեզի. ուստի օրինակով մը բացատրենք:

Առէք խոշոր կտոր մը շաքար և այրեցէք պնակի մը մէջ: Քիչ մը ծուխ և կազեր կ'արձակէ, քիչ մըն ալ տաքուիւն կուտայ: Մսիկը չի ձգեր, որովհետեւ հանքային նիւթ չի պարունակեր:

Բնգունեցէք որ շաքարը ճիշտ այսպէս կ'այրի մեր մարմինը մէջ, երբ թթուածինին հանդիպի: (Դուք ասիկա պիտի տեսնէք չնչառութեան դասին մէջ): Երբ մարմնի մէջի շախարային, հարպային և բնասպիտային նիւթերը

կ'այրին, տաքութիւնը մեր մարմնին մէջ շարժելու ուժ և զօրութիւն առաջ կը բերէ:

Դիտունները ամէն օր փորձով կը չափեն թէ ո՞ր նիւթերը ինչքան տաքութիւն առաջ կը բերեն մարմնի մէջ և գտած են որ իւղեղէն նիւթերը աւելի շատ տաքութիւն և ուժ կ'արտադրեն: Մէկ կրամ ճարպը 2 ու կէս կրամ հաւա կիթի, կամ 3 ու կէս կրամ չաքարի և միսի չափ տաքութիւն կ'արտադրէ:

Բժիշկները այս չափերը հաշուելով անոր համեմատ հիւնագներուն սնունդ կուտան: Հիւանդ մը, կամ հիւանդութենէ նոր ելլող մը աւելի վերանորոգիչ սնունդներու պէտք ունի:

Ոտքի վրայ վազող, բեռ կրող կամ չարաչար աշխատող մը թէեւ վերանորոգիչ սնունդ պէտք ունի, բայց աւելի ուժ արտադրող սնունդի կը կարօտի:

Մտային աշխատանքով շատ յոդնող մարդիկ աւելի վերանորոգիչ սնունդի կը կարօտին:

Մարդոց մեծագոյն մասը, որ թիշկներու կողմէ սահմանուած չափ մը չունի, կ'ուտէ խառն կերակուրներ: Այս կերակուրներու մէջ կը գտնուին երկու տեսակ սնունդներն ալ, թէ՛ հանքային (վերանորոգիչ) և թէ կենադանական (թէ վերանորոգիչ և թէ ուժ արտադրող): Այս կերակուրները ինչպէս նաև հացը, կտարեալ սնունդներ են, կը պարունակեն մեղի պէտք եղած բոլոր նիւթերը:

Սննդառութեան չափը քիչ մը կը տարբերի տարիքին, մարդուն աշխատանքին և կլիմայական պայմաններու համեմատ: Կաթներները կը սնունին կաթով, որ կը պարունակէ երեք դասու նիւթերն ալ:

Պտտանիները խառն կերակուրներ կ'ուտեն որ նմանապէս կը պարունակեն երեք տեսակն ալ, Սակայն պատանիները պէտք ունին ուտելու այնքան, որ թէ՛ իրենց օրուանսպառածին տեղը լեցուի և թէ քիչ մըն ալ աւելնայ, իրենց անումին համար:

Զավահաւանները կ'ուտեն իրենց թափած աշխատանքին համեմատ: Ոտքի վրայ ծանր աշխատանք ունեցողները աւելի պէտք է ուտեն, քան ծալլապատիկ նստող գիրուկները:

Զմեռ եղանակին, երբ մարդիկ աւելի ջերմութիւն կը կորսնցնեն իրենց մարմնէն, աւելի ուժ կուտան ջերմութիւն արտարկող նիւթերու, — ճարպային և բնասպիտային նիւթեր:

## ԸՄ ՊԵԼԻՆԵՐ

Ինչպէս բոյսերու, նոյնպէս ալ կենդանիներու և մարդոց մարմնին մէջ մեծ չափով հեղուկ մասեր կան: Կտրեցէք ծառէն ճիւղ մը և փուռի մը մէջ նետեցէք որ չորնայ: Պիտի տեսնէք որ թէ՛ աւելի թեթեւցած և թէ՛ պղտիկցած է, որովհետեւ մէջի ջուրը չոգիխացաւ, փախաւ:

Դուք տեսած էք որ ձուկերը արեւին կը կախեն, չորցընելու համար: Չորցած ձուկ մը իր թարմ վիճակին կէսին չափ եղած է, թեթեւցած, կծկտած ու պղտիկցած, որովհետեւ իր մէջի ջուրը ցնդած է:

Այսպէս պիտի ըլլար, եթէ ոչխարի մը մարմինը փուռի մէջ կամ արեւին չորցնէիք:

Ուրիմն կենդանիներու և մարդու մարմնին մէջ, թանձք և կազմը մասերէն զատ, կայ նաև հեղուկ մաս մը: Այս հեղուկ մասը ջուր է, որու մէջ լուծուած են սնունդի միջոցաւ առնուած նիւթերն ու աղերը: Այս հեղուկը թէ՛ իրերեւ արին լրջան կ'ընէ երակներու մէջ և թէ կ'երթայ կը լեցնէ մեր գործարաններու ամէնէն փոքրիկ ծակտիկները: Մարմնի մէջի ջուրն է որ մկանները այնքան հաստ կ'ընէ, լիարդը և աղիքները այնքան ծանր ու կակուղ կը դարձնէ:

Կարելի է տեսած էք: — Ոչխար մը մորթուած ատեն, ոչ միայն անկէ մեծ չափով արիւն կը վազէ, այլեւ

աղիքներուն ու թոքերուն մէջտեղը թացութիւն մը կայ և  
տաք շոգի մը կ'ելլէ: Այդ թացութիւնն ու շոգին գործա-  
րաններու մէջի ջուրէն է որ առաջ կուգայ: Եթէ այդ  
թացութիւնը չըլլար, աղիքներն ու գործարանները չպիտի  
կարենային իրարու վրայ շարժիլ ու գործել:

Մէկ խօսքով, մարմնի մէջ մեծ չափով ջուր կայ: Այդ  
ջուրը շատ մեծ օգուտ ունի, ու երեք պատահի որ հատնի,  
մարմնին չի կրնար ապրիլ:

Ամէնքդ ալ գիտէք թէ ծարաւը ի՞նչ է, — ջուր խմելու  
փափաք մը: Կը ծարաւնան՝ վաղելէ և քրտնելէ վերջ,  
ճաշէ յետոյ և կամ երբ շատ տաքնանք: Ասիկա կը նշա-  
նակէ թէ մեր մարմնէն ջուր պակսած է (քրտինքի կամ  
շոգի միջոցաւ) և մենք ջուր պէտք է խմենք, պակսածին  
տեղը լեցնելու համար: Ջուրը ստամոքսի և աղիքի պա-  
տերէն կը ծծուի և արեան մէջ կը խառնուի:

Բայց գիտնալու էք թէ ամէն ջուր չի խմուիր: Ճա-  
նիներու ջուրը իր մէջ կը պարունակէ միջատներու և  
որդերու նեխած դիակներ: Քաղաքներու և գլուզերու մէ-  
ջէն անցնող գետակներու եւ առուներու ջուրը իր մէջ կը  
ժողվէ փողոցներու և տուներու աղտեղութիւնները, ձե-  
միշներու և կոյուղիներու նեխած ջուրերը, և հետեւաբար  
հիւանդութիւններու մանրէններք: Այս տեսակ նեխած ջու-  
րերը ոչ միայն խմելու չէ, այլ և անոնցմով լուացուելու  
ալ չէ:

Հորերու ջուրը շատ անգամ լեղի է և չի խմուիր: Ասկէ  
զատ կրնայ աղտոտ ալ ըլլալ, որովհետեւ քաղաքներու մէջ  
ուր տուները իրարու այնքան մօտիկ շինուած են, շատ կը  
պատահի որ մէկուն տան ճեմիշի կոյուղին միւս դրացին  
տան ջրհորին շատ մօտէն անցնի, և անկէ աղտոտ ջուրերը  
մզուին ու երթան ջրհորին մէջ լեցուին: Ասիկա շատ ու  
շատ կը պատահի, և խեղճ ընտանիքները բնաւ լուր չեն  
ունենար, կը խմեն կամ կը գործածեն հորին ջուրը և  
հիւանդ կ'ըլլան:

Ժանտատենդ (թիֆօ) ըսուած հիւանդութիւնը ասկէ է  
որ շատ կը տարածուի:

Զրամբարներու ջուրը, անձրեւի ջուր է: Թէեւ անհամ  
է բայց կը խմուի: Սակայն քաղաքներու մէջի ջրամբար-  
ներու ջուրին ալ բնաւ վստահելու չէ: Հովը կտուրներու  
վրայ կը լեցնէ փողոցներու փոշիները, աղիւսի կտոր-  
ուանքները, և ասոնք անձրեւի ջուրին հետ միասին  
ջրամբարին մէջ կ'իջնեն: Աղբիւրի ջուրը միակ ջուրն է,  
զոր պէտք է խմել: Հաճելի համ ունի, որովհետեւ պէտք  
եղած չափով հանքային նիւթեր լուծած է իր ակին մէջ:  
Մաքուր է, որովհետեւ զոց խողովակներով կը բերուի  
քաղաքին մէջ:

Մեծ քաղաքները, ուր աղբիւրներու ջուրը չի բաւեր  
ժողովուրդի պէտքերուն, խորհած են գետերու և լճակնե-  
րու ջուրերը մեքենաներով զաել և խողովակներով բաշ-  
խել տուներու մէջ: Պոլսոյ թէրքօղը՝ անձրեւներէ գոյա-  
ցած լճակի մը ջուրն է, զոր ջրամբարներու մէջ կը  
մաքրեն և խողովակներով քաղաքին մէջ կը բաշխեն:  
Մաքրութեան և կերակուր եփելու յարմար է, բայց  
խմելու համար ամէն ատեն վստահելի չէ:

Ամէն մարդ հաւասար չափով ջուր չի խմեր. շատ  
յոզնողներն ու քրտնողները շատ կը խմեն. տաք օրերուն  
աւելի շատ կը խմուի քան ջուրտ օրերուն: Մարդիկ օրա-  
կան 1—2 լիտր ջուրի պէտք ունին:


Ասկէ զատ կերակուրներու մէջ ալ մեծ քանակու-  
թեամբ ջուր կայ:

ԿԱԹ.— Ընտիր ըմպելի մըն է. աննդական նիւթերէ  
զատ, մեծ քանակութեամբ ալ ջուր կը պարունակէ:  
Բայց միայն եւ մրայն եռացած կաթ խմելու է. հում կաթի  
մէջ բուքայս ըսուած հիւանդութեան մանրէնները կրնան  
գտնուիլ:

Սուրբն ու թէլր թէ՛ մարմին ջուրի պէտքը կը հոգան  
և թէ քիչ մը աշխոյժ կը բերեն: Սակայն չափէն աւելի

իմելն ալ գէշէ, ջիղերը կը զրգուեն և քունը կը փախցնեն: Օսարակները հաճելի և անվեաս ըմպելիներ են: Գարեջուրը. զինին և օղին խմորուած են, ալոյ կը պարունակեն: Դինին եթէ քիչ չափով գործածուի, թերեւս օգտակար ըլլայ իբրեւ ասխորժակ զրգուող և զօրացուցիչ:


Սակայն օղին որ թորուած ըմպելի մըն է և մեծ չափով ալքոլ կը պարունակէ, ո՛չ մէկ օգտակարութիւն ունի: Ընդհակառակն ժամանակաւոր գրգռութիւն մը և ապա երկար թմրութիւն մը կուտայ, ու եթէ շատ խմուի, կը բթացնէ ենթական: Այս ըմպելիներու երկարարիներու յարատեւ գործածութիւնը լեարդի, ստամոքսի, սրտի և ուղեղի շատ մը ցաւալի հիւանդութիւններու դուռ կը բանայ:




Ալքոլի խաթարուած ուղեղ մը




Առողջ ստամոքս



Խաթարուած ստամոքս



Առողջ լեարդ



Խաթարուած լեարդ

Ալքոլ պարունակող խմիչքները ոգելից ըմպելի կը կոչուին:

## ԱՐԻՒՆ ԵՒ ԱՐԵԱՆ ՇՐՋԱՆ

ԱՐԻՒՆԵԼ: — Սորվեցանք թէ մարմնին մէջ կան մեծ չափով հեղուկ նիւթեր: Այդ հեղուկներէն ամենէն շատը և կարեւորը արիւնն է:

Արիւնը կարմրագոյն և թանձր կպչուն հեղուկ մըն է: Մեծագոյն մասը զաւ է, որուն շինուկ կ'ըսեն: Շիճուկին մէջ կը վիստան կարմիր գնդիկներ լոռւած մասնիկները որ շիճուկին գոյնը կարմիր կը ներկեն:

Գաւաթի մը մէջ աքաղաղի մը կամ նոր մորթուող ոչխարի մը արիւնը լեցնենք, և գաւաթը առանց շարժելու թողունք որ պաղի: Արիւնը գաւաթի մէջ վերէն վար կը թանձրանայ, կը լերի:

Պաղելէ վերջ շարժենք գաւաթը. կը տեսնենք որ բամպակի նման և մութ կարմիր մաս մը կը զատուի և գաւաթին տակը կը նատի. ասիկա արեան գնդիկներն ու նեարդին (Ֆիպոդի) ըսուած կպչուն թելերն են: Իսկ գաւաթի վերի մասին մէջ գեղնորակ ջուր մը կը մնայ. ասիկա ալ շինուկն է: Շիճուկին մէջ ալ դեռ կը մնան շտամը հանքային նիւթեր և սնունդի մասեր:


Երբ մարդ կամ կենգանին ողջ է, և երակներուն մէջ արիւնը տաք է ու շրջան կ'ընէ, գնդիկներն ու շիճուկը իրարմէ չեն զատուիր:

Մարդու մարմնին մէջ 5-6 լիոր արիւն կայ: Արեան մէկ կանիլին մէջ կայ 5 միլիոն կարմիր գնդիկ: Ալ կըրնաք երեւակայել թէ ամբողջ արեան մէջ ի՞նչ մեծ թիւով գնդիկներ կան: Այդ գնդիկները այնքան մասն են որ սովորական աչքով իբրև առանձին հատիկ կարելի չէ տեսնել ու շօշափել: Միայն զօրաւոր մանրագէտով կարելի է տեսնել:

ՍԻԲՏԸԼ ԵՒ ՍՐԵԱՆ ԱՆՕԹՆԵՐԼ: — Արիւնը մարմնի բույր մասերուն մէջ լճացած կեցած չէ: ան խողովակներու

մէջ ամփոփուած է ու անոնց մէջ կը շրջի, ինչպէս աղբեւրին ջուրը իր մետաղէ խողովակներուն մէջ:

Մեր լանջքին տակ, ձախ ստինքին ետեւը, թոքերուն մէջտեղը, երկար նարինջի մը մեծութեամբ ու ձեռով մկան մը կայ կախուած: Այս մկանին սիրա կ'ըսեն: Սիրտը իր մէջ խոռոչներ ունի, որոնք արինով լեցուն են:



Այս խոռոչները չորս հատ են, երկու խոշորներ վարի յարկը և երկու փոքրեր վերի յարկը: Ամէն մէկ վերի խոռոչը իր անմիջապէս վարինին հետդրնեկով մը հաղորդակցութեան մէջ Սիրտը եւ իր խոռոչները է: Սակայի քով-քովի գանուող խոռոչները իրարու հետ հաղորդակցութիւն չունին: Ամէն մէկ խոռոչն ալ խողովակ մը կ'ելլէ և մարմնին մէջ կը ճիւղաւորուի: Այս խողովակներուն արեան անօթներ կ'ըսենք:

Արեան անօթները երբ սրտէն նոր կը բաժնուին՝ հաստեն, ցուցամատի հաստութեամբ կակուղ և առածգական խողովակներ են: Բայց քանի երկնան դէպի թեւերն ու ոտքերը՝ այնքան ճիւղեր կ'ելլեն իրենցմէ ու հետզհետէ կը բարակնան: Այսպէս շարունակ ճիւղաւորուելով ու բարակնալով՝ մարմնի արտաքին թէ ներքին բոլոր գործարաններուն մէջ կը տարածուին: Ասոր համար մարմնին վրայ կէտ մը չկայ որ ասեղով ծակէք ու արիւն չելլէ: Ամէն մէկ կէտին տակ մազանման, մազէն ալ բարակ արեան անօթներ կան: Ասոնց հերափողիկ ըսած են:

Արեւան անօթները սակայն երկու տեսակ են, — սեւերակ եւ կարմեւրակ, իրենց պարունակած արեան գոյնին համեմատ: Որովհետեւ պիտի տեսնենք որ արեան մէկ մասը բաց կարմիր և միւսն ալ մուր կարմիր գոյն ունի:

## ԱՐԵԱՆ ՇՐՋԱՆԸ

Դուք սորվեցաք որ սիրտը մկան մըն է, և բոլոր մկանները կծկուելու և պարզուելու յատկութիւն ունին: Սիրտն ալ կը կծկուի ու կը պարզուի, և ասիկա շարունակ, առանց մեր ուղելուն կամ չուղելուն: Սորվեցաք նաեւ որ սրտի խոռոչներէն խողովակներ կ'ելլեն, և թէ այդ խողովակներն ու սիրտի խոռոչները միշտ արիւնով լեցուն են:

Երբ սիրտը կծկուի, իր խոռոչները կը սեղմուին, կը նեղնան, հետեւաբար մէջի արիւնը խողովակներուն մէջ կը մղուի: Երբ սիրտը պարզուի, թուլնայ, խոռոչները կ'ընդլայնին և խողովակներու արիւնը իրենց մէջ ետ կը քաշեն:

Օրինակով մը բացատրենք: Դուք տեսած ըլլալու էքջրհան մեքենան: Ան ալ ունի խոռոչ մը և խողովակներ: Խոռոչը ջուրով լեցուն է: Եթէ ուժով մը ննեկ ջրհանի թեւին վրայ, խոռոչի մէջի ջուրը, ձեր ձնչումին վրայ, վեր կը բարձրանայ խողովակին մէջ և դուրս կը թափի: Հիմա այլեւս ջրհանի խոռոչը ջուր չի պարունակեր: Դուք վեր կը հանեկ թեւը: Այն ատեն խոռոչը ջրհորի ջուրը իր մէջ կը հան, կը ձձէ, և կրկին կը լեցուի: Եթէ նորէն ձնչէք, կրկին կը պարպուի: Դարձեալ եթէ քաշէք թեւը կրկին կը լեցուի խոռոչը:

Այսպէս ալ սիրտը: Երբ իր վրայ կծկուի, վարի յարկի երկու խոռոչներէն արիւնը անօթներու մէջ կը խուժէ: Զախ կողմի խոռոչն արիւնը կը մղուի այն անօթին մէջ որ կ'երկնանայ և կը ճիւղաւորուի մարմնին ամէն կողմը, մինչեւ ոտքերու և ձեռքերու ծայրերը: Իսկ աջ կողմի վարի խոռոչն, արիւնը կը մղուի այն անօթին մէջ որ կ'երթայ և կը ճիւղաւորուի թոքերուն մէջ:


Իսկ երբ սիրտը կծկուելէն վերջ կը թուլնայ, կը պար-

զուի, այն ատեն վերի յարկի խոռոչները արիւնը իրենց  
մէջ կը քաշեն, կը  
ծծեն: Այսպէս, ձախ  
կողմի վերին խոռոչը  
թոքերէն արիւնը կը  
ծծէ, կը քաշէ, իսկ  
աջ կողմի վերին խո-  
ռոչը ամբողջ մարմ-  
նէն արիւնը իրեն կը  
քաշէ:

Այսպէս ուրեմն,  
վարի յարկի խոռոչ-  
ները արիւնը կը մղեն  
դէպի մարմինը, վերի  
յարկի խոռոչները ա-  
րիւնը կը քաշենմարմ-  
նէն դէպի սիրտը:

Կարմիր արիւնը  
մեր ձախ սրտի վա-  
րի խոռոչէն դէպի  
մարմնի ամէն կողմը  
գացած ատեն՝ բաց  
կարմիր է, երբ մարմ-  
նին մէջ կը պարտի,  
իր սնուցիչ նիւթերը  
մարմնի մասերուն կը  
թողու և անկէ մա-  
շած նիւթերը կը հա-  
ւաքէ իր մէջ, կ'աղ-  
տոտի և գոյնն ալ մուլ  
կարմիր կը փոխու-

Արիւնի բաժանումը մարմնին մէջ  
կուգայ վերի աջ խոռոչը կը լեցուի: Անկէ կ'իջնէ վարի  
յարկի խոռոչը, ասկէ ալ կը մեկնի դէպի թոքերը: Հոն իր



մաշած նիւթերը կ'այրին (ինչպէս պիտի տեսնենք շնչա-  
ռութեան մէջ) և արիւնը կարմրելով կը վերադառնայ  
վերի յարկի ձախ խոռոչը, ուրկէ ալ կ'իջնէ վարի ձախ  
խոռոչ:

Ուրեմն միտք պահելու է որ՝


1. Վարի խոռոչները մի միայն կը մղեն արիւնը և  
վերի խոռոչները կը քաշեն դայն:

2. Ձախ կողմի խոռոչներէն թէ, վերինը և թէ վարինը  
միշտ կարմիր արիւն կը պարու-  
նակեն, իսկ աջ կողմի խոռոչնե-  
րէն թէ վարինը և թէ վերինը  
սեւ արիւն կը պարունակեն:

3. Կարմիր արիւն պարունա-  
կող անօթներուն կարմրերակ ալ  
կ'ըսեն (շնչերակ ալ ըսած են),  
իսկ սեւ արիւն պարունակող ա-  
նօթներուն սեւերակ կ'ըսեն կամ  
պարզապէս երակ:

4. Երբ արիւնը ձախ սրտի վարի  
խոռոչէն մեկնի և ամբողջ մար-  
մինը պտղտելէ վերջ աջ սրտի վերի  
խոռոչը գայ, մեծ որջանը կը  
կատարէ, կ'ըսեն: Իսկ երբ աջ  
սրտի վարի խոռոչէն մեկնի և  
միայն բոյերը պտղտելէ վերջ ձախ  
սրտի վերի խոռոչը գայ, փոքր որց-  
ջանը կը կատարէ կ'ըսեն: Մեծ  
շրջանը մարմնին սնունդ կը  
բաշխէ, փոքր շրջանը արիւնը իր  
ժողուած աղտեղութիւններէն կը  
մաքրէ:

ԲԱԲԱԽՈՒԽԸՆԸ ԵՒ ԲԱԶԿԵՐԱԿԼ. — Սիրտը երբ կը կծկուի  
և արեան ալիք մը կը նկաէ անօթներուն մէջ, ձայն  
մը և շարժուն մը առաջ կը բերէ: Այդ ձայնը ա-



Արեան շրջան

կանջով կը լոռի ձախ ստիճքի բոլորափքը։ Այս է բարախումը։ Շարժումը կը փոխանցուի նաեւ անօթներուն։


Դուք տեսած ըլլալու էք անօթներու ելեւէջը նիհար մարդոց վիզի երկու կողմերը, վազած կամ յոդնած ատեն և կրնաք ձեռքով ալ զգալ այդ բանը, եթէ ձեր վիզին կամ բազկերակին վրայ թեթեւ մը սեղմէք մատը։ Բազկերակին վրայ մատը դնելով կարելի է համրել թէ սիրու մէկ վայրկեանի մէջ քանի՞ անգամ կը կծկուի և կը պարզուի։ Առողջ մարդոց սիրու մէկ վայրկեանի մէջ 70-75 կը զարնէ։ Երբ հիւանդ ըլլանք ու տաքութիւն ունենանք, մինչեւ 100-120 կը բարձրանայ զարկը։

Արեան ՄՍ.ՔՐՈՒԽԻԾ.՝ Բախնք որ արիւնը մարմնի մէջ շրջելով շատ մը մաշած մասեր կը հաւաքէ։ Այս մաշած նիւթերը մասամբ թոքերուն մէջ կ'այրին, ինչպէս վերջը պիտի տեսնենք, բայց մեծ մաս մըն ալ արիւնէն դուրս կ'ելլէ, իրեւ մէզ ու քրտինք։

Մենք ունինք երիկամներ ըսուած երկու գործարան, ամէն մէկը լեմոնի մեծութեամբ և քիչ մը տափակ, լուրիայի ձեռով։ Ասոնք զետեղուած են մեր վերին կողերու տակ, ողնայարին առջեւը։

Ամբողջ արիւնը ասոնց մէջէն կ'անցնի, ու կարծես թէ կը քամուի, իր աղտեղութիւններն ու աղերը հոն կը ձգէ ու կ'անցնի բոլորովին մաքրուած։ Երիկամներն ալ այդ աղերը իրեւ մէզ դուրս կը հանեն։

Մէջը թոյն մըն է, եթէ չելլէ մարմնէն, կրնայ 24 ժամէն մեղնել մարդու։



## ԱՐԻՒԽԻ ԱՌՈՂՋԱՊԱՀՈՒԹԻՒՆ

Արիւնը կրնայ հիւանդանալ և խանգարուիլ։ Գրեթէ բոլոր հիւանդութիւններու թոյները արեան մէջ կ'անցնին և անոր հետ ըրջան կ'ընեն։ Այս թոյները պատճ սո կ'ըլլան որ արեան կարմիր գնդիկները և միւս առարկերը այլասեռին եւ պակսին։ Դուք շատ տեսած ըլլալու էք հիւանդութենէ նոր ելած մարզկի։ Ասոնց մորթը մերժամումի գեղնութիւն մը առած է։ Այս տեսակ անձերուն աճարիւն կ'ըսենք, որովհետեւ արեան գնդիկները հիւանդութեան թոյներու պատճառաւ անխնայ մեռած ու ջարդուած են։ մէկ կաթիլի մէջ փոխանակ 5 միլիոն գտնուելու, 2-3 հազիւ մնացած կ'ըլլայ։

Մարդիկ անարիւն կ'ըլլան նաեւ առանց հիւանդ պառկած ըլլալու, երբ իրենց սնունդը անբաւական է, եւ խոնաւու լոյս չտեսնող նկուղներու մէջ կը բնակին։ Այս պարագային ալ կարմիր գնդիկները կ'այլասեռին ու կը պակսին։

Մարդիկ անարիւն կ'ըլլան դարձեալ, երբ յաճախ քիւթէն, բերնէն կամ սրբանէն արիւն կորսնցնեն։ «Կորսուած արիւնը քանի մը կաթիլ է» ըսեղով կարեւորութիւն չեն տար, սակայն միշտ եւ յաճախ կորսնցնելով, օր մըն ալ կը տեսնեն որ անարիւն մնացած են։

Արեան առողջ ու մաքուր մնալը շատ կարեւոր է։ Արիւնն է որ կ'ոռոգէ ու կը սնուցանէ մեր բոլոր գործար սնները, ուղեղը, զգայարանները եւայլն։ Արիւնը որքան առողջ ըլլայ, այնքան լաւ կը գործեն մեր զգայարաններն ու գործարանները։

Արիւնը առողջ պահելու առաջին պայմանը՝ թունաւորիչ հիւանդութիւններէ եւ ոգելից ըմպելիներէ զգուշանալն է։ Յետոյ լաւ սնանելու է և մանաւանդ բաց, արեւոտ եւ մաքուր օդի մէջ ապրելու է։ Բաց եւ մաքուր օդին մէջ մեր կարմիր գնդիկները կ'աւելնան, իրենց պաշտօնը աւելի

ուժգնօրէն կը կատարեն եւ մենք կ'ըլլանք աւելի առոյդ, արթուն եւ վառվուն: Խսկ եթէ միշտ ապականածօդ չնչենք, արեւ եւ լոյս չտեսնենք, կը գունատինք, կ'ըլլանք տիեղծ ու թմրած մարդիկ: Մարզանքը, գնդախաղը, վազելը շատ օգտակար են արեան առողջութեան համար: Կ'արթէ նաև սովորութիւն ընել տուշը եւ առաւօտները մարզանքի հետ միասին, խոնաւ մազի ձեռնոցով մը շփել մորթը մինչեւ որ ան շառագունի: Շատ օգտակար է:

Սրկածներու հետեւանքով եթէ պատահի որ տեղ մը ձաթի եւ արիւն վազէ, պէտք է միշտ վէրքին վերի կողմը կապ մը դնել թաշկինակով կամ ուրիշ կապով մը: Արիւնը առժամաբար կը կենայ մինչեւ բժիշկին հասնելը: Եթէ վէրքը փոքր է եւ վազած արիւնն ալ քիչ, վրան գեղարանի մաքուր շղարշ (կազ) կամ բամպակ դնել եւ կապել: Այս վիրակապութիւնը բրած տաեն, լաւ կ'ըլլայ եթէ ընողը ձեռքերը լաւ մը օճառելէ վերջ ալքոլով թրջէ:

Քիթէն արիւն եկած պահուն, գլուխը վեր բռնած նստիլ, դէպի ի առաջ չհակիլ, իրար չանցնիլ եւ պաղ ջուրքաշել քիթը: Եթէ չկենայ, օ ՏՐ ՏՈՂՈՅԻ ըսուած ջուրին մէջ քիչ մը բամպակ թաթիւնել եւ վազով կողմը թիսմել: Եթէ գեղին պատենք ու իր մէջ երկաթի ձող մը մտցնենք,

## Շ Ն Զ Ա Ռ Ո Ւ Թ Ի Ւ Ն

Շնչելը մարմնին ամէնէն կարեւոր գործերէն մէկն է: Եթէ մարդ քանի մը վարկեան արգիլուի չնչելէ, կը մեռնի: Ուրեմն չնչել՝ ապրիլ ըսել է:

Տեսանք որ արիւնը մարմնի բոլոր կողմերը պարտելով մաշած նիւթերը իր մէջ կը հաւաքէ, թունաւոր նիւթերով կը ծանրաբեռնուի ու կը սեւնայ: Ըսինք թէ այս թունաւոր նիւթերէն մէկ մասը երիկամներէն կը բամուի ու գուրս կ'ելլէ, մէկ մասն ալ թոքերուն մէջ կ'ալրի:

Տեսնենք թէ ի՞նչպէս տեղի կ'ունենայ այդ այրումը:

Գիտէք որ օդին մէջ թթուածին կայ: Թթուածինը սաստիկ այրող կազ մըն է. երբ զինք առանձին ապակիէ շշի մը մէջ զատենք ու իր մէջ երկաթի ձող մը մտցնենք, երկաթը կը սկսի այրիլ ու հալիլ: Այս կիզող թթուածինը եթէ մեր շուրջը ամէն բան մէկէն ի մէկ չի վառեր ու չի բնցներ, պատճառն այն է որ ինք առանձին չէ, խառնուած է բորակածին անունով ուրիշ կազի մը հետ որ չի վառիր և թթուածինի այրող բնաւորութիւնն ալ կը մեղս մացնէ: Թթուածինի շնորհիւ է որ ամէն բան կը վառի, փայտը, ածուխը, լուսաւորութեան կազը, քարիւլը, մոմը ևն..: Կան նաև դանդաղ այրումներ, որոնք բոց և կրակ չեն արտադրեր: Այս կարգէն է մեր շնչառութիւնը:

Արդ, Ենչառութեան նպատակն է, օդի բրուածինին միջոցաւ այրել արեան մէջի բոյները: Այս գործողութիւնը տեղի կ'ունենայ թոքերուն մէջ որոնք շնչառական գործարանին էական մասն են:

Ենչառական գործարանը կը կազմեն քիթը, (բերանը), խոչափողը, ցնցուղները և թոքը:

Քիթը բերնի վերև, երկու այտերու մէջտեղ զետեղուած զոյդ մը խողովակի կը նմանի, առջեւի ծակերը


Յթունքի վերեւ կը բացուին, իսկ ետեւի ծակերը բերնին ետեւը, որկորին վրայ:

Ենչափողը լեզուի ետեւը և որկորին առջեւը զետեղուած գործարան մըն է. կը պարունակէ նաեւ ձայն հանելու գործարանը, որուն հագագ կ'ըսեն:

Խոչափողը շնչափողի շարունակութիւնը կազմող խոզպակ մըն է, որկորին առջեւ և կրծոսկրին ետեւը զետեղուած:

Յնցուղները խոչափողին շարունակութիւնն են: Ճիւղառուելով շատ լարակ խոզպակներու կը վերածուին և ի վերջոյ անտեսանելի խոռոչներու կը յանդին:

Թոփերը լանջքին տակ, ողնասիւնի, կողերուն և կրծոսկրին մէջտեղը զետեղուած են և ամսողջ վանդակը կը լեցնեն թոքը բուրդի ձեւով, բաց կարմիր գոյնով, սպունդի չափ առագական և կակուղ մարմին մըն է: Վերէն՝ ցնցուղներով կապուած է, իսկ վարէն ստոծանիին վրայ կը նստի:



Թոքը, ցնցուղները, խոչափող  
եւ խոչակ

Ամէն օր փողոցը կը հանդիպի թոքը, ցնցուղները, խոչափող անոնց տուփին մէջ կախուած թոքը, որ օդով ուռած է, և պիտի ունենաք մօտաւոր գաղափար մը մարդուն թոքին մասին:

Թոքը ուրիշ բան չէ, եթէ ոչ օդով լեցուն խոդովակներու (ցնցուղներ) եւ շատ մաեր խոռոչներու խմբաւորում մը, ինչպէս մեղրի բլիթ մը որ խոռոչներու ամբողջութիւն մըն է:

Աչքի առջեւ ունեցէք մեղրի բլիթին նմանող թոքը որու խոռոչները օդով լեցուն են, իսկ անոնց բարակ

պատերուն մէջ զետեղուած են արեան մազանման բարակ երակները: Աւրեմն այդ խոռոչիկներուն մէջ օդն ու արիւնը իրարու հետ շփում կ'ունենան, իրարու կը հանդիպին: Սհա հոտ է որ կը պատահի այրումը և կազերու փոխանակութիւնը օդին և արեան մէջ:

Օդին թրուածինը երակներու բարակ պատերէն արեան մէջ կ'անցնի եւ կ'այրէ հոն գտնուող բունաւոր նիւթերը: Այդ նիւթերու այրումէն առաջ կուգան ԲՆԱԾԽԱՅԻՆ ԿԱԶ՝ որ մեր մեր ըստնին հետ դուրս կ'ելլէ, եւ ՏԱ.ՔՈՒԹԻՒՆ՝ որ մեր մարմնին մէջ կը տարածուի: Թթուածինը կը կառչի կարմիր գնդիկներուն և անոնց հետ միասին կը ճամբորդէ ամբողջ մարմնին մէջ: Եւ որովհետեւ մեր մարմնին մէջ գտնուող 5-6 լիդր արիւնը ամբողջապէս թոքերուն մէջն կ'անցնի, բոլոր գնդիկներն ալ միշտ անկէ թթուածին կ'առնեն, կը թարմանան, գոյներնին կաս կարմիր կ'ըլլայ և թթուածինը կը տանին մարմնի հեռաւոր մասերը, մաշած նիւթերը այրել տալու համար:

### Ի՞նչուս կը կատարուի Շնչառութեանը

Տեսանք որ թոքը անհամար խողովակներէ եւ խոռոչներէ բաղկացած գործարան մըն է: Ըսինք նաեւ թէ առածգական ալ է: Եթէ մէջի օդը չի կ'ընդլայնի, իսկ եթէ զինք ճնշես՝ մէջի օդը գուբր կ'ուտայ, եւ իր նախկին ծաւալը կը գտնէ:

Շնչառութիւնն ալ ուրեմն տեղի կ'ունենայ ամէն անգամ որ քոքո ընդլայնի եւ նեռուի:

Թոքը ի՞նչպէս կ'ընդլայնի ու կը ճնշուի ինքնիրեն:

Այս պաշտօնը կը կատարեն մեր կուբծքի մկանները, ստոծանին եւ կողերը:

Ասկէ առաջ կողերը նմանցուցինք վանդակի մը, որուն մէջ զետեղուած են թոքերը: Վանդակին յատակը կը գոցէ լայն և գմբէթի ձեւովմկան մը, ստոծանին, որուն ե-

գերքները կառչած են վանդակին վարի եղերքին և ողնաշարին և որուն վրայ նստած են թոքերը:


Կողերն ալ ծաշկուած են դուրսէն չատ մը մկաններով որոնք կը կծկուին և կը պրկուին:

Եթ կողերու վրայի մկանները կծկուին, իրենց հետ վեր կը քաշեն կողերը, որոնք բոլորովին անշարժ կերպով չէ որ փակած են ողնայարին: Եթ կողերը վեր կը բարձրանան վանդակը կ'ըդլայնի ֆիչ մր: Այդ պահուն կը կծկուի նաեւ սոսոծանին և քաշուելով ինք իր վրայ, իր գմբէթը քիչ մը կը ցածնայ, կը տափակնայ և հետեւաբար թոքերու վրայ ձնչելէ կը դադրի: Այս ալ պատճառ մը կ'ըլլայ որ փանդակի մէջի միջոցը բնդլայնի, մեծնայ:

Եթ ամէն կողմէ թոքերու վրայի ձնչումը պակսի, բոյր ինըն ալ կ'ընդլայնի: Ալդ պահուն դուրսի օդը բոյքին մէջ կը խուժէ, որովհետեւ հոն պարապութիւն կայ: Ասոր կ'ըսենք ներծնչում:

Այս երեսոյթը հասկնալու համար առէք կրակի փքոց մը: Նախ փքոցը դոց է: Վրայի կափարիչը վեր կը բարձրացնէք: Տակի կաշիէ պարկը կ'ընդլայնի, կը բացուի, և որովհետեւ մէջը պարապ է, դուրսի օդը փքոցին մէջ կը խուժէ: Այս մասը կը համապատասխանէ թոքի ներշնչումին:

Ճնշեցէք փքոցի ներշնչում Արտաշնչում վերի կափարիչը և սեղմեցէք կաշիէ պատերը: Այն ատեն փքոցի մէջի օդը դուրս կը փախչի սուլող ձայնով մը:



Ներշնչում

Արտաշնչում

Թոքին ալ նոյն բանը կը պատահի: Վանդակը անգամ մը ընդլայնուելէ վերջ, կծկող մկանները կը թուլան, կը պարզուին: Ուրիշ հակառակորդ մկաններ այս անգամ կողերը վար կը քաշեն, վանդակը կը նեղնայ քիչ մը և կը սեղմէլթոքերուն վրայ: Ստոծանին ալ թուլալով իր նախկին գմբէթի ձեւը կ'առնէ, առ ալ վարէն վեր կը ձնչէ թոքին վրայ, և ներս մտած օդը դուրս կ'ելլէ: Այս ալ արտածնչումն է:

Ուրեմն շնչառութիւնը ունի երկու պահ, — ներծնչում և արտածնչում: Այս երկու պահերուն մէջ կայ պղտիկ դադար մը: Այս միջոցին է որ օդի մէջի թթուածինը կ'անցնի արեան մէջ, և արեան մէջի բնածխային թթուն՝ որ այրումէն առաջ եկած կազ մըն է, դուրս կ'ելլէ և սոր համար է որ մենք պաղ օդ կը շնչենք և տաքցած օդ դուրս կուտանք:

Զկարծէք որ օդը մեր բերնէն ու քիթէն ներս մտնելուն համար է որ թոքերը և վանդակը կ'ընդլայնին: Տեսաք թէ հակառակն է որ կը պատահի: Նախ վանդակն ութոքը կ'ընդլայնին, որպէս զի պարապութիւն գոյանայ ներսիդին և յետոյ է որ օդը հոն կը խուժէ: Գիտէք թէ ուր որ օդը քիչ է, անօրէ, հոն օդ կը խուժէ տարբեր տեղերէ:

Կենդանական օկերթուիթիկն. — Կենդանական ջերմութիւն կ'ըսենք այն տաքութեան զոր ունին բոլոր կենդանիները և մարդք: Այս տաքութիւնը այրումէն առաջ կ'ուգայ: Այս այրումը դանդաղ այրում մըն է, առանց բոցի ու կրակի, նման այն այրումին որ տեղի կ'ունենայ, եթէ չմտրած կիրի վրայ ջուր լեցնենք:

Կենդանական ջերմութիւնը ամէն կենդանիի համար հաստատ աստիճան մը ունի, մարդունը  $37^{\circ}$  է, թոչունը ներունը  $39^{\circ}$  եւայլն:

ուակ անոր որ չատ աղքատ սնունդ մը կ'առնեն, կերածնին  
մեծ մասով հաց ու բանջարեղին է:

Ասիկա միայն իրենց լեռներու օդին ու գաշտային  
աշխատանքներուն կը պարտին: Մինչդեռ քաղաքացիները  
որոնք ամէն օր տեսակ տեսակ կերակուրներով, անուշե-  
ղիններով ու ըմպելիններով կը սնանին, դարձեալ թոյլ,  
մեղկ, տժզոյն ու ճողած են, որովհետեւ միշտ քաղաքի  
նեխած օդը կը չնչեն, և գիւղացիի չափ բաց օդին չեն  
աշխատիր:

Դուք ձեր վրայ ալ կրնաք փորձով տեսնել. — Անոնք  
որ արձակուրդին գիւղ կ'երթան, քանի մը շաբաթ բաց  
դաշտերու եւ լեռներու մէջ կ'անցընեն, քաղաք վերա-  
դարձին՝ գոյնը շտկուած, վրայ եկած ու առոյցած կ'ըլ-  
լան: Պատճառը միայն գիւղի բաց, արեւոտ և մա-  
քուր օդն է:

Կը հասկնաք ուրեմն մաքուր օդին կարեւորութիւնը:  
Ուստի, քանի որ ստիպուած ենք քաղաքի նեղ և ցած  
տաներու մէջ բնակիլ և կոմ ուսման սիրոյն դասարանի  
մէջ փակուիլ օրը մինչեւ իրիկուն, ջանանք զոնէ այդ  
տեղ կարելի եղած չափով հոգ տանիլ մեր չնչած օդին:

Դասարանի մէջ լուսամուտները միշտ բաց պահելու  
է, որպէս զի օդը փոխուի: Կարելի եղածին չափ փոշի և  
ծուխ չնչելէ զգուշանալու է: Դպրոցէն վերջ՝ քաղաքէն  
գուրս կամ բաց հրապարակներու վրայ 1—2 ժամ ազատ  
օդի մէջ պարտելու կամ խաղալու է:

Գիշերները սովորութիւն ընելու է բաց պահել ննջա-  
րանի լուսամուտները, մանաւանդ եթէ սենեակի մէջ  
քանի մը հոգի կը պառկին:

Սենեակներու մէջ, վառարանը վառելէ վերջ, ներսը  
թարմ օդ բերելու է, որովհետեւ վառարանը վառած ատեն  
մեր ծծելիք թթուածինը ինք կը սպառէ, փայտերը այ-  
րելու համար,

Բոյսերն ալ գիշերները թթուածին կը սպառեն. ուստի

## ԱՐՈՂՁԱՊԱՀԱԿԱՆ ԿԱՆՈՆՆԵՐ

Տեսանք որ չնչառութիւնը մաքուր թթուածին առ-  
նելու և թունաւոր ածխային կազզ գուրս տալու գործո-  
ղութիւն մըն է: Աւելցնենք նաեւ որ, եթէ բնածխային  
կազզ քիչ մը երկար մնայ արեան մէջ՝ մարդս թունաւո-  
րումի նշաններ ցոյց կ'ուտայ, գէմքը և շրթունքները կը  
կապուտնան (որովհետեւ արխւնը կը սեւնայ), սաստիկ  
գլխու ցաւ կ'ունենայ և կը թմրի կ'իյնայ: Իսկ եթէ առ-  
ւելի երկար ատեն շունչ չառնէ, կը մեռնի: Ասոր՝ Շնչա-  
նեղձութիւն կ'ըսեն:

Քայց բնածխային կազզվ թունաւորումը քիչ անգամ  
այսպէս յանկարծակի կը պատահի. սովորաբար դանդաղ  
քունաւորումի ձեւով տեղի կ'ունենայ: Երբ օրն ի բուն  
նստինք պատունանները գոց սենեակներու մէջ ուր մեղի  
հետ ուրիշ քանի մը հոգի ալ կը չնչեն, այն ատեն բոլորս  
իրարու թոքերէն ելած բնածխային կազզ կը չնչենք, ո-  
րովհետեւ թթուածինը պակսած կամ հատած է սենեակի  
օդին մէջ:

Զեղի ալ պատահած չէ՝ արդեօք սաստիկ գլխու ցաւ  
ունենալ, երբ զասարանի մէջ խոնուիք և շուտ շուտ  
լուսամուտները չբանաք, օդը փոխելու համար: Դասա-  
րանի օդը փոխել՝ կը նշանակէ ներսը հաւաքուած արտա-  
շնչումի կազերը գուրս հանել և փողոցէն թթուածին  
պարունակող օդ ներս բերել:

Սակայն փողոցի օդն ալ շատ յաճախ բաւարար չէ:  
Միծ քաղաքներու մէջ, ուր փողոցները այնքան նեղիկ  
ու աղտոտ են, ուր բազմաթիւ գործատուններ և մեքե-  
նաներ օրն ի բուն ծուխերու կազեր կ'արտաքրեն, շատ  
աղտոտ է օդը: Մաքուր եւ առողջարար օդը կարելի է  
գտնել բաց դաշտերու և լեռներու վրայ: Դուք կը տես-  
նէք թէ գիւղացիները որքան առոյց եւ ուժեղ են, հակա-

ննջարաններու մէջ դիշերները շատ թաղար պահելու լէտ։ Ասկէ զատ, խոնառութիւն ալ կ'արձակեն օդին մէջ, ինչ որ ննջառութեան համար վեասակար է։

Ննջառութեան կը նպաստէ մարզանքը։ Լաւ չնչառութիւն կ'ունենան անոնք, որոնց կուրծքի մկանները գորացած են և վանդակը լայնորէն կ'ընդլայնի ու կը կծկի։ Այս պարագային օդը թոքերու բոլոր խորշերը կը լիցնէ։ Մինչդեռ՝ ծուռ ողնայար և նեղ վանդակ ունեցողներու թոքերուն մէջ օդը լաւ չի թափանցեր, թոքերու վերի ծայրերը առողջարար օդի երես չեն տեսներ և հոն կարգ մը վտանգաւոր հիւանդութիւններ բոյն կը դնեն։

Մորթի մաքրութիւնը շատ կարեւոր է։ Մորթը չնչառական գործարան մըն է միանգամայն։ Թոքերով կատարուած չնչառութիւնը առանձինն չպիտի բաւէր մեր արիւնը մաքրելու և մենք պիտի թունաւորուէինք, եթէ մեր մորթն ալ տնչառութեան շուսն ակցէր։ Մորթի ծակտիկներէն օդը հերափողիկներուն կը հասնի, և թթուածինը կարմիր գնդիկներուն կը կառչի։

Ասկէ զատ, մորթին գեղձերէն է որ դուրս կը ծորի քրտինքը, որ արեան թունաւոր աղերէն մեծ մաս մը դուրս կը հանէ իրեն հետ։

Ուրեմն մորթը լաւ օֆանդակ մըն է թոքերուն և երկամներուն, ու անոնց բեռը կը թեթեւցնէ։ Եթէ մորթի մաքրութեան հոգ տանինք, մեր թոքերուն և երկամներուն յոգնութիւնը պակսեցուցած կ'ըլլանք։

Ննջառական գործարանը շատ շուտ կ'ազդուի խոնառութենէ և չուտով կը բորբոքի։ Դիտած ըլլալու էք թէ ինչքան շուտ հարբուխ կ'ըլլաք։ Հարբուխը ամենաթեթեւ բորբոքում մըն է որ առաջ կուգայ խոնաւ օդ չնչելէ և ցուրտ առնելէ։ Եթէ միշտ հարբուխ ըլլաք, ուրիշ աւելի ծանր հիւանդութիւններու տեղ պատրաստած կ'ըլլաք ձեր թոքերուն մէջ։

## ԶՆԱՅԻՆ ԴՐՈՒԹԻՒՆ

Հետզնետէ սորվեցանք ոսկորներն ու իրենց տարժումը, մկաններն ու իրենց կծկումները. սիրտը, երակներն ու արեան երջանքը, թոքերն ու իրենց ելեւեզը։ Ասոնք բոլորը կը շարժին ու կը գործեն։ Բնաւ չփորձուեցաք հարցնել թէ ո՞վ շարժել ու գործել կ'ուտայ այս գործարաններուն։


Մեր ուղեղը ընկել կ'ուտայ այս բոլորը։ Ուղեղը մեր բոլոր փափաքներուն և պէտքերուն համաձայն մեր ոտքերուն քալել կ'ուտայ, մեր ձեռքերուն շարժիլ, մեր ծնոտին՝ ծամել, և թոքերուն՝ չնչել։ Ասիկա է որ կը կառավաւէ մեր բոլոր գործարանները։ Ահա թէ ի՞նչպէս։

Ուղեղը մոխրագոյն, կակուղ և կոնաձեւ գործարան մըն է։ Դուք գոնէ տեսած էք ոչխարի ուղեղը, զոր շուկայէն կը գնեն ու կերակուր կ'ընեն։ Մարդու մը ուղեղն ալ ձիչդ ոչխարի ուղեղին ձեւն ունի, սակայն անկէ 5-6 անգամ աւելի խոշոր է եւ մանաւանդ շատ զարգացած։

Ուղեղը զետեղուած է գանկին մէջ, գանկին յատակը եւ ետեւի կողմը գըտնուող ծակէ մը իր մէկ մասը կ'երկարի ողնայարի խողովակին մէջ եւ կը հասնի մինչեւ մէջքէն վար եւ հոն բազմաթիւ ձիւղեր կ'արձակէ։ Ողնայարի մէջ երկարող մասին ողնուղեղ կամ ողնածուծ կ'ըսեն։

Թէ ուղեղէն եւ թէ ողնուղեղէն կը բածնուին բաղմաթիւ լարեր, որոնց ջիղ կ'ըսեն։

Զիղերը ձերմակ, երկայն, ամուր եւ առածգական լարեր են, երբեմն կերակուրի միսին մէջ կը հանդիպիք անոնց։ Շատ երկար են, օրինակ՝ ողնուղեղի մէկ կէտէն կ'ելլեն եւ մինչեւ ձեռքի մատները կամ մինչեւ ոտքի մատներու ծայրը կ'երկարին։ Կան ջիղեր որ ողնածուծէն



Ուղեղ

մեկնած ատեն ճկոյթ մատի կամ մատիտի չափ հասաւ են, բայց մինչեւ որ ոտքը հասնին, իրենց ճամբու ընթացքին այնքան ճիղեր կ'արձակին որ դերձանի չափ կը բարականան: Այս ձեւով, ողնածուծէն ելլող ջիղերը բարակ մազմզութներու խիստ ցանց մը կը սփռեն մեր մորթին տակ:

## ԶԳԱՑՈՂՈՒԹԻՒՆ

Մեր մարմինը միշտ շրջապատի առարկաներու հետ շփում ունի: Օգը մեր մորթը կը շոյէ, մեր ոտքերը քարի կամ փայտի կը զարնենք, մեր լեզուն կերակուրէն կ'այրի են. են.:

Այս բոլոր պատահածները մեր ուղեղը կ'իմանայ իր նստած տեղը:

Ի՞նչպէս կ'ըլլայ արդեօք:

Մորթի տակ եւ բոլոր գործարաններու մէջ ցանցնուած ջղային մազմզութները, դուրսի սպառուարիները կը փոխազրեն ուղեղին, եւ ուղեղը կը զգայ, տեղեակ կ'ըլլայ պատահածին: Ատոր համար է որ կ'ըսենք. թէ կը զգանք ցուրտը, տաքը, ցաւը, հաճոյքը, ազին ու լեզին են. Ուղեղն ալ դարձեալ ջիղերու միջոցաւ մեղի շարժել կուտայ մեր ոտքը, ձեռքը, լեզուն, թոքը, աղիքները են. են.:

Ջիղերը ի՞նչպէս տպաւորութիւնները կը փոխազրեն եւ ինչպէս շարժումի հրաման կը բերեն ուղեղին: Ասիկա ձեղի բացատրելը քիչ մը դժուար է, սակայն ելեկտրական թելի օրինակը մասամբ կը լուսաբանէ ձեզ:

Փողոցը, օդին մէջէն անցնող այս մետաղէ թելերը շատ հեռաւոր տեղէ մը ուժ մը կը փոխազրեն հանրակառէ ըստած մեքենային, եւ մեքենային անիւները կը դառնան, կառքն ալ կ'առաջանայ: Եթէ կեղրոնէն ուժ շարձակեն թելերու մէջ, մեքենաները իրենց տեղը անշարժ կը մնան:

Ասոր նման բան մըն է որ կը պատահի մեր մարմնին մէջ: Ուղեղին օրութիւն մը, հրաման մը կը փոխադրուի ջիղերու միջոցաւ ո եւ է մէկ գործարանին, ու անիկա իրեն յատուկ դրծը կը կատարէ:

Մեր ջիղերը երկու տեսակ են. մէկ մասը մարմնի զանազան մասերէն տպաւորութիւններ կը տանի ուղեղին. ասոնց զգացական զիղեր կ'ըսեն. միւս մասն ալ ուղեղին շարժումի հրաման կը բերէ. ասոնց ալ տարծիչ զիղեր կ'ըսեն:

Ուղեղը միայն գործարաններուն գործելու հրաման տալով չի բաւականանար, ան ունի նաև խորհելու եւ զատելու կարողութիւն: Կը խորհի, կը հաշուէ թէ ե՞րբ պէտք է հրաման տայ եւ թէ ի՞նչ տեսակ հրաման տաշիղերը, ուղեղը եւ ողնուղեղը լու է: Կենդանիներու մէջ այս կարողութիւնը շատ զարգացած չէ: Նախ, անոնք մարդոց չափ իմաստուն բաներ չեն ըներ, եւ յետոյ չեն ալ զիտեր թէ ի՞նչ կ'ընեն:



## ԶԳԱՅԱՐԱՆՆԵՐԸ յատուկ գործարաններ են որոնց մէջ զետեղուած ջիղերը մասնաւոր տպաւորութիւններ միայն կը փոխադրեն:

Մարդը հինգ զգայարան ունի:

1. ՇՈՇԱՓԵԼԻՔ. — Առարկայի մը կարծրութիւնն ու կակութիւնը, պաղն ու տաքը եւ ձեւը զգացողը մեր մորթն է: Զեռքերու մատները մանաւանդ շատ լաւ յարմարցուած են այս պաշտօնին համար, որովհետեւ անոնց ծայրերը ջղային կծիկներ կան զետեղուած: Մորթը հպումով, իսկ մատները շօշափելով կը ստանան մեր շրջապատի առարկաներու տպաւորութիւնները:

2. ՃԱՇԱԿԵԼԻՔ. — Նախորդին նման դարձեալ հպումով կը ստանայ առարկային տպաւորութիւնը, սակայն մասնաւորաբար համի տպաւորութիւնը զգալու յատկացուած է: Թէեւ առարկայի ձեւին կամ կարծրութեան մասին ալ գաղափար մը կրնայ տալ:

Ճաշակելիքի զգայարանը լեզուն է: Անոր վերի երեսին վրայ զետեղուած են շատ մը ջղային կծիկներ, համի տպաւորութիւնը առնելու եւ ուղեղին հաղորդելու համար:


Կարեւոր է գիտնալ նաև թէ լեզուն շարժող ջիղը ուրիշ, համ առնել տուող ջիղը՝ ուրիշ:

3. ՀՈՑՈՑԵԼԻՔ. — Քիթն է միայն որ հոտ առնելու յատկութիւնն ունի: Քիթի ծակերու ներսիդին կան բազմաթիւ ծալքեր: Այդ ծալքերը պատուած են բարակ թաղանթով մը, որուն վրայ կան ջղային անթիւ անհամար մազմզութներ: Այս մազմզութները շուտ կ'ազգուին կաղերէն: Բացէք քացախի շիշ մը եւ ձեր քիթին դէմ բոնեցք: Քիթին մէջ ասղնաւուք մը կ'իմանաք: Քացախէն ելլող շողին է որ կը գրգռէ քիթի ներսի թաղանթը եւ այդ ծակող տպաւորութիւնը կ'ուտայ: Ամէն բան որ կ'այցը,

— իւղ, խէժ, ածուխ, փայտ, — ծուխ և կազ կ'արձակէ օդին մէջ: Փտող և նեխած նիւթերն ալ կազ և անտեսանելի մասնիկներ կ'արտազրեն: Խակ ծաղիկները, փոշիներ և մասնիկներ զուրու կ'ուտան օդին մէջ: Այս բոլորը շունչին հետ կ'երթան քթի թաղանթին կը փակչին ու զայն կը տպաւորեն: Ջիղերը այդ տպաւորութիւնը ուղեղին կը փոխանցեն:

4. ԼՍՈՂՈՒԹԻՒՆ. — Խսելու զգայարանը ականջն է: Ականջը, ինչպէս կը տեսնէք, զոյգ մըն է: Դուրսը շրջանակած կոճիկէ մաս մը կը տեսնէք. ասիկա կոթին է, որ ձայնները հաւաքելու կը ծառայէ:

Սոոր խորը կը սկսի խողովակ մը, որուն արտաքին խողովակի լըսեն և գէպի ներսը, շեղակի ոսկորին մէջ կ'երկնայ: Այս արտաքին խողովակի յատակը շատ բարակ թաղանթով մը գոցուած է: Այս թաղանթին քմբուկ ըստած են:



Ա. Կ. Ա. Զ. Յ.

1. Կոնք, 2. արտաքին խողովակ, 3. թըլբուկ, 4. մուրճ եւ սալ, 5. ոսպնեակ ու ասպանդակ, 6. լողութեան չիղ, 7. եւստաքեան խողովակ:

որ պարզ խոչակ մըն է, ուկորին մէջ փորուած: Իր մէջ կան զետեղուած չորս հատ փոքրիկ ուկորներ, որոնք նոյնքան փոքրիկ մկաններու չորսիւ իրարու վրայ կը շարժին: Մէկուն ըստած են մուրճ, միւսին ալ սալ, որովհետև մէկը միւսին վրայ կը զարնէ: Միւսներուն ալ ըստած են ոսպնեակ և ասպանդակ, իրենց ձեւին համար:

Միջին ականջի գուրսի անցքը ակտանք որ թմբուշ  
կով գոցուած է: Իր ետեւի կողմէն, շատ խորը, ուրիշ  
խողովակ մը կայ որ կ'երկնայ դէպի վար և բերնի ետե-  
ւը, քիթի ետեւի ծակերուն մօտիկը, ստուգնի մէջ կը  
բացուի: Ասոր ալ Եւսամեան խողովակ ըստ են, գտնո-  
ղին անունով: Այս խողովակէն օդ կերթայ դէպի միջին  
ականջը:

Ամէն անգամ որ թուք կլէք կամ յօրանջէք, ձեր  
ականջներուն մէջ ձայն մը կը լսէք, սփառց մը թօթուե-  
լու պէս ձայն մը: Եւստաքեան խողովակէն մտնող օդն է  
որ կ'երթայ, ետեւէն թմբուկին կը բախի և այս ձայնը  
կը հանէ: Միջին ականջին աւելի ետեւի կողմը կայ Եր-  
քին ականջը: Ենքոսկորին մէջ փորուան երեք հատ շր-  
ջանակածու խողովակներէ և փոքրիկ ուլականջի մը պատ-  
եանին նմանող խորչէ մը կը բաղկանայ: Այս խողովակ-  
ներն ու խորշը այնքան բարդ ու մանուժապատ են որ,  
լափիւրիթու անունը ստացած են: Այս լափիւրինթոսն է  
որ ներքնապէս պատուած է թաղանթով մը որուն մէջ  
կը յանգին լողական ջիղի հազարաւոր կծիկները և դաշ-  
նակի մը սուենաշարին պէս կը շարուին: Լափիւրինթոսը  
լցուած է նաեւ փոշիախառն հեղուկով մը:

Տեսէք թէ ինչպէս կը կատարուի լողութիւնը.

Դուրսի ձայները կամ օդին ալիքները արտաքին խո-  
ղովակին մէջ ամփոփուելով, ուժով մը կը բախին քր-  
կաբաղաթին: Թմբկաթաղանթը ևս առաջ կ'երթայ.  
Ինչպէս պատուհանի վարագոյրը, երբ գուռն ու պատու-  
հանի ապակին միանգամայն բանանք: Թմբկաթաղանթը  
կը քաշէ ու կը հրէ ետեւի կողմէն կապուած ոսկորները,  
որոնք իրարու կը բախին: Ոսկորներու այս բախումը կը  
փոխանցուի ներքին ականջի մէջի լափիւրինթոսի հե-  
ղուկին: Այս հեղուկը ոսկորներու թրթուացումէն պղտիկ  
ալիքներ, թրթուամներ կ'ունենայ, որոնք կը տպաւորեն  
լողական ջիղի ծայրերը: Ասոնք ալ տպաւորութիւնը կը  
փոխանցեն ուղեղին և այսպէս լսած կ'ըլլանք ձայները:

## Զ Ա Յ Ն

Ամէն անգամ որ օդը արագ և ուժեղ կերպով խողո-  
վակէ մը անցնի, ձայն մը կը հանէ: իսկ եթէ այդ խո-  
ղովակը իր մէջ յատկապէս շինուած ատամներ կամ լարեր  
ունենայ, ձայնը աւելի ուժեղ կ'ըլլայ:

Այսպէս են բոլոր սուլիչները, ըլլան ձեռքի, ինք-  
նաշարժի, նաւի կամ երկաթուղիի, որոնք շունչով, օդով  
և չոդիով կը սուլեն:

Մարդոց չնչառական գործարանի մէկ կէտին վրայ  
ձայնական խողովակ մը կայ: որուն հազար կ'ըսեն:

Հագագը ծնօտի վարի կողմը կը գանուի և ձեռքով  
կրնայ շօշափուիլ: Քանի մը տասնեակ կոճիկներէ շին-  
ուած խողովակ մըն է: Խողովակին ներսի կողմը մսեղէն  
չորս հատ ծալքեր կան դէմ դէմի, որոնց ձայնական բե-  
լիր անունը կ'ուտանց թոքերէն եկող օգը երբ այդ ծալ-  
քերուն մէջէն կ'անցնի, կը թրթուացնէ զանոնք և ձայն  
կը հանէ: Այդ ծալքերու կամ ձայնական թելերու կծկու-  
մէն ու պարզումէն, հաստնալէն ու բարակնալէն և շուն  
չի գուրս խուժելու սաստկութենէն կախում ունի ձայնի  
սուր կամ թաւ, բարձր կամ ցած ըլլալը:


Ուշադրութիւն ըրած էք անշուշտ որ ջութակին հաստ  
թելը թաւ ձայն կը հանէ: Ճիշդ այդպէս ալ, երբ հարբուխ  
ըլլանք, մեր ձայնը սովորականէն աւելի թաւ հնչում մը  
կ'ունենայ, որովհետեւ մեր ձայնական լարերը բորբ-  
ումէն ուռած կ'ըլլան:

Կիներուն ձայնը աւելի բարակ է այրերէն, որովհե-  
տեւ անոնց հազարի լարերը աւելի բարակ և կարճ են:

U 2 P

Տեսողութեան զգայարանը աչքն է։ Աչքերը զոյզ են ։ Մենք դուրսէն անոնց արտաքին մասը միայն կը տես-նենք։ Ներքին մասերը տեսնելու համար մորթուած ոչ-խարի աչք մը ճարելու է և կտրելով՝ մէջի կողմը զի-աելու է։

Բուն ակտութեան ծառալող մասր այն գունդն է որ



U.S.P.

## ԱՀԲԻՆ ՆԵՐԲԻՆ ՄԱՍԵՐԸ

Կը շարժի իր խոռոչին մէջ։ Գունդը շարժող յատուկ մկաններ կան։

Յարակից մասերն են յօնքերը, արտեւանները, թարթիչները և արցունքի գեղձերը, Արտեւանները և թարթիչները աչքի գունդը փոշիներէն և սաստիկ լոյսէն կըպաշտանեն:

Արցունքի գեղձերը որ վերին կոպերու տակ զետեղ-  
ուած են, աչքի մէջ միշտ թացութիւն մը պահելու կը ծա-  
ռային։ Թացութիւնը միշտ պէտք է, որպէս զի աչքին  
շփումները դիւբացնէ կո պերուն հետ և փոշիները ար-  
տաքսէ։

Աչքին գունդը, կարմիր սալրսի մը մեծութիւնն ու կակլութիւնը ունի: Այս գունդին առջեւի փոքր մէկ մասը միայն կը տեսնենք թարթիչներու բացուածքէն, մեծ մասը թաղուած է ակնախոռոչին մէջ:

Աչքի գունդը կազմուած է կեղեւէ մը և միջուկէ մը։  
կեղեւը քանի մը առածդական թաղանթներ են, մէկը  
միւսին վրայ անցուած։

Միջուկը թանձր ու թափանցիկ հեղուկ մըն է :

Կեղեւը կազմող թաղանթներն են — դուրսէն դէպի ներս — հարծրենի. մզնենի և ցանցենի:

Կարծրենին՝ թարթիչներու մէջէն տեսնուած ճերմակ  
մասն է. ասոր ճիշդ կեզրոնական մասը որ եղօրեիկ կ'ըս-  
ուի, թափանցիկ է և տեսանելի կը գարձնէ իր ետեւի մա-  
սերը։ Կարծրենին շատ ամուր նեարդներէ ճիւսուած է։

Մզնենին կարծենիին տակն է և արեան երակներով  
հիւսուած թաղանթ մըն է։ Այն գունաւոր և շրջանակա-  
ձեւ մասը որ եղջերիկի տակը կը տեսնենք, մզնենիին առ-  
ջեւի մասն է և ծիածան կ'ըսուի։ Ծիածանի մէջտեղը սեւ  
բիծ մը կայ. ասիկա պարզապէս ծակ մըն է և բիբ կ'ըս-  
ուի։ Ցանցենին մզնենիին տակ կը գտնուի, բոլորովին չի-  
դերէ հիւսուած թաղանթ մըն է։ Թաղանթին վրայ, բոլո-  
րովին ետեւը, կայ կէտ մը ուր կը յանդի տեսողութեան  
ջիլը։

Յանցենիին մէջ կայ ապակեհիւր ըսուած թանձր ու  
թափանցիկ հեղուկը :

Անգամ մըն ալ առջեւէն դէպի ետեւ դիտենք աչքը:

Ճիշդ մէջտեղը կը տեսնուի Եղջերիկը, որ Կարծրենիլին  
Թափանցոկի դարձած մասն է:

բաղադրիկին տակ կը տեսնենք ծիածանը որ գունաւոր  
շղանակ մընէ :

Ծիածանին մէջտեղ՝ բիբր որ պարզապէս ծակ մըն է:

Իրերին ստաւը զայ ստպանակ բառած խափառթիկ սար-  
մին մը, որ բիբին մէջն չի տեսնուիր:

Եղջերիկին և ծխածանին մէջտեղը կայ խոռոչ մը որ  
թափանցիկ հեղուկով մը լեցուն է:

Ծիածանին ու սապնեակին ետեւի մեծ խոռոչը լեցուն  
է առանձին թագ, ինչաւէս տեսանք:

Ա ազգականիւթով, բաշխութամբ  
Ա ա է աչքին կազմութիւնը :

Լոյսը եղջերիկին մէջէն կ'անցնի, ինչպէս ապակիին մէջէն, բիբի ծակէն կը հաւաքուի ոսպնեակին վրայ. ու ոսպնեակն ու իր ետեւը գոնուող ապակեհիւթը կտրելով կը կեղրոնանայ ցանցենիի կեղրոնական այն կէտին վրայ ուր կը յանդի տեսողական ջիղը:

Զիզը իր վրայ ինկող լոյսի ճառագայթէն աղուելով անոր տպաւորութիւնը կը հազորդէ ուղեղին: Այսպէս է որ մենք կը տեսնենք դուրսի առարկաներու ձեւերը և գրյուերը:

Այս բանը լաւ հասկնալու համար, քննենք լուսանկարչական գործիք մը, որ շինուած է աչքը օրինակ առնելով:

Գործիքին առջեւի կողմը կը տեսնէք խոչորացոյց ապակի մը, որ մեր աչքի ոսպնեակին կը համապատասխանէ: Ոսպնեակին վրայ կայ կափարիչ մը, որուն մէջտեղի լուսանցքը կրնայ լայնալ և նեղնալ:

Գործիքին մէջ, ետեւի կողմը, կայ կիսաթափանց ապակի մը: Երբ ոսպնեակին կափարիչը բացուի, լոյսը անկէ ներս կը թափանցէ և ապակիին վրայ կը ցոլացնէ ոսպնեակին դէմ գոնուած առարկաներուն պատկերը:

Մեր աչքին ոսպնեակէն ալ ներս անցնող լոյսի ճառագայթները ցանցենիին վրայ կը ցոլացնեն մեր դիտած առարկաներուն պատկերները:

Ուրեմն մեր աչքին ոսպնեակը կը համապատասխանէ լուսանկարչական գործիքին խոչորացոյց ապակիին: ցանցենին ալ՝ կիսաթափանց ապակիին:

Լուսանկարչական գործիքն ալ բիբ ունի<sup>o</sup> արդեօք: Այսո՛ ոսպնեակին առջեւ գոնուած շարժուն կափարիչն է: Լուսանկարիչը շատ կամ քիչ կը բանայ կափարիչին լուսանցքը, համաձայն լոյսին սաստկութեան կամ տկարութեան:

Մեր բիբն ալ կը պատիկնայ, երբ շատ լուսաւոր տեղի մը նայինք: կը լայնայ, երբ տկար լոյսի և մանաւանդ մութի մէջ գոնուինք:

## ԶԳԱՅԱՐԱՆՆԵՐՈՒ ԱՌՈՂՋԱՊԱՀՈՒԹԻՒՆԸ

Բոլոր զգայարանները անազարտ պահելը անհրաժեշտութիւն մըն է, բայց մանաւանդ աչքն ու ականջը խնամքով պահպանելը մեծ կարեւորութիւն ունի:

Դժուար չէ ձեզի չափել թէ ինչքան մեծ արժէք ունին մեր աչքն ու ականջը: Եթէ այս երկու գործարանները բոլորովին խանգարուին, մենք կը դառնանք անկար, և ամբողջովին ուրիշներու խնամքին կարօտ: Առէ զատքնութեան բարիքներէն ու ընկերութեան հաճոյքներէն զուրկ կը մնանք:

Իսկ եթէ այս գործարանները անխնամ թողլով անոնց ուժն ու զօրութիւնը կորսուին, մենք շատ բան կը կորպուցնենք:

Ուստի շատ խնամքի և ուշադրութեան առարկայ ընելու է զանոնք:

Բերնի մաքրութեան շատ հոգ տանելու է: Միշտ լուալու է, որպէս զի բերնի և կոկորդի հիւանգութիւնները ականջին չանցնին: Շատ անգամ հարբուխը ականջին կ'անցնի, հոն թարախ կը շինէ և թաղանթը կը ծակէ: Ամիսներ ու տարիներ շարունակ թարախ կը վազէ, և ականջը կամ բոլորովին. կը խուլնայ կամ զողութիւնը կը ծանրանայ: Շատ տղաք լուցկիով կամ ուրիշ սրածայր առարկաներով իրենց ականջին մէջը կը քերեն: Ասիկա շատ վտանգաւոր սովորութիւն մըն է որ կընայ ականջի խսնդարման պատճառ դառնալ:

Աչքերը նմանապէս եթէ մաքուր չպահուին, յաճախ հիւանդ կ'ըլլան:

Անոնք որոնք սովորութիւն ըրած են ազտոտ ձեռքերով միշտ աչքերնին չփել, կոպերու հիւանդաւթիւն կ'ունենան և աչքերնին կը ճպոստի միշտ:

Շատ փոխանցիկ հիւանդութիւն մը կայ, որուն քառ-  
հօմ կ'ըսեն: Ասիկա դպրոցական աշակերտները իրարմէ<sup>է</sup>  
կ'առնեն: Անոնք շատ յաճախ իրարու աչքը կը խառնեն,  
կամ միեւնոյն երեսսրբիչով կը սրբուին, ու այսպէս  
իրարու կը փոխանցեն հիւանդութիւնը: Այս հիւանդու-  
թիւնը սակայն կը խարէ մարդը, շատ ցաւ չի տար, և  
տղաք շատ անգամ չեն գիտնար անոր ներկայութիւնը:  
Ու այսպէս հիննալով թէ՛ կոպերը կը թանձրացնէ և թէ՛  
տեսողութիւնը կը պակսեցնէ:

Աչքերը, ուրեմն, շատ մաքուր պահելու է: օրը քանի-  
մը անգամ ձեռքերը օճառելէ վերջ, երկու աչքերն ալ  
բուալու է:

Թէ շատ զօրաւոր և թէ տկար լոյսը հաւասարապէս  
վասակար են աչքին:

Սիկար ծիսելն ալ վասակար է: Ոչ միայն կը սեւցնէ  
եւ կը փճացնէ ակուաները, այլ եւ կը խանգարէ արեան  
շրջանը, կը գրգոէ ցնցուղները եւ կը նպաստէ սրտի տկա-  
րութեան: Ցետոյ շատ սիկար ծխողներուն ախորժակը կը  
փակուի, տեսողութիւնը կը տկարանայ, յիշողութիւնը կը  
պակսի եւն:

Պատճառը շատ պարզ է: Ծխախոտը իր մէջ կը պա-  
րունակէ նիքօքին կոչուած թոյնը:



## ԳԻՒՂԱՏՆՏԵՍՈՒԹԻՒՆ

Ճիկղերը.— Գիտէք թէ մեր սնունդը գլխաւորաբար  
երկու տեսակի կը բաժնուի: — բուսական և կենդանական:  
կենդանիներն են որ կ'արտադրեն կենդանական  
սնունդը, ինչպէս միտ, կաթ, պանիր, մեղր եւլն.: Բայց  
անոնք ալ նորէն բուսեղէններ ուտելով կը շինեն այդ  
սնունդը: Հետեւաբար, բոլոր սնունդներուն աղբիւրը  
հողն է:

Լաւ և առատ սնունդ արտադրելու համար, ուրեմն  
երկու գլխաւոր բան պէտք է գիտնալ: — Հող մշակել եւ  
կենդանի բուծանել: Այս գիտութիւնը ընդհանուր անունով  
կը կոչուի գիւղատնեսութիւն, և անոր մասնագէտն ալ  
գիւղատնեսես:

Գիւղատնեսութիւնը գլխաւորաբար բաժնուած է վեց  
ձիւղերու: — Հողագործութիւն, պարտիզանութիւն, այգե-  
գործութիւն, մեղուաբուծութիւն. կենդանաբուծութիւն եւ  
կարնաբանութիւն: Շերամաբուծութիւնն ալ գիւղատնե-  
սութեան մէկ ծիւղն է, թէեւ սնունդի հետ կապ չունի  
ուղղակի:

Հին ատենները շատ նախնական էին այս ձիւ-  
ղերը, մասնաւորաբար վերջինները գրեթէ իրենք իրենց  
ձգուած էին, տեսակ մը վայրի վիճակի մէջ: Այսօր իսկ,  
շատ մը գիւղերու մէջ մասնաւոր հող չեն տանիր կենդա-  
նիներուն. անոնք կ'ապրին անխնամ, կ'ուտեն ինչ որ կը  
գտնեն, և կը բնակին ոչ-առողջապահական գոմերու  
մէջ: Իսկ գիտէք որ պաղատու ծառերը իրենք իրենց կը  
մեծնան ու պտուղ կուտան:

Ներկայի այդպէս չէ: Կան մեծ ազարակներ, ուր  
գիւղատնեսութիւնը կը զարգանայ մասնագէտներու զե-  
կավարութեամբ, գիտական պայմաններու մէջ, և շատ  
աւելի լաւ ու առատ արտադրութիւններ կ'ունենայ:

## ՀՈՂԱԳՈՐԾՈՒԹԻՒՆ

**ՀՈՂԻՆ ՏԵՍԱԿՆԵՐԸ.** — Զեր պատոյտներու ընթացքին տեսած էք որ ամէն հող նոյն գոյնը և կազմը չունի: Երբեմն սեւ են, երբեմն կարմիր կամ ձերմակ: Ոմանք կակուղ են, ուրիշներ կարմիր կամ ճաթուած: Հողերու այս տարբերութեան պատճառն են անոնց մէջ գտնուած նիւթերը: — Կիր, աւազ, երկար, մանկանեզ, փօրաս, ազօթ եւլն:

Կիրը ձերմակ կը դարձնէ հողը, ազօթը՝ սեւ, երկաթն ու մանկանէզը՝ կարմիր, աւազը՝ կակուղ, կաւը՝ կարծը և ճաթուած:

Զուս աւազն կազմուած հողը ջուրը կը ծծէ, անձրեւէն վերջ անմիջապէս կը չորնայ և անյարմար է երկրագործութեան: Անապատները այսպէս են:

Զուս կրալին հողը ջուրը կը ծծէ, կը փշուի և կը պաքնայ: Այս ազ անյարմար է երկրագործութեան:


Զուս կաւալին հողը կարծը է, անձրեւէն վերջ կը ճաթուի, և իր ծծած ջուրը հողի վարի խաւերուն չանցըներ, այլ մէջը կը պահէ և այս ձեւով պաղ կը մնայ: Մասսամբ անյարմար է երկրագործութեան:

Ինչպէս կը տեսնէք, իւրաքանչիւր տեսակը թէ՛ առաւելութիւններ և թէ անպատեհութիւններ ունի, և առանձինն յարմար չէ մշակումի: Բայց եթէ անոնք իրարու խառնենք, այն տեսն անպատեհութիւնները կը վերնան և լաւ հող կ'ունենանք: Այսպէս, իր մէջ աւազ եւ կաւ տւնեցող հող մը, աւագուտ-կրալին, յարմար է ցորենի մշակութեան: Կիր եւ կաւ պարունակաղ հողը՝ այգեգործութեան համար աղէկ է, իսկ աւազ, կիր եւ կաւ պարունակող հողը արդէն կատարեալ եւ ամէնէն լաւն է:

Կայ նաեւ սեւ հող ըսուածը, որ անտառներու մէջ

շատ կը տեսնուի եւ յարմար է ծառերու մշակութեան, Շատ զօրաւոր է այս հողը:

**ՀԵՐԿ.** — Զի բաւեր լաւ հող ընտրել, պէտք է նաեւ հերկել զայն, փորել, տակն ու վրայ ընել, փշրել եւ կակուղցնել, որպէս զի ողը եւ ջուրը դիւրութեամբ ներս թափանցեն:




Ա. Պ Օ Ր

Հին ատենաները բան ու բրիչով կը փորէին հողը, ինչպէս դեռ հիմա կ'ընեն պարտիզանները: Յետոյ սկսան գործածել պարզ արօններ և գութաններ, որոնք կը բանին եղներով և գոմէշներով: Իսկ ներկայիս կը գործածեն ինինաշարժ արօններ (թրաքքեր), որոնք կը բանին շոգեշարժ մերքենաներով:


Ալորին խոփը խորունկէն կը կտրէ հողը և կուտայ արօրին ականջին, որ զայն տակն ու վրայ կ'ընէ: Այս ձեւով, խորը գտնուած լաւ հողը լայնօրէն կը բացուի, օդ ու ջուր կ'առնէ, կը փշրուի և ալիւրի կը վերածուի: Հողին մէջ գտնուող բոյսերը և այլ նիւթեր շաքարի պէս կը լուծուին այդ ալիւրին մէջ և մնունդ կը դառնան ցորենի սերմին համար:

Հակառակ ասոր, նորէն կը մնան կարգ մը բոյսեր, որոնք կրնան վեսել ցորենի սերմին: Այդ բոյսերուն արմատները այնքան խորը թաղուած են որ, արօրը չի

Կրնար զանոնք փրցնել։ Ասօր համար մարդիկ շինած են  
ցաման կոչուած  
գործիք մը որ  
փայտէ կամ եր-  
կաթէ ձողերով  
շինուած է, եւ  
կողերուն տակի  
երեսին վրայ ալ  
սրածայր երկայն  
ակռաներ ունի։  
Յաման կը ծա-  
ռայէ հողը փըշ-  
ընելու, դուրսը  
մնացած ցորենի  
սերմերը թաղե-  
լու և վեսակար բոյսերը արմատախիլ ընելու։



Ինքնաշարժ արօր




Ցաքան

Հողը հերկելէ յետոյ, սերմնացանը կը կատարուի։  
Սերմը կը ցանեն բուռով, ափով, և կամ մասնաւոր՝ դոր-

ծիքներով որոնք ակօսներու մէջ հաւասարապէս կը տա-  
րածեն ցորենը։

Սերմնացանը ընելէ յետոյ, երկրագործը ցաքանվ կը  
փրցնէ վեսակար բոյսերը և կը ծածկէ ակօսները։ Մաս-



Տ. Ա. Փ. Ա. Ն.

նաւոր զլանով մը ալ, տափան, հերկուած հողը թեթեւ  
մը կը ճղմեն, որպէս զի մէջի հողը չչոգիանայ շուտով  
և քիչ մը թաց մնայ։


Ա.Գ.Բ ԵՒ ԶՈՒՐ. — Երբեմն կը պատահի որ հողը չի  
կրար հարկ եղած սնունդը տալ սերմին։ Այս պարագային,  
հողը կը պարարտացնեն բնական ու արուեստական աղ-  
բերով։ Բնական աղբերն են կենդանիներու քրի՞ը և չոր-  
ցած ու փտած բուսեղէններ։ Արուեստական աղբերը գոր-  
ծարաններու մէջ կը պատրաստուին։ Ասոնք ալ տեսակ  
տեսակ են, և հողին համաձայն կը փոխուին։

Աղբը ընդհանրապէս ցանքէն վերջ կուտան։  
Աղբին չափ կարեւոր է նաև ջուրը։ Եթէ անձրեսին

ջուրը չբաւէ, երկրագործը դուրսէն ջուր կը վաղցնէ և  
կ'ոռոգէ հողը։

Իսկ եթէ հողը բնականէն շատ թաց ըլլայ, այն առեն մասնաւոր ակօնիք կը բանան և ջուրին աւելորդ մասը ուրիշ տեղ կը վաղցնեն:


ՀՈՒՆՉՔ.— Ցորենի հունձքը կը կատարուի ամառը, ընդհանրապէս Յուլիսին: Ասոր համար կը գործածեն զա-



Երկրագործական գործիքներ

Նազան գործիքներ, — մահճաղ, գերանդի եւ մեժենական հնձող: Ամէնէն լաւը մեքենական հնձողն է որ կը նմանի-


սավիրիչի մաղկարելու յատուկ գործիքին: Ասոնց կատարելաւ գործուածտեսակները, հնձելէ յետոյ կը հաւաքենաւ աւ յորենը և ուրանիր կը կապեն:




Հնձող-կապող մեքենայ

Որաները սայլերով կամ բեռնատար ինքնաշարժներով (օրօպիւս) կը փոխադրեն կալը և կը կամնեն: Հին առեն-

ները կամ կոչուած նախնական գործիքով մը կը կատարէին այս գործողութիւնը: Հիմա ալ շատ տեղ այսպէս կը կամնեն: Բայց կան վայրեր ուր կը գործածեն մեքենական կամերը, որոնք շատ աւելի արագութեամբ և կանոնաւոր կերպով կը փշրեն ցողունները, եւ ցորենն ու քարը կը զատեն իրարմէ:



Մեքենական կամ



Երոց

Երոցն ալ կը ծառայէ ցորենը մաղելու, զատելու փոշին և յարդի ու կեղեւներու մնացորդները: Այս գործիքին մէջ փայտէ շրջանակածեւ թեւ մը արագօրէն կը դառնայ և հով առաջ կը բերէ: Այս հովը կը քչէ կը տանի յարդն ու փոշին:


## ՄԱՐԳԱԳԵՏԻՆ

Մարդագետինները դաշտեր են որ կը ծառայեն կեր հայթայթելու կենդանիներու:

Երկու տեսակ մարդագետին կայ: — Բնական և արուեստական: Բնական մարդագետնին մէջ զանազան տեսակ խոտեր իրենք իրենց կ'ածին: Արուեստականները մասնաւոր կերպով կը մշակուին ու կը ցանուին և միայն մէկ տեսակ խոտ կը պարունակեն: Ամէնէն շատ ցանուած խո-

տերէն մէկն է ասպասը որ կա չոյտ հասկածեւ ծաղիկներ  
կը բանայ։ Կը ցանեն դարնան կամ աշնան։ Տարին երեք  
եւ նոյն իսկ չորս անգամ կը քաղեն։

Մեր երկրին մէջ, մարդագետինները ընդհանրապէս քնական են, ու առաւելապէս առողջութ կը պարունակեն:



Մեքենական հնձան

Երկու տեսակ առողջական կայ. — վայրի և արոեատական: Առաջինը ինքնիրեն կը ծլի ու կ'աճի, երկրորդը կը ցանեն:

Մարտին կամ Յունիսին գիւղացին կը հնձէ մարդա-  
գետինը և խոտը չորցնելով մարազը կը պահէ, իբր կեն-  
դոնիներու կեր։ Չորցած խոտին խար կ'ըսեն, ինչպէս  
գիտէք։

Ներկայիս կամ մեքենական հնձաններ, որոնք թէ կը կարեն և թէ որպէս կը կապեն:

Կաթնատնտեսութեան ամէնէն աւելի յարմար են այն երկիրները, որոնք շատ մարդագետին ունին:

W. Chaynes



ՆԻՒԹԵՐՈՒ 8ԱՆԿ


Ա. ԾԱՆՈԹՈՒԹԻՒՆ ՄԱՐՄԻՆՆԵՐՈՒ ՎՐԱՅ		Եջ
Երեք վիճակներ	• • • • •	5
Զբաշողին ուժ ունի	• • • • •	7
Կիրարկումներ	• • • • •	8
Շոգիացում	• • • • •	9
Ուրիշ կիրարկումներ	• • • • •	12
Վիճակի փոփոխութիւն	• • • • •	14
Օդ	• • • • •	16
Օդը ծանր է	• • • • •	18
Օդին ձնշումը	• • • • •	20
Կիրարկումներ	• • • • •	23
Օդը ինչերե՞ կը բաղկանայ	• • • • •	25
Զուրին կազմութիւնը	• • • • •	28
Բնածխային կազ	• • • • •	29
Ծծումբ և լուսածին	• • • • •	31
Փօթաս և սօտա	• • • • •	33
Աւշակ	• • • • •	34
Ալքօլ	• • • • •	35
Խմորում	• • • • •	36
Ի՞նչպէս ալքօլ կը պատրաստեն	• • • • •	38
Օձառ	• • • • •	38
Լուծում	• • • • •	39
2. ԳՈՐԾԱԾԱԿԱՆ ՄԵՏԱՂՆԵՐ	• • • • •	43
Ազնիւ մետաղներ	• • • • •	44
Հանքայիններ	• • • • •	44
3. ԲՆԱԿԱՐԱՆ	• • • • •	47
Նախնական տուներ	• • • • •	47
Շինութեան նիւթեր	• • • • •	50

<b>Աղիւս</b>	• • • • • • •	52
<b>Շաղախ</b>	• • • • • • •	53
<b>Գաճ</b>	• • • • • • •	54
<b>Փայտ</b>	• • • • • • •	56
<b>Բնակութեան յարմար տուներ</b>	• • • • • •	61
<b>4. ՀՈՒՍՍԻՈՐՈՒՄ ԵՒ ԶԵՐՈՒՑՈՒՄ</b>	• • • • •	62
<b>Մոմ</b>	• • • • • •	64
<b>Քարիւղ</b>	• • • • • •	67
<b>Լուսաւորութեան կազ</b>	• • • • • •	68
<b>Ինչէ՞ կազմուած է բոցը</b>	• • • • •	70
<b>5. ԶԵՐՈՒՑՄԱՆ ՄԻՋՈՑՆԵՐ.</b>	• • • • •	73
<b>Հանքածուխ</b>	• • • • •	77
<b>Ուրիշ ի՞նչ կը հանեն հանքածուխէն</b>	• •	78
<b>6. ԿԵՆԴԱՆԻՆԵՐԻՆ ՄԵՐ ՔԱՂԱԾ ՕԳՈՒՏՆԵՐԸ</b>	•	80
<b>Բուրդ</b>	• • • • • •	81
<b>Հիւսուած</b>	• • • • • •	83
<b>Հիւսելի տունկեր</b>	• • • • • •	86
<b>Մազէ շինուած առարկաներ</b>	• • • • •	88
<b>Կաշի</b>	• • • • • •	90
<b>Մուշտակ</b>	• • • • • •	92
<b>Ուրիշ օգուտներ</b>	• • • • • •	94
<b>Մեղր</b>	• • • • • •	95
<b>Մետաքս</b>	• • • • • •	97
<b>7. ՏՈՒՆԿԵՐԻՆ ՄԵՐ ՔԱՂԱԾ ՕԳՈՒՏՆԵՐԸ</b>	• •	99
<b>Բանջարեղէն</b>	• • • • • •	100
<b>Իւղաբեր տունկեր</b>	• • • • • •	101
<b>Ներկի տունկեր</b>	• • • • • •	103
<b>Ռետին, իւէժ, և ձղախէժ</b>	• • • • •	105
<b>8. ՄԱՐԴԿԱՅԻՆ ՄԱՐՄԻՆԸ</b>		
<b>Մարդ և կենդանի</b>	• • • • • •	107

<b>Ասկրային մասեր</b>	• • • • •	108
<b>Կմախք</b>	• • • • •	110
<b>Կակուղ մասեր</b>	• • • • •	114
<b>Մկաններ</b>	• • • • •	116
<b>Անհրաժեշտ գիտելիքներ</b>	• • • • •	118
<b>Ի՞նչպէս կը սնանինք</b>	• • • • •	119
<b>Մարսողութիւն</b>	• • • • •	123
<b>Ի՞նչ պէտք է ընել լաւ մարսելու համար</b>	•	125
<b>Մնունդներ</b>	• • • • •	126
<b>Հմգելիներ</b>	• • • • •	131
<b>Արիւն և արեան շրջան</b>	• • • • •	135
<b>Արեան շրջանը</b>	• • • • •	137
<b>Արիւնի առողջապահութիւն</b>	• • • • •	141
<b>Շնչառութիւն</b>	• • • • •	143
<b>Ի՞նչպէս կը կատարուի շնչառութիւնը</b>	•	145
<b>Առողջապահական կանոններ</b>	• • • • •	148
<b>Զգային դրութիւն</b>	• • • • •	151
<b>Զգացողութիւն</b>	• • • • •	152
<b>Զգայարաններ</b>	• • • • •	154
<b>Զայն</b>	• • • • •	157
<b>Աչք</b>	• • • • •	158
<b>Զգայարաններու առողջապահութիւն</b>	• • • • •	161
<b>9. ԳԻՒՂԱԾՆՏԵՍՈՒԹԻՒՆ</b>	• • • • •	163
<b>Հողագործութիւն</b>	• • • • •	164
<b>Մարգագետին</b>	• • • • •	169

ՎԵՐՁ





ՀՀ Ազգային գրադարան



NL0249956

# ԴԻՏՈՒԹԵԱՆ ԴԱՍԵՐ

Ա. ԳԻՐՔ 30

Բ. ԳԻՐՔ 40

Գ. ԳԻՐՔ 75

Դ. ԳԻՐՔ 85

Կեդրոնատեղի ԱՄԵԼ Գրասուն և Հրատարակչական, Յակով  
Արքահամեան, Պապը Ազի, Ռէշիս հեք. իսան։ Կը զՏնուի նաև  
ողբեր գրալաճառներուն մօս։

Գրասուն կը հայրայթէ նաև Դպրոցական ուրիշ դասա-  
դիրքեր։ Դիմել վերոյիշեալ հասցեին։



ԳԻՆ 75 ԴՐՈՒՅԾ